

NY DIA HO EO AMIN'I KRISTY

TENY MIALOHA

Ny anaran' ity boky ity dia milaza ny asa kendreny. Jesosy irery no ambarany, ho mahay manome izay ilain' ny fanahy, ka mitarika ny dian' ny mpivahiny trotraka sy misalasala, ho amin' ny lalan' ny fiadanana. Izy no mitarika tsimoramora ny mpivahiny mangetaheta fahamarinana ho ao amin' ny lalan' ny fiainana ambony indrindra — **lālana mifara amin' ny fahafenoan' ny fiainana Kristiana hita amin' izay efa nandà tena tanteraka, ka manana ny finoana tsy azo hozongozenina noho ny fahasoavana sy ny fiarovany Ilay sakaizan' ny Mpanota.** NK 7.1

Fo malahelo maro no efa nahazo teny fampiononana sy fanantenana tamin' ity boky ity ary efa nanampy ny betsaka tamin' ny mpianatry ny Mpamonjy izy mba hanaraka ny diantongotr' Ilay Mpitarika masina amim-pahatokiana sy fifaliana kokoa. Antenainay fa hahatanteraka asa fahasoavana be voninahitra toy izany amin' ny maro hafa koa izy. NK 7.2

Raha nanindrona mafy an' i Jakoba ny fahadisoany, ka tsaroany fa lavitra an' Andriamanitra izy noho izany — Natory tamin'eritreritra izy ka nanonofy: — Indro nisy tohatra niorina tamin' ny tany, ary nipàka tamin' ny lanitra ny lohany. Ny lālana mampitohy ny lanitra sy ny tany dia voazava tahaka izany eo anatrehan' izay mamaky ity tantaran' ny lalan' ny fiainana ity ary teny fanomezan-toky sy fanantenana no hita ato, ho azon' ny mpandeha diso lālana sy mivadi-po avy amin' Ilay mendrika hohajaina mipetraka eo an-tampon' ny tohatra mahagaga. NK 7.3

Enga anie ka hisy fahitana avy any an-danitra indray hiseho amin' izay mamaky ity tantaran' ny lalan' ny fiainana mandrakizay ity. NK 7.4

TOKO I—NY FÌTIAVAN’ ANDRIAMANITRA NY OLONA

Ny zava-boahary sy ny fanambarana ao anaty (révélation) dia samy mampiseho ny fitiavan’ Andriamanitra ny olona. Ny Raintsika any an-danitra no loharanon’ ny fiainana sy ny fahendrena ary ny fifaliana. Jereo ange ny zava-mahagaga sy tsara tarehy amin’ ny zava-boahary è. Eritrereto ange izato fanamboarana azy mahatalanjona, ka tonga amin’ izay ilàna azy tsy ny olona ihany, fa ny zava-manana aina rehetra koa. Ny hainandro sy ny ranonorana, izay maharavoravo sy manavao ny tany; ny tendrombohitra sy ny ranomasina ary ny tany lemaka. Ireny rehetra ireny dia samy milaza amintsika ny fitiavan’ ny Mpamorona. Andriamanitra no manome isan’ andro izay ilain’ ny zava-boahariny rehetra. Izany no nanoratan’ ny mpanao Salamo ilay teny mahafinaritra hoe : NK 9.1

Ny mason’ izao rehetra izao miandrindra Anao, NK 9.2

Ary Hianao manome azy ny haniny amin’ ny fotoany. NK 9.3

Manokatra ny tananao Hianao NK 9.4

Ka mahavoky soa ny zava-miaina rehetra. 1Sal.145:15,16. NK 9.5

Efa nataon’ Andriamanitra masina sy finaritra tanteraka ny olona tamin’ ny voalohany. Ary ny tany mahafinaritra, raha vao noharin’ ny Mpamorona, dia tsara tsy nisy kilema, na dia aloky ny fanozonana akory aza. Fa ny fandikana ny lalàn’ Andriamanitra — dia ny lalàn’ ny fitiavana — no nitondra loza sy fahafatesana. Kanefa na dia ao amin’ ny fijaliana vokatry ny fahotana aza, dia mbola miseho ihany ny fitiavan’ Andriamanitra. Voasoratra fa nozonin’ Andriamanitra ny tany noho ny nataon’ ny olona 2Gen.3:13..Tsilo sy hery, izany hoe, ny fahasahiranana sy ny fahoriana izay mahatonga ny fiainantsika ho feno fanabiana sy asa mahareraka, dia voatendry hahasoa antsika, ho isan’ ny fanamboarana ilaina amin’ ny fikasan’ Andriamanitra hampisondrotra antsika avy amin’ ny faharavana sy ny fietrena vokatry ny fahotana. NK 9.6

Izao tontolo izao, na dia efa simba aza, dia tsy alahelo sy fahoriana avokoa tsy akory izy rehetra. Misy fampanantenana sy fampiononana eo ami n’ny tenan’ny zava-boahary. Fa misy voninkazo eny amin’ ny hery ary ny tsilo dia rakotry ny vonindraozy. NK 9.7

«Andriamanitra fitiavana» no voasoratra eny amin' ny tsiry vao mivelatra sy eny amim' ny ahitra vao mitsimoka. Ny vorona maha-te-ho tia izay mampiravoravo ny habakabaka amin' ny hirany mahafinaritra, ny voninkazo misoratoratra izay mandefa ny fofony manitra mamerovero eny amin' ny aera, ny hazo mijoalajoala ao an' ala izay miravaka ny raviny maitso mavana,—ireny rehetra ireny dia mitory ny fitiavana fatratra sy ny fitandremana ambony indrindra ataon' Andriamanitra ary ny faniriany hahasambatra ny zanany. NK 10.1

Ny Tenin' Andriamanitra, (Baiboly), no mampiseho ny toetrany. Ary ny tenany ihany aza no nanarnbara ny fitiavany sy ny famindrampony tsy misy fetra. Raha nivavaka Mosesy nanao hoe : «Mba ampahitao ny voninahitrao aho », dia hoy Jehovah : «Izaho hampandalo ny [fahatsarako rehetra](#) eo anatrehanao 1Eks. 33:18,19.». [Ary izany no voninahiny](#). Ary rehefa nandalo teo anatrehan' i Mosesy Jehovah, dia niantso hoe : «Jehovah, Jehovah, Andriamanitra mamindra fo sy miantra, mahari-po sady be famindrampo sy fahamarinana, mitahiry famindrampo ho an' ny olona arivo mandimby, mamela heloka sy fahadisoana ary fahotana 2Eks. 34:6,7.».Tsy mora tezitra sady be indrafo Izy, satria «tia famindrampo 3Mika 7:18.». NK 10.2

Namatotra ny fontsika taminy tamin' ny famantarana tsy hita isa eny an-danitra sy ety an-tany Andriamanitra. Amin' ny zava-boahary sy ny fanehoam-pitiavana fatratra sy lalina indrindra, izay mety ho fantatr' olombelona, no nitadiavany hanehoana ny tenany tamintsika. Kanefa na dia ireny aza dia tsy tanteraka ho enti-mampiseho ny fitiavan' Andriamanitra. NK 10.3

Fa na dia tao aza izany rehetra izany, ny fahavalon' ny fahatsarana dia efa nanajamba ny sain' olombelona, ka dia tamin-tahotra no nanatonan' ny olona an' Andriamanitra, sady noheveriny ho masiaka sy tsy mamela heloka Izy. Efa notarihin' i Satana ny olona hihevitra an' Andriamanitra ho henjan-doatra amin' ny fahamarinana, na toy ny mpitsara masiaka, na tompontrosa loza be sady tsy azo ifonana. Nasehony fa Andriamanitra dia tahaka ny olona mikendry tohina hahita ny tsiny sy ny fahadisoan' ny olona mba hahazoany mamely sy mitsara azy. Ary ny hanaia izany aloka mainty izany, ka hampiseho amin' izao tontolo izao ny fitiavan' Andriamanitra tsy manam-petra no nahatongavan i Jesosy hiara-monina tamin' ny olombelona. NK 10.4

Nidina avy any an-danitra ny Zanak' Andriamanitra mba hampiseho ny Ray. «Tsy nisy nahita an' Andriamanitra na oviana na oviana; fa ny Zanakalahy Tokana, Izay ao an-tratran' ny NK 10.5

Ray, Izy no manambara Azy1Jao. 1:18.». «Tsy misy olona mahalala tsara ny Ray, afa-tsy ny Zanaka sy izay tian' ny Zanaka hanehoana Azy2Mat. 11:27.». Raha nanontany ny anankiray tamin' ny mpianatra, ka nanao hoe : «Asehoy anay ny Ray,» dia izao no navalin' i Jesosy : «Izay ela izay no efa nitoerako teto aminareo, ka tsy mbola fantatrao ihany va Aho, ry Filipino? Izay nahita Ahy dia nahita ny Ray koa ahoana no anaovanao hoe : Asehoy anay ny Ray3Jao. 14:8,9? » NK 10.5

Hoy Jesosy, raha nilaza ny nanirahan Andriamanitra Azy hanao ny asany ety an-tany: «Nanosotra Ahy hitory teny soa mahafaly amin' ny malahelo Izy, naniraka Ahy hitory fandefasana amin' ny mpifatotra Izy, sy fampahiratana amin' ny jamba, hanafaka izay nampahorina Lio. 4:18.». Izany no raharahany. Nandehandeha nanao soa sy nanasitrana izay rehetra nampahorin' i Satana Izy. Nisy tanàna maromaro izay tsy nandrenesana fitolokoana noho ny aretina, satria nandeha namaky azy Jesosy, ka nanasitrana ny marary rehetra tao aminy ho vavolombelon' ny nanosoran' Andriamanitra Azy. **Fitiavana sy famindrampo ary fiantrana no niseho tamin' ny andro niainany niaraka ory tamin' ny zanak' olombelona ny fony.** Naka ny fomban' olombelona Izy mba hahalalany izay ilain' ny olombelona. Ny mahantra indridra sy ny manetry tena indrindra dia samy tsy natahotra ny hanatona Azy. Na dia ny ankizy madinika aza dia voasintona hanatona Azy koa. Tian' izy ireny ny niantampisampy sy nankeo am-pofoan' i Jesosy, ka nibanjina ilay tarehy be eritreritra sady feno fitiavana. NK 11.1

Tsy nisy namelany ny tenin ny fahamarinana, nefa tamimpitiavana mandrakariva no nanaovany izany. **Nampiasa fahakingan-tsaina ambony indrindra misy fitandremana feno fiheverana sy halemem-panahy Izy,** raha nifampiraharaha tamin' olona. Na oviana na oviana anefa **tsy mba nanao teny manafintohina na mamelively foana, na nampalahelohelo ireo olona mora mahatsiaro izay lazaina aminy Izy.** Tsy mba naniry ny halemen' ny olona Izy. Nilaza ny marina Izy, nefa tamim-pitiavana mandrakariva,. **nambarany mazava tsara ny maharatsy ny fihatsarambelatsihy sy ny tsy finoana ary ny faharatsiam-panahy,** nefa narahindranomaso ny teny nentiny nananatra tamin' izany, Nitomany an' i Jerosalema tanàna tiany Izy, satria nandà tsy nety handray Azy, **IZAY LALANA SY FAHAMARINANA ARY FIAINANA.** Nandà ny Mpamonjy izy ireo, nefa mbola nihevitra azy tamim-pamindram-po ihany Izy. **Ny fiainany dia fandavan-tena sy fiheverana ny hafa. Zavatra saro-bidy teo anatrehany ny fanahin' ny olona tsirairay** NK 11.2

avy. Na dia ambony indrindra aza Izy dia nietry tena, ka nanaja fatratra ny olona rehetra ao amin' ny ankohonan' Andriamanitra. NK 11.2

Hitany tao amin' ny olona rehetra ny fanahy lavo, ka ny hamonjy izany no anton' ny nahatongavany. NK 12.1

Toy izany no toetran' i Kristy, raha aseho amin' ny toe-piainany. Izany koa no toetr' Andriamanitra. **Avy ao amin' ny fon' ny Ray no ihavian' ny reniranom-pamindrampon' Andriamanitra aseho ao amin' i Kristy, ka mandeha ho amin' ny zanak' olombelona.** Jesosy, Ilay malemy fanahy, Mpamonjy be fiantra, dia Andriamanitra «naseho teo amin' ny nofo 11 Tim 3:16». NK 12.2

Hanavotra antsika no nahavelomana sy nijaliana ary nahafatesan' i Jesosy. Tonga «Lehilahy ory Izy» mba hahatonga antsika ho isan' ny manana fifaliana mandrakizay. Navelan' Andriamanitra ny Zanany malalany, dia Ilay feno fahasoavana sy fahamarinana, hiala avy amin' ilay toerana misy voninahitra tsy hita holazaina, ho eto amin' izao tontolo izao izay efa voaloton' ny faholana sy nohamaizinin' ny aloky ny fahafatesana sy fanozonana. **Navelany hiala teo an-tratran' ny fitiavany Izy ka handao ny fanajan' ny anjely, mba hiaritra ny henatra, ny fanalam-baraka, ny fanetren-tena, ny fankahalana ary ny fahafatesana.** NK 12.3

«Ny fampijaliana nahazoantsika fihavanana no namelezana Azy; NK 12.4

Ary ny dian-kapoka taminy no nahasilranana antsika Isaia 53:5.». NK 12.5

Hevero ange ity Izy, raha tany an' efitra, tao Getsemane, teo ambony hazo fijaliana! Nivongaingika samy irery ny entam-pahotana Ilay Zanak' Andriamanitra tsy manan-tsiny. Nahatsiaro tao amin' ny fanahiny ny fampisarahana mahatsiravina izay ataon' ny fahotana amin' Andriamanitra sy ny olona Ilay tena iray amin' Andriamanitra. Izany no nampahory Azy, ka nitenenany ilay feo mampahonena hoe: «Andriamanitro ò, Andriamanitro ò, nahoana no dia mahafoy Ahy Hianao ? 3Mat. 27:16.» Ny nahavaky ny fon' Ilay Zanak' Andriamanitra dia ny entam-pahotana sy ny fahatsiarovana ny halehibeny ary ny fampisarahany mahatsiravina ny fanahy amin' Andriamanitra. NK 12.6

Kanefa izany fanatitra lehibe izany tsy natao mba hampiteraka fitiavana ao am-pon' ny Ray ho an' ny olona hahatonga Azy hamonjy. Sanatria ! «Fa toy izao no nitiavan' Andriamanitra izao tontolo izao: nomeny ny Zanani-lahy Tokana 4Jao 3:16.». Tsy noho ny fanatitra

fampiononam-pahatezerana nataon' ny Zanaka no itiavan' ny Ray antsika, fa efa tia antsika rahateo Izy, ka nanomana ny Zanaka ho fanatitra fampiononam-pahatezerana. Kristy no alàlana izay irotsahan' ny fitiavany tsy voafetra ho NK 12.7

min' izao tontolo izao izay simba. «Andriamanitra ao amin' i Kristy no nampihavana izao tontolo izao taminy 12 Kor. 519.». Niaranijaly tamin' ny Zanany Andriamanitra. Tao amin' ilay fangirifiriana tao Getsemane sy ny fahafatesana tao Kalvary no nandoavan' ny fon' ilay Fitiavana tsy misy fetra ny vidin' ny fanavotana antsika. NK 12.7

Hoy Jesosy : «Ary izany no itiavan' ny Raiko Ahy, satria Izaho manolotra ny aiko mba handraisako azy indray 2jao. 10:17». Izany hoe raha ovàna kely : «Efa tia anareo tokoa ny Raiko, kanefa tia Ahy mihoatra noho hianareo Izy, satria nanome ny aiko hanavotra anareo Aho. Tonga malalany Aho noho ny nisoloako sy niantohako anareo tamin' ny nanolorako ny aiko sy tamin' ny nitondrako ny loza sy ny helokareo fa noho Izaho natao fanatitra dia manao ny rariny Andriamanitra, raha manamarina izay mino Ahy». NK 13.1

Tsy misy afa-tsy ny Zanak' Andriamanitra no mahay manatanteraka ny famonjena antsika satria Izy irery ihany, Izay teo an-tratran' ny Ray no mahay manambara Azy. Izy irery ihany, Izay mahalala ny hahavo sy halalanan' ny fitiavan' Andriamanitra no nampiseho izany. Ny zavatra latsaka noho ny fanatitra nataon' i Jesosy Kristy ho an' ny olom-bery, dia tsy ampy hampiseho ny fitiavan' ny Ray an' izao tontolo izao «Fa toy izao no nitiavan' Andriamanitra izao tontolo izao : nomeny ny Zanani-lahy Tokana.» Nomeny Izy, tsy hiara-belona fotsiny tamin' ny olona, fa hitondra ny fahotany sy ho faty hatao fanatitra. Nomeny ho an' ny taranaka efa very izy. Efa nanao ny tenany ho antonona amin' izay ilain' ny olombelona Izy. Efa nanaiky hikambana amintsika zanak' olombelona amin' ny firaisana tsy azo tapahina, na oviana na oviana Izy Izay tena iray mihitsy amin' Andriamanitra. «Koa izany no tsy mahamenatra Azy hanao ireo hoe rahalahy 3Heb. 2:11.». Izy no Fanatitra sy Mpisolo vava ary Rahalahintsika, mitafy ny maha-olombelona eo anoloan' ny seza fiandrianan' Andriamanitra sady mbola hiray mandrakizay amin' ny taranak' olombelona izay navotany, ka dia Zanak' olona Izy. Hanondrotra ny olona ho afaka amin' ny fahasimbana sy ny fitambotsorana vokatry ny fahotana no anton' izany rehetra izany, ka hahatonga azy hieritreritra ny fitiavan' Andriamanitra ary hiombom-pifaliana amin' ny fahamasinana. NK 13.2

Ny avotra naloa hanavotana antsika sy ny fanatitra tsy misy fetra avy amin' ny Raintsika any an-danitra, amin' ny nanomezany ny zanany ho faty hisolo antsika, dia tokony hampieritreritra fatratra antsika, ny amin' ny tokony ho toetsika amin' ny NK 13.3

alàlan i Kristy. Feno fankalazana sy fanajana Jaona Aposloly ilay notarihin' ny Fanahin' Andriamanitra, raha nahita ny hahavo sy ny halalina ary ny sakan' ny fitiavan' ny Ray ny olombelona izay efa ho faty. Ary noho ny tsy fahitana teny ho enti-milaza ny fahalehibeazana sy ny hafatratr' izany fitiavana izany, dia niantso izao tontolo izao hijery izy, ka nanao hoe : «Endrey ! manao ahoana ny fitiavana nasehon' ny Ray ho antsika, dia ny niantsoana antsika hoe zanak' Andriamanitra 1 Jao.3:1». Akory ny hasaro-bidin' izany fitiavana omena ny olombelona, izany ! Noho ny fandikan-dalàna, dia tonga vahoakan' i Satana ny zanak'olombelona. Nefa noho ny finoana ny fanavotana nataon' i Kristy dia mety ho tonga zanak' Andriamanitra ny zanak' i Adama. Tamin' i Jesosy Kristy nitafy nofo no nanandratan' ny fomba aman-toetry ny olombelona. Ny olona izay efa lavo dia nampitraka indray ho amin' ny toerana izay azo iantsoana azy hoe: zanak' Andriamanitra noho ny firaisany amin' i Kristy. NK 14.1

Tsy roa aman-tany izany fitiavana izany ! NK 14.2

Zanaky ny Mpanjakan' ny lanitra! Teny fikasana saro-bidy manao ahoana re izany ! Hevitra mendrika ny ho eritreretina lalina indrindra ! Fitiavana tsy hita polopolorina avy amin' Andriamanitra ho an' izao tontolo izao izay tsy tia azy ! Manankery mandresy ny fanahy izany hevitra izany ary manintona ho babon' ny sitrapon' Andriamanitra. Arakaraka ny andinihantsika ny toetr' Andriamanitra eo amin' ny hazavan' ny hazo fijaliana no ahitantsika famindram-po sy fitiavana ary famelankeloka bebe kokoa, mikambana amin' ny rariny sy ny hitsiny. Ary arakaraka izany no ahafantarantsika tsara ny porofon' ny fitiavan-dehibe tsy hita fetra sy famindram-po mihoatra lavitra noho izay ananan' ny reny amin' ny zanany mania. NK 14.3

TOKO II—NY ILÀN' NY MPANOTA AN' I KRISTY

Nanana herin-tsaina ambony sady nijoro ny olombelona tamin' ny voalohany. Tanteraka tamin' ny maha-olona azy izy sady nifanaraka tamin' Andriamanitra. Nadio ny fisainany ary masina ny fikasany. Kanefa noho ny tsy fankatoavana dia nihasimba ny heriny ary fanaovana mafy fo velona no nisolo toerana ny fitiavana. Noho ny fandikan-dalàna dia niha-osa ny toetrany, ka raha ny herin' ny tenany ihany, dia tsy azony natao ny hanohitra ny herin' ny ratsy. Tonga babon' i Satana izy, ary toy ny 4 nofon-kena mby an-tanan-tsaka ' teo aminy, raha tsy Andriamanitra no nisakana. NK 17.1

Ny zavatra kendren' ilay mpaka fanahy, (devoly), dia ny handrava ny fikasan' Andriamanitra ny amin' ny namoronany ny olombelona, ka hahatonga ny tany ho heni-doza sy faharavana. Tsy izany ihany, fa tiany koa ny hampiseho, fa ireny fahoriana ireny dia vokatry ny asan' Andriamanitra tamin' ny namoronany ny olombelona. NK 17.2

Fony mbola tsy nanota ny olona dia nanana firaisana mahasambatra tamin' Ilay «iafenan' ny rakitry ny fahendrena sy ny fahalalana rehetra1Kolos.2:3.». Fa nony nanota izy, dia tsy nahita fifaliana tao amin' ny fahamasinana intsony, ka dia nitady izay hierena lavitra ny tavan' Andriamanitra. Ary mbola toy izany ihany no toetry ny fo tsy voaova. Tsy mifanaraka amin' Andriamanitra izy ary tsy mahita fifaliana amin' ny firaisana aminy. Tsy mahafinaritra ny mpanota ny ho eo anatrehan' Andriamanitra. Tena tsy tiany mainty ny fikambanana amin' ny olona masina. Raha avela hiditra any an-danitra aza izy, dia any amin' izay misy fo mifanaraka amin' ny an' Ilay Fitiavana tsy manam-petra, dia tsy hahafaly azy akory izany. Ny heviny, ny zavatiany sy kendreny dia hifanohitra amin' izay manetsika ireo olona tsy manantsiny mponina ao. Ho tahaka ny feo manivaka no amin' ny mozika tsaran' ny lanitra izy. Toerana fampijaliana, ho azy ny lanitra, ka ny zavatra tena iriny dia ny hiery ny tavan' Ilay manazava azy sady fototry ny fifaliany. Tsy didimpitsarana avoakan' Andriamanitra mba hamoaka ny ratsy fanahy tsy ho any an-danitra izany, fa izy ireo ihany no bongo mason' ny nahiny hoatry ny vivy nanitrika amin' ny tsy fiendrehany hiara mifaly amin' ny mponina ao. **Aminy, dia tahaka ny afo mandevona ny voninahitr' Andriamanitra.** Satriny levonina mba tsy hahita ny tavan' Ilay maty nanavotra azy. NK 17.3

Tsy azontsika samy irery atao ny mitsoaka avy ao amin' ny tevan' ny fahotana izay niletehantsika. Ratsy ny fontsika, nefa tsy haintsika ovàna izy, araka ny teny hoe : NK 18.1

«Aiza no misy madio ateraky ny tsy madio ? NK 18.2

Tsy misy na dia iray akory aza 1Joba 14:1.» NK 18.3

Fandrafiana an' Andriamanitra ny fihevitry ny nofo fa tsy manaiky ny lalàn' Andriamanitra izy, sady tsy hainy akory izany Rom.8:7». Ny fampianarana, ny fanamboarana ny toe-tsaina, ny fampiasana ny sitra po ary ny fikirizana dia samy manana ny anjara raharahany avy, nefa eto dia samy tsy mahakehaka ireo. Mety hahatonga fahatsarana ivelany amin' ny fitondrantena ireny, fa tsy mahay manova ny fo. Tsy hainy ny manadio ny loharanon' ny fiainana. NK 18.4

Raha tian-kiala amin' ny toetra feno fahotana ny olona mba ho tonga amin' ny fahamasinana dia tsy maintsy misy hery miasa ao anaty dia fiainam-baovao izay avy any ambony. Ary Kristy izany hery izany. Ny fahasoavany ihany no mamelona ny fanahy maty, ka mitarika azy ho eo amin' Andriamanitra sy ho amin' ny fahamasinana. NK 18.5

Izany no nilazan' ny Mpamonjy hoe : «Raha tsy ateraka indray ny olona.a» izany hoe : **Raha tsy mandray fo vaovao, faniriana vaovao, fikasana vaovao, hery mahatonga fihetsehana vaovao, izay mitarika azy ho amin' ny fiainam-baovao**, «dia tsy mahazo mahita ny fanjakan' Andriamanitra izy 3Jao. 3:3» NK 18.6

Fahadisoan-kevitra ny hoe : Ny tenan' ny olona ihany no afaka hiasa hampitombo ny toetra tsara ao aminy. «Fa ny olona izay araky ny nofo ihany dia tsy mba mandray izay an' ny Fanahin' Andriamanitra, fa fahadalana aminy izany, sady tsy azony, satria araky ny Fanahy no amantarana izany 4 1 Kor. 2:14 ». «Aza gaga noho ny nilazako taminao hoe : Tsy maintsy hateraka indray hianareo 5Jao 3:7». Ary izao koa no voasoratra, raha nilaza an' i Jesosy Kristy (Ilay Teny): «Izy no nisiam-piainana ary ny fiainana no fanazavana ny olona 6Jao. 1:4». «Ary tsy misy famonjena amin' ny hafa fa tsy misy anarana hafa ambanin' ny lanitra nomena ny olona izay hahazoantsika famonjena Asa4:12». NK 18.7

Tsy ampy ny mahatsinjo fotsiny ny fahalalaham-po sy ny halemem-panahin' Andriamanitra. Tsy ampy ny mahalala tsara ny fahendrena sy ny fahamarinan' ny lalany ary ny mahita fa izany lalana izany dia miorina eo amin' ny fitiavana mandrakizay. Nahita izany Paoly Apotoly, ka nanao hoe : «Manaiky aho, fa tsara ny lalàna, masina ny lalàna, ary masina ny didy sady marina no tsara» Nefa tsy maintsy

nanampiny izao teny mangidy izao : «Izaho kosa nofo namidy ho andevon' ny ota 1Rom. 7:16, 12, 14». Nisento manko izy noho ny fahatsiarovany, fa tsy hainy notratrarina ny fahamasinana ka hoy izy : «Indrisy ! olo-mahantra aho ! Iza no hanafaka ahy amin' ny tenan' ity fahafatesan' ity ? 2Rom. 7:4». Toy izany no fitarainan' ny fo torotoro eran' ny tany rehetra hatrany hatrany. Nefa tsy misy afa-tsy valiny iray monja no azo asetry ireo rehetra ireo, dia ity : «Indro ny Zanak' Ondrin' Andriamanitra izay manaisotra ny fahotan' izao tontolo izao 3Jao. 1:21». NK 18.8

Betsaka ny tarehin-javatra izay nentin' ny Fanahin' Andriamanitra hanazava ny fahamarinan' izany ary hahatonga azy ho mora azon' ny fanahy izay maniry ho afaka amin' ny entam pahotana. NK 19.1

Rehefa nandositra niala tao an-tranon-drainy Jakoba noho ny nanambakany an' i Esao, dia izay vao tsaroany ny fahadisoany. Nidiran-doza indrindra sady nanjiona samy irery tafasaraka tamin' izay rehetra naha-fiadanana ny fiainany. Ary ny hevitra izay nitambesatra tao an-tsainy, mihoatra noho ny hafa rehetra, dia ny fahatahorany fa ny fahotany no nahatapaka ny firaisany tamin' Andriamanitra sy namoizany azy. Nidaboka nandry hiala sasatra tamimpahoriana teo amin' ny tany mangadihady izy, ary ny nanodidina azy dia tsy nisy afa-tsy fiavoana mangingina ary teo amboniny ny habakabaka feno kintana. Kanefa raha mbola nairitory izy dia nisy fahazavana mahagaga hitany: Indro teo amin' ilay tany nandriany nisy tohatra ngezahe manjavozavo miakatra ho eo amin' ny vavahadin' ny lanitra indrindra, ary teo amboniny nisy anjelin' Andriamanitra niakatra sy nidina. Ary teo an-tampony no nandrenesany ny feon' Andriamanitra misy fampiononana sy fanantenana. Koa dia nampahafantarina an'i Jakoba izay nifanojo indrindra amin' izay ilainy sy ny faniriany, dia Mpamonjy. Ary endrey ny hafaliany sy ny fankasitrahany rehefa fantany, fa na mpanota aza izy dia mahazo miverina hikambana amin' Andriamanitia. Mampiseho an' i Jesosy, Ilay Mpanelanelana tokana amin' Andriamanitra sy ny olona, izany tohatra mahagaga hitany teo amin' ny nofiny izany. NK 19.2

Izany tarehin-javatra izany ihany koa no nampiasain' i Jesosy, raha niresaka tamin' i Natenaela Izy, ka nanao hoe : «Ho hitanareo ny lanitra misokatra sy ny anjelin' Andriamanitia miakatra sy midina eo ambonin' ny Zanak' Olona 4Jao. I:51». Noho ny fivadihana dia tonga fahavalon' Andriamanitra ny olona, ary tafasaraka tamin' ny lanitra ny tany. Tsy azo atao ny hivezivezy eo amin' ny hantsana manelanelata azy roa. Nefa noho Kristy NK 19.3

dia tafatambatra tamin' ny lanitra indray ny tany. Noho ny hatsaran' i Kristy dia nasiany tetezana teo amin' ilay hantsana izay nohadin' ny fahotana, ka dia afa-nifamoivoy tamin' ny olona ny anjely. Alain' i Kristy, amin' izao fahalemeny sy filany fanampiana izao, ny olombelona izay efa lavo, ka akambany amin' ilay Loharanon-kery tsy manam-petra. NK 19.3

Kanefa ho foana ny fiheveran' ny olona handroso, ho foana ny fikelezana aina ataony amin' ny fanondrotana ny toetr' olombelona, raha tàhiny ataony tsirambina ka hadinoiny ilay Loharanom-panantenana sy fanampiana ho an' ny zanak' olombelona efa lavo. «Ny fanomezan-tsoa rehetra sy ny fanomezana tanteraka rehetra 1Jak.1: 17, dia avy amin' Andriamanitra. Tsy misy tena hatsaran-toetra tanteraka tsara, raha tsy eo amin' i Kristy. Izy irery ihany no làlan-tokana ahatongavana eo amin' Andriamanitra. Fa hoy Izy : «Izaho no lalana sy fahamarinana ary fiainana. TSY misy olona mankany amin' ny Ray afa-tsy amin' ny alalako 2Jao.1: 46.». NK 20.1

Noho ny fitiavan' Andriamanitra izay mahery noho ny fahafatesana, dia onena ny zanany ety ambonin' ny tany Izy. Koa ny fanomezany ny Zanany dia fanolorany antsika ny lanitra manontolo ho fanomezana. [Ny fiainan' ny Mpamonjy, ny fahafatesany, ny fanelanelanana ataony. ny fanompoan' ny anjely, ny fisoloam-bava ataon' ny Fanahy Masina, ny fiasan' ny Ray amin' ireo rehetra ireo sy amin' ny alalan' ireo rehetra ireo ary ny tombon-tsoa tsy ankijanona avy amin' ireo vahoakan' ny lanitra dia samy ampiasain' Andriamanitra daholo amin' ny fanavotana ny olona.](#) NK 20.2

Ka dia banjino ilay fanatitra fanalamboady mahagaga izay natao ho antsika! [Aoka isika hahalala ny hatsaran' ny asa sy ny herim-po izay lanin' ny Lanitra hanavotana ny very, ka hitondrana azy miverina ao an-tranon ny Ray : Tsy misy hevitra ambony na asa manan-kery kokoa azo nampiasaina, na oviana na oviana, ka tsy nampiasaina, toy ny valy soa tsy hita pesimpesenina notehirizina ho an' izay manao ny tsara, ny fananana amimpifaliana ny lanitra, ny firaisana amin' ny anjely, ny fiombonana sy ny fitiavan' Andriamanitra sy ny Zanany, ny fanatsarana sy ny fampitomboana ny hery rehetra ananantsika](#) — moa ireny rehetra ireny va tsy ampy hampirisika sy hampiezaka antsika hanao fanompoam-pitiavana avy amin' ny fo ho an' ny Mpamorona sy Mpanavotra antsika? NK 20.3

Ary ao an-danin' izany koa, ny fitsaran' Andriamanitra izay voalaza fa hamelezana ny fahotana, ny tody tsy azo ialana, ny NK 20.4

ietren' ny toe-tsaintsika ary ny fandravana farany izay samy asehon' ny tenin' Andriamanitra dia rnanambara amintsika mba hanohitra ny fanompoana an' i Satana. NK 20.4

Tsy hihevitra ny famindrampon' Andriamanitra va isika ? Inona indray moa no azony atao mihoatra noho izany? Andeha isika hikambana marina amin' Ilay efa tia antsika tamin' ny fitiavana mahatalanjona. Aoka isika hihatsara mba ho tonga araka izay nikasana antsika, dia ny hiovantsika ho tahaka Azy sy hanjary naman' ny anjely indray ary hifanaraka sy hiray amin' ny Ray sy ny Zanaka. NK 21.1

TOKO III—FIBEBAHANA

Ataon' ny olona ahoana ny ho mahitsy eo anatrehanAndriamnnitra? Ataon' ny mpanota ahoana ny ho marina? Tsy misy afa-tsy ao amin' i Kristy ihany no ahazoantsika hifanaraka amin' Andriamanitra amin' ny fahamasinana kanefa ataontsika ahoana no fankeo amin' i Krisly? — Maro be ny olona velompanontaniana toy izany koa, dia toy ireo vahoaka tamin' ny andro Pentekosta, izay rehefa niaiky ny fahotany, dia nanao hoe: «Inona no hataonay ?» Ka ny teny voalohany navalin' i Petera izany dia ny hoe : «Mibebaha hianareo»1Aza 2:38. Indray mandeha taoriana kelin' izay koa, dia hoy izy : «Mibebaha hianareo, ka miverena hamonoana ny fahotanareo 2Aza 3:19». NK 23.1

Ny fibebahana dia tsy maintsy misy fahatsiarovana mangirifiry noho ny fahotana sy fahafoizana izany. Tsy afaka hiala amin' ny fahotana isika, raha tsy mahita ny maha-fahotana azy, ary raha tsy efa miala tanteraka tsara amin' izany ao ampontsika isika dia tsy hisy fiovana tanteraka tsara amin' ny fiainantsika. NK 23.2

Maro ny olona no tsy mahalala akory izay atao hoe fibebahana marina. Betsaka no mahalala fa nanota, ka miova amin' ny ivelany fotsiny, satria matahotra izy, ndrao hahatonga fijaliana aminy ny ratsy nataony. Tsy izany akory anefa no tena fibebahana ambaran' ny ny Baiboly. Misento noho ny fahoriana izany, fa tsy noho ny fahotana. Toy izany ny fahorian' i Esao, rehefa hitany fa very mandrakizay ny fizokiany. Balama niorohoro, noho ilay anjely nisakan-dàlana azy, sady nitana sabatra voatsoaka; koa dia niaiky ny fahadisoany izy, satria natahotra, fandrao maty, fa tsy nisy fibebahana marina akory tamin' izany tsy nisy fiovana

tamin' izay nokasainy hatao tsy nisy fankahalana ny ratsy akory. Jodasy Iskariota koa, rehefa namadika ny Tompony dia nikaikaika hoe : «Nanota aho, satria namadika ra marina Mat.27:4 ». NK 23.3

Fiaikena noteren' ny fanahy diso noho ny fanamelohana mahatahotra niseho teo ivelany sy ny fijerena mahatsiravina ny fitsarana izany. Ka ny vokatr' izany dia nahatonga azy ho feno tahotra fa tsy nisy fibebahana fatratra, na fo torotoro akory tamin' ny fanahiny, noho izy namadika ilay Zanak' Andriamanitra tsy manan-tsiny, ka nandà Ilay Masin' ny Israely. Toy izany NK 23.4

koa Farao, raha nijaly noho ny fitsaran' Andriamanitra, dia niaiky noho ny fahadisoany mba hahafahan' ny famaizana fotsiny. Kanefa niverina indray hanetra ny lanitra, raha vao sitratsitrana ny fery NK 23.4

Ireo rehetra ireo dia samy nitomany noho ny vokatry ny fahotana. fa tsy nalahelo noho ny fahotana- NK 24.1

Kanefa rehefa ny Fanahin' Andriamanitra no miditra ao am-pon' ny olona, dia tsy maintsy hifoha ny fieritreretana Ary amin' izay ny mpanota dia mahatsinjo ny halalinana sy ny toetra masina ananan' ny lalàn' Andriamanitra, dia lalàna izay fototry ny fanjakany any an-danitra sy ety an-tany. Ilay Fahazavana izay «tonga amin' izao tontolo izao,» dia «mahazava ny olona rehetra 1Jao.1:9» ka manazava, na dia ny ao am-po tsy miloaka aza ary mampiharihary, na dia ny zava-miafin' ny aizina indrindra aza. Tonga ao amin' ny fanahiny sy ny fony ny fahalalana marina ny fahadisoana. Rehefa ny fahamarinan' i Jehovah no hitan' ny mpanota, dia mahatsiaro tahotra amin' ny fisehoana noho ny fahadisoany sy ny tsy fahadiovany eo anatrehan' Ilay Mpandinika ny fo izy. Hitany ny fitiavan' Andriamanitra sy ny hatsaran' ny fahamasinana ary ny fifaliana amin' ny fahadiovana. Ka dia iriny ny ho voadio sy ny ho sitrana indray, ka ho tafaray amin' ny Lanitra. NK 24.2

Ilay fivavahana nataon' i Davida taorian' ny nahalavoany no azo anehoana ny alahelo marina, noho ny fahotana. Tsotra sady vokatry ny fo ny fibebahany. Tao amin' ny fivavahany, tsy nanao izay hahafa-tsiny azy tamin' ny fahadisoany akory izy, na naniry handositra ny fitsarana maha ahotra. Hitan' i Davida ny halehiben' ny fandikany ny lalàna. Hitany ny halotoan' ny fanahiny ka dia nankahala ny fahotany izy. Tsv ny famelankeloka ihany no

nangatahiny, fa ny fahadiovam-po koa. Niriny ny hahazo ny fifaliana avy amin' ny fahamasinana, dia ho sitrana indray, ka hifanaraka sy hiray amin' Andriamanitra. Iza no teny vokatry ny fony : NK 24.3

«Sambatra ny olona izay voavela ny helony sy voasarona ny fahotany.

Sambatra ny olona izay tsy isain' i Jehovah heloka,

Ary tsy misy fitaka ny fanahiny Sal.32:12»

«Mamindrà fo amiko, Andriamanitra ó, araka ny fahasoavanao

Araka ny haben' nv fiantranao, vonoy ny fahadisoako

Fa tsaroako nv fahadisoako, NK 24.4

Ary eo anatrehako mandrakariva ny fahotako.

..Diovy hysopa aho ho afa-pahotana, dia hadio;

Sasao aho, dia ho fotsy mangatsakatsaka.

Amoròny fo madio aho, Andriamanitra ó;

Ary havaozy hiorina marina ny fanahiko ato anatiko.

Aza manary ahy hiala eo anatrehanao;

Aza manaisotra ny Fanahinao Masina amiko.

Ampodio amiko ny fifaliana amin' ny famonjena;

Ary tohany fanahy mazoto aho.....

Vonjeo ho afaka amin' ny valin-drà aho, Andriamanitra o, Andriamanitry ny famonjena ahy;

Hihoby ny fahamarinanao ny vavako Sal.51:1-14». NK 25.1

Ny herintsika fotsiny tsy ahefana fibebahana tahaka izany fa ny ahazoana izany dia avy amin' i Kristy irery ihany, Izay niakatra any amin' ny Avo, ka nanome fanomezana ho an' ny olona rehetra. NK 25.2

Amin' ny toy ity indrindra no mahadiso ny olona betsaka, ka mahatonga azy tsy ho afaka mandray ny fanampiana izay irin' i Kristy homena azy. Heveriny fa tsy azo atao ny mankeo amin' i Kristy, raha tsy mibebaka aloha. Ary izany fibebahana izany no manomana azy hahazo famelana ny helony. **Marina fa mialoha ny famelan-keloka ny fibebahana, satria ny fo torotoro sy mangorakoraka no mampahatsiaro ny filàna Mpamonjy.** Kanefa moa tsy maintsy hiandry ny hoe efa mibebaka va ny mpanota, vao mahazo manatona an' i Jesosy? Moa natao ho zava-misakana ny mpanota amin' ny Mpamonjy va ny fibebahana? NK 25.3

Tsy misy, na dia teny kely akory aza, ao amin ny Baiboly, milaza fa tsy maintsy mibebaka aloha ny mpanota, vao mahazo mamaly ity fiantsoan' ny Mpamonjy ity hoe : «Mankanesa aty amiko hianareo rehetra izay miasa fatratra sy mavesatra entana, fa Izaho hanome anareo fitsaharana Mat.11:28». **Toepanahy avy amin' i Kristy no mitarika antsika ho amin' ny fibebahana marina.** Nanazava ny amin' ity Petera, tamin' ilay izy nandahatra tamin' ny Israelita, ka nanao hoe : «Izy nasandratry ny tònana an-kavanan' Andriamanitra ho Tompo sy Mpamonjy, hanome fibebabana sy famelan-keloka ho an' ny Israely Asa.5:31». **Tsy azontsika atao ny hibe-baka, na ho voavela heloka, raha tsy ny Fanahin' i Kristy no mamoha ny eritreritra.** NK 25.4

Kristy no loharanon' ny hery mampandroso marina. Izy irery ihany no mahay mamboatra ny fo ho tonga fahavalon' ny NK 25.5

fahotana. **Ny faniriana rehetra hoamin' ny fahamarinana sy fahadiovana, sy ny fahalalana ny ota ho ota dia fanehoana marina fa miasa ao am-pontsika ny Fanahiny.** NK 25.5

Hoy Jesosy hoe : «Ary izaho, raha asandratra hiala amin' ny tany, dia hitaona ny olona rehetra hanatona Ahy Jao.12:32». Tsy maintsy ampahafantarina ny mpanota, fa Kristy no Ilay Mpamonjy izay maty noho ny fahotan' izao tontolo izao. Ary raha mibanjina Ilay Zanak' Ondrin' Andriamanitra eo ambonin' ny hiazao fijaliana any Kalvary isika dia hiantomboka hivelatra ao an-tsaintsika ny zava-miafina ny amin' ny fanavotana ary ny hatsaran' Andriamanitra hitarika antsika ho amin' ny fibebahana. Amin' ny fahafatesana ho an' ny mpanota no anehoan' i Kristy fitiavana tsy takatry ny saina. Ary araka ny fibanjinan' ny mpanota izany no manalemy ny fony sy manaitra ny sainy ary mampibebaka azy marina amin' ny fanahiny. NK 26.1

Marina fa mety hisy olona menatra noho ny fahotany, ka mahafoy ny sasany amin' ny fahazaran dratsiny, alohan' ny ahatsiarovany fa sintonin' ny herin i Kristy izy. Kanefa azo lazaina fa izay miezaka mafy hihatsara, noho ny faniriana fatratra hanao ny marina, dia ny herin' i Kristy no mitarika azy. Hery izay tsy neritreretiny akory no miasa ao amin' ny fanahiny, ka dia velona ny fieritreretany ary dia tonga tsara ny fitondrantena miseho ety ivelany. **Ary arakaraky ny itarihan' i Kristy azy hiandrandra ny hazo fijaliana sy hibanjina Azy izay nolefonin ny fahotan' izy mpanota, dia amin' izay ny didy no tonga ao amin' ny fieritreretany.** Ary dia aharihariny aminy amin' izay ny haratsian'ny toe-piainany sy ny fahotana efa miorim-paka lalina ao amin'ny fanahiny. Ary miantomboka hahatakatra ny

fahamarinan' i Kristy izy, ka manezaka hoe: «Inona moa ny fahotana izay zavatra toy izany no nilaina hatao fanalamboady noho ny loza nataony? **Ary moa izany fitiavana sy fijaliana ary fanetren-tena rehetra izany no tsy maintsy ilaina mba tsy hahavery antsika, fa hananantsika ny fiainana mandrakizay?** » NK 26.2

Mety hanohitra izany fitiavana izany sy handà tsy ho taomin' i Kristy ny mpanota, kanefa raha tsy manohitra izy dia ho voasinton i Jesosy ary ny fahalalana ny amin' ny fikasana amin' ny famonjena hitarika azy ho eo am pototry ny hazo fijaliana, ka hampibebaka azy amin' ny fahotany izay nahatonga fijaliana tamin' ilay Zanaka malalan' Andriamanitra. NK 26.3

Izany Fanahin' Andriamanitra miasa eto amin' ny zavaboahary izany ihany no miteny ao ampon' ny olombelona, ka NK 26.4

mahateraka faniriana tsy azo lazaina amin' ny zavatra tsy ananany. Tsy mahafa-po ny faniriany ny zavatra ny tany. **Ny Fanahin' Andriamanitra no miteny mba hitady ireo zavatra izay hany mahay manome fiadanana sy fialan-tsasatra, dia ny fahasoavan' i Kristy sy ny fifaliana amin' ny fahamarinana.** Amin' ny fiasana hita sy tsy hita raso no ikelezan' ny Mpamonjintsika aina hampihodina ny sain' olombelona hiala amin' ny fifalian-poana amin' ny fahotana, ka ho amin' ny fitahiana tsy misy fetra izay mety ho azony ao aminy. Ho an' ireo fanahy rehetra, izay mitady foana ho afa-ketaheta, amin' ny kamory mitriatriatran' izao fiainana izao, no nampilondrana izao hafatr' Andriamanitra izao hoe : **«Ary aoka ho avy izay mangetaheta; ary izay mety, aoka izy hisotro maimaim-poana amin'ny ranon' aina Apok.22:17».** NK 26.4

Hianao, izay maniry ao am-ponao ny zavatra tsara lavitra, mihoatra noho izay azon' izao tontolo izao omena, ataovy ho toy ny feon' Andriamanitra miteny amin' ny fanahinao izany faniriana izany. Mangataha Azy hanome anao fibebahana sy hanambara aminao an' i Kristy Ilay manam-pitiavana tsy misy fetra sy fahadiovana tanteraka. Naseho miharihary tao amin' ny fiainan' ny Mpamonjy ilay fototry ny lalàn' Andriamanitra. dia ny hoe : **Fitiavana an' Andriamanitra sy ny namana. Famindrampo sy fahafoizan-tena tanteraka no fototry ny fiainany.** Koa raha mandinika Azy isika raha tahiny ny fahazavana avy amin' ny Mpamonjy no mipaka amintsika, dia ho hitantsika ny fahadisoan' ny fontsika. NK 27.1

Isika dia mety handoka tena koa, tahaka ilay Fariseo, ka hilaza. fa marina ny fiainantsika, aradalàna tsy misy ho kianina ny toetsika ary dia mihevitra fa tsy misy antony ny hanetrentsika

tena eo anatrehan' Andriamanitra, tahaka ny sarambaben' ny mpanota. Kanefa raha mamirapiratra ao amin' ny fanahintsika ny fahazavan' i Kristy, dia ho hitantsika fa maloto isika, ho haintsika avahana ny fitiavan-tena amin' izay atao sy ny fankahalana an' Andriamanitra, izay mampisolotika ny asa rehetra amin' ny fainana. **Dia ho hitantsika, fa ny fahamarinantsika dia tena sahala amin' ny voro-damba maloto ary ny ran' i Kristy ihany no mahay manadio antsika amin' ny pentin' ny ota, ka manova ny fontsika hanahaka Azy.** NK 27.2

Ny tanamasoandron' ny voninahitr' Andriamanitra sy ny famirapiratan'ny voninahitr' i Kristy miditra ao amin' ny fanahy, no mampiala ny pentina rehetra ao, ka mampihanjanja ny fikovilavila sy ny tsinin' ny toetr' olombelona. Fa aharihariny ny faniriana tsy masina, ny tsy finoan' ny fo ary ny haloton' ny molotra. Aseho eo anatrehany ny fahadisoan' ny mpanota izay manafoana ny lalàn' Andriamanitra, ka dia tsaroany maharary sy mijaly ny fanahiny amin' ny fitadiavana ny herin' ny Fanahin' Andriamanitra. Maharikoriko azy ny tenany, rehefa ampitahainy amin' ny toetran' i Kristy, izay madio mangarangarana sy tsy misy pentimpentina. NK 27.3

Raha nandinika ny voninahitra nanodidina ny iraky ny lanitra izay nankeo aminy Daniela mpaminany, dia tonga tahaka ny tsinontsinona, satria nahatsiaro ny halemeny sy ny tsy fahatanterahany. Hoy izy, raha nilaza ny vokatra avy amin' ilay zava-niseho mahagaga: «Tsy nisy hery tafajanona tato amiko, fa nihasimba nivalo harika ny tarehiko, ary tsy nisy hery intsony tamiko Dan.10:8». Ny fanahy mangorakoraka toy izany dia mankahala ny fitiavan-tena sy ny fanaosana mamy fo velona, ka mitady amin'ny alalan'ny fahamarinan' i Kristy ny fahadiovampo izay mifanaraka amin' ny lalàn' Andriamanitra sy ny toetran' i Kristy. NK 28.1

Lazain' i Paoly fa «araka ny fahamarinana avy amin' ny lalàna», izany hoe araka ny asa miseho amin' ny ivelany, «dia tsy manan-tsiny izy Fil.3:6». Nefa kosa hitany fa mpanota ny tenany, raha ny toe-panahy araka ny lalana no heverina. Tsy nanan-tsiny izy, raha ny vakitenin' ny lalàna no itsarana azy, tahaka izay ataon' ny olona. Kanefa rehefa mandinika fatratra tao amin' ny halalinan' ilay fitsipiky ny fitondrantena masina, ka nijery ny tenany tahaka izay ijeran' Andriamanitra azy, dia tsy maintsy nanondrika ny lohany izy, ka niaiky ny fahadisoany, fa hoy izy : «Ary izaho dia velona tsy nanan-dalàna fahiny, fa rehefa tonga kosa ny didy, dia velona indray ny ota, ka dia maty aho Rom.7:9». Rehefa hitany ny hamasinan' ny lalàna, dia niseho tamin' ny tena haratsiany ny fahotana, ka dia foana ho azy ny fiheveran-tena. NK 28.2

Tsy mitovy ny fahotana rehetra eo imason' Andriamanitra. Misy fahasamihafàny, tahaka ny eo anatrehan' ny olona ihany koa ireny eo anatrehany. Kanefa na inona na inora tsy fitoviana izay miseho eo anatrehan' ny olona amin' ity fahotana ity, na amin' izany fahotana izany, dia tsy mba misy kely eo anatrehan' Andriamanitra tsy akory izy rehetra. Mitanila sy tsy tanteraka ny fitsaran' olombelona, fa Andriamanitra kosa mandanja marina ny zavatra rehetra, araka izay tena izy. **Esoina fatratra ery ny mpidoroka, ka lazaina fa handroahana azy tsy ho any an-danitra ny fahotany, nefa antonontonony ihany kosa no iheveran' ny olona ny mpiavonavona, ny mpitia tena, ny mpitsiriri-javatr'olona. Kanefa ireo aza no tena fahotana izay maharikoriko an' Andriamanitra, satria mifanohitra amin' ny hatsaran-toetrany sy amin' ny fitiavana misy fandavan-tena izay azo atao hoe atmosfera ihetsehan' izao tontolo izao mba tsy ho simba. Izay lavo amin' ny fahotana mampiseho ny mahabiby, dia mety hanana fahatsiarovana amin' ny henatra mahazo azy sy ny fahantrany ary ny filàny ny fahasoavan' i Kristy fa ny mpiavonavona kosa, dia tsy mahatsiaro izay ilainy, na inona na inona, ka dia voasakana tsy ho ao am-pony Kristy izay tonga ho antsika rehetra sy ny fahasoavany tsy misy fetra tiany homena. NK 28.3**

Ilay mpamory hetra mampalahelo izay nanao ity fivavahana ity hoe : «Andriamanitra ò, mamindrà fo amiko mpanota 1 Lio.18:13», dia nihevitra ny tenany ho tena ratsy, sady izany koa no niheveran' ny olona azy. Ka dia tsaroany ny fahantrany. Koa raha mbola nitambesatra teo aminy ny entam-pahadisoany sy ny henatra dia nanatona teo anatrehan' Andriamanitra izy hangataka ny famindrampony. Nosokafany ny fony mba hiasan' ny Fanahin' Andriamanitra feno fahasoavana sy mahafaka azy amin' ny herim-pahotana. Fa ny fandokafan-tenan' ilay Fariseo sy ny fivavahana manamarin-tena nataony, dia mampiseho fa tsy andairan' ny herin' ny Fanahy Masina ny fony. Noho ny fanalavirany an' Andriamanitra, dia tsy tsaroany akory ny halotoan' ny tenany izay mifanohitra amin' ny fahamasinana tanteraka ananan' Andriamanitra. Tsy tsaroany akory fa misy zavatra ilainy ka noho izany dia tsy mandray na inona na inona izy. NK 29.1

Koa raha hitanao ny toetry ny fahotanao dia aza miandry anao ho tsaratsara kokoa. Firifiry akory moa no mihevitra fa tsy mendrika hankeo amin' i Kristy izy ! Moa heverinao va fa hety ho tsaratsara kokoa hianao, raha ny herin' ny tenanao ihany ? NK 29.2

«Moa mahova ny hodiny va ny Etiopiana,
Ary ny leoparda va mahova ny sorany?

Raha izany, dia mahazo manao tsara koa

Hianareo izay efa zatra nanao ratsy 2Jer.13:23». NK 29.3

Tsy misy fanampiana ho antsika afa-tsy ao amin' Andriama-nitra ihany. Koa isika tsy tokony hiandry izay hoe, aoka hisy fahatapahan-kevitra fatratra, na aoka hisy fotoana metimety kokoa, na aoka ho masimasina kokoa. Tsy misy azontsika atao, raha ny tenantsika ihany. Tsy maintsy manatona an' i Kristy amin' izao toetrantsika izao isika. NK 29.4

Kanefa aoka tsy hisy ho diso, ka hihevitra fa Andriamanitra dia hamonjy, na dia izay manao tsinontsinona ny fahasoavany aza, noho ny halehiben' ny fitiavany sy ny famindrampony. Tsy mety ho hita ny toetra tena maharatsy ny fahotana, raha tsy eo amin' ny hazavan' ny hazo fijaliana. Raha misy olona mihevitra fa Andriamanitra dia tsara loatra, ka tsy hanary ny mpanota, dia aoka izy hanopy ny masonry ao an-tampon' i Kalvary. Tsy misy fomba hafa mety hahavoavonjy ny olona, afa-tsy io. Izany fanalamboady izany ihany no ahazoan' ny taranak' olombelona handositra hiala amin' ny herim-pahotana, ka ho tonga miray amin' ny olo-masina. Tsy azon' ny olona atao ny ho mpiombona amin' ny fiainana ara-panahy. Noho izany anton-javatra rehetra izany no nandraisan' i Kristy ho an' ny tenany ny fahadisoan' ny tsy mpakanto, ka netezany hijaly hisolo ny mpanota. Ny fitiavana sy ny fijaliana ary ny fahafatesan ny Zanak' Andriamanitra dia samy mampiseho ny halehibe mahatsiravina ananan' ny fahotana, ka mampiharihary, fa tsy azo atao ny hiala amin' ny heriny ary tsy misy ananana fananlenana, na dia kely akory aza, hahatongavana ao amin' ny fiainana ambony, raha tsy amin' ny famelana ny fanahy ho eo amin' ny Kristy. NK 29.5

Indraindray ta-hanala tsiny ny tenany ireo olona mafy fo, ka hoy ny filazany an' ireo mpanao raharaham-pivavahana : «Mba tsara hoatra azy ihany koa aho. Tsy olona mandà tena, na mahalala onony, na olona mahatandrina fatratra ny fitondrantenany noho izaho izy ireo. Mba tia ny fahafinaretana sy ny fifalifaliana tahaka ahy ihany koa izy ireo». Ka dia ny fahadisoan' ny hafa no anaovany an-tsirambina ny adidiny. Nefa tsy mahafa-tsiny olona, na iza na iza, ny fahadisoana sy fahotan' ny hafa, satria tsy modely olona sy tsy tonga ohatra no nomen' ny Tompo antsika. Ilay Zanak' Andriamanitra tsy manan-tsiny no nomena antsika hatao ohatra ary izay mimenomenona amin' ny haratsiam-pitondran-tena ireo mpanao raharaham-pivavahana, dia izy ireo no tokony hiseho ho olona tsara fiaina sy faka tahaka kokoa Raha tãhiny izy manana fiheverana ambony toy izany ao anatiny ny amin' izay tokony ho toetry ny Kristiana, moa tsy lehibe lavitra noho izany va ny fahotany . Satria fantany izay mahitsy, nefa laviny ny hanaraka izanv ! NK 30.1

Aza mitaredretra. Aza mangataka andro hamelana ny fahotanao sy hitadiavana ny hadiovampo ao amin' i Jesosy . Amin' ny toy ity indrindra no nahadiso olona arivoarivo, ka nahavery azy mandrakizay. Tsy dia holazaiko be loatra eto ny hafohy sy ny tsy ahazoana antoka ny fiainana — kanefa aoka ho fantatsika. fa misy loza mahatsiravina, dia loza tsy fantatra akory, mety hiseho, raha misy mangataka andro amin' ny fiantsoana feno fitarainan' ny Fanahy Masin' Andriamanitra, fa tena fanapahankevitra hivelona amin' ny fahotana ny hataka andro toy izany. Na toy inona na toy inona no hakelezan' ny fisehon' ny fahotana, tena fahotana ny tsy fanalana azy. Izay tsy resintsika dia handresy antsika, ka hiasa handrava antsika. NK 30.2

Noheverin' i Adama sy Eva fa zavatra kely tsy toy inona akory ny mihinana ilay voankazo nandrarana azy, ka angamba tsy hiseho akory ny loza izay nambaran' Andriamanitra fa ho valin'izany. Kanefa izany zavatra kely izany no nahatonga fandikana ilay lalàn' Andriamanitra izay masina sy tsy azo ovàna. Izany no nampisaraka ny olona tamin' Andriamanitra, ka nampiditra tao amin' ny safo-dranon' ny fahafatesana sy ny fijaliana mampihorin-koditra isan-karazana teto amin' izao tontolo izao. Koa hatrany hatrany dia indro mitombo, fa tsy tapaka eto amin' izao tonlolo izaontsika ity ny sento. Ary na dia ny zava-boahary rehetra koa aza dia miara-misento sy miara-marary noho ny tsy fankatoavan' ny olona. Na dia ny lanitra aza dia mahatsiaro maharary amin' izany fikomiana amin' Andriamanitra izany. Ka Kalvary no fahatsiarovana ilay fanalam-boady tsy misy toa azy hahafaka ny fandikana ny lalàn' Andriamanitra. Koa aoka tsy hataontsika ho zavatra maivana ny fiheverana izany hoe fahotana izany. NK 31.1

Samy hanody anareo, na ny fandikan-dalàna, na ny fanaovana tsinontsinona sy famelana ny fahasoavan' i Krisly, fa hanamafy ny fo sy hanova ny sitra-po ho ratsy ary handombo ny saina izany, ka tsy dia hoe hamela anareo ihany ho olona tsy mahay mijoro, fa olona tsy mahay mamaly intsony ny fiantsoana be fiantran' ny Fanahy Masin' Andriamanitra NK 31.2

Maro no nampangina ny fieritreretany mitebiteby, amin' ny iheverany fa hainy atao ny miova amin' ny ratsy fanaony, raha tiany ho azony atao ny manao tsinontsinona ny fiantsoana avy amin' ny famindrampon' Andriamanitra, kanefa mbola hahay mandray fahasoavana ihany. Heveriny fa rahefa manao tsinon-tsinona ny Fanahin' ny fahasoavana, ka milatsaka ho fehin' i Satana, dia mbola ho azony atao ihany, rehefa tonga ny fotoana farany ahitan-doza, ny hiova fitondrantena tanteraka tsara. Nefa zavatra tsy vita inona izany. Ny fahitana zavatra samy hafa, ny *education**Fianarana sy fampianarana hampitombo ny saina sy ny tena amam-

panahy; tamin' ny andro niainana no mahatonga ny toetra, ka dia vitsy no maniry hanahaka an' i Jesosy. NK 31.3

Na dia fiviliana kely foana amin' ny toe-piainana aza, na faniriana ratsy iray monja izay iraiketana aza, raha avela haharitra ela dia mety tsy hahazoana ny herin' ny Filazantsara. Ny fahotana rehetra izay niniana natao dia mahahery ny fivadihan' ny fanahy amin' Andriamanitra. Izay mampiseho tsy finoana noho ny hamafiam-po, na manao tsinontsinona foana ny fahamarinan' Andriamanitra, dia hijinja izay nafafin' ny tenany ihany. NK 31.4

Lazain' ny Baiboly fa tsy misy izay mahatsiravina indrindra hoatra ny loza hihatra amin' ny milalao fahotana, araka ireo tenin' ny hendry manao hoe : «Ny heloky ny ratsy fanahy dia mahazo ny tenany ihany, Ary ny kofehin' ny fahotany no itanana azy 1Ohab.5:22». NK 32.1

Vonona hanala antsika amin' ny fahotana Kristy, nefa tsy ta-hanery ny sitratsika ary arakaraka ny aharetantsika ao amin ny fandikan-dalàna no irehan' ny sitrapontsika amin' ny ratsy, ka tsy aniriantika ho afaka kanefa raha tàhiny tsy raisintsika ny fahasoavany, inona moa no azony atao? Isika ihany no manameloka ny tenantsika, toy ny mandrora mitsilany, ka mahavoa tena, amin' ny ditrantsika mandà ny fitiavany. «Indro, ankehitriny no andro fankasitrahana indro ankehitriny no andro famonjena 2Kor.6:2»—«Anio raha hihaino ny feony hianareo. Aza manamafy ny fonareo Heb.3:7,8». NK 32.2

Ny olona mijery ny miseho eo ivelany, fa Jehovah kosa mijery ny fo 41 Sam.16:7». — dia io fon' olombelona io izay mihetsika lalandava rehefa ifandiasan' ny fifaliana sy ny fahoriana io fo io izay mora miova sy mivadibadika sady onenan' ny tsy fahadiovana sy fitaka. Fantany ny zavatra kendreny sy ny heviny ary ny fikasany. Na dia izany aza, mankanesa ao aminy, na toy inona na toy inona fahalotoana eo amin ny fanahinao. Manaova toy ilay mpanao Salamo izay namela ny elitry ny fony hibanabana ho hitan' ilay mahita izao rehetra izao, ka nanao hoe : NK 32.4

«Diniho aho, Andriamaniaa o, ary fantaro ny foko;

Izahao toetra aho ary fantaro ny eritreritro;

Ary izahao na misy lalana mampahory ato anatiko,

Dia tariho amin' ny lalana mandrakizay aho Sal.13:23,24». NK 32.5

Maro no nandray ny fivavahana, ho toy ny zavatra an-tsaina sy fombam-pahamasinana fotsiny, raha mbola tsy voadio ny fo. Koa aoka ho toy izao mandrakariva ny fivavahanareo : NK 32.6

«Amoròny fo madio aho, Andriamanitra ô

Ary havaozy hiorina marina ny fanahiko ato anatiko Sal.51:10». NK 32.7

Ataovy mahitsy mivantana amin' ny fanahinao izany. Aoka hafana fo, ho maharitra, raha mbola miasa koa ny ainao izay mety maty. Zavatra anapahan-kevitra amin' Andriamanitra sy ny fanahinao izany nefa iankinan' ny mandrakizay. Koa fantaro, fa fanantenana hahitanao loza ny fanantenana miorina eo ambonin' ny ota. NK 32.8

Diniho amim-pivavahana ny tenin' Andriamanitra. Izany Teny izany no hampiseho amina, ao amin' ny lalan' Andriamanitra sy ny fiainan' i Kristy, ny foto-javatra lehibe dia ny fahamasinana, izay raha tsy misy izany, dia «tsy misy olona hahita ny Tompo 1Heb.12:14». Izany teny izany no mampiaiky ny fahotana sy mampiseho mazava ny lalàm-pamonjena Koa henoy tahaka ny feon' Andriamanitra miteny amin' ny fanahinao izany. NK 32.9

Raha hitanao ny halehiben' ny lahotanao, raha hitanao ny toetrao ratsy, aza kivy. Fa hamonjy ny mpanota no nahatongavan' i Kristy. Tsy misy azontsika atao hampihavana antsika amin' Andriamanitra, kanefa indro ny fitiavana mahagaga: «Andriamanitra ao amin' i Kristy, no nampihavana izao tontolo izao taminy 22 Kor.5:19» Amin' ny fitiavany feno antra no anintonany ny fon ny zanany mania. Tsy misy ray aman-dreny ety an-tany izay maharitra ny fahadisoana sy ny tsinin' ny zanany tahaka an' Andriamanitra amin' ny olona tadiaviny hovonjena. Tsy misy olona mety hisolo vava ny mpandika ny lalàna. Tsy misy vavan' olombelona mahazo milona ho an' ny mania tahaka izay ataon' i Kristy. Ny fikasany rehetra sy ny filazany rehetra dia tsy inona fa fanehoam-pitiavana tsy azo tononina. NK 33.1

Raha tàmihy Satana milaza amina fa mpanota rain-dahiny hianao, akaro ambony eo amin' ny Mpanavotra anao ny fijerinao ary lazao ny fetezany hamonjy anao, hanampy anao ny fijerena ny famirapiratany: Mieke ny helokao ary lazao amin' ny fahavalo fa «tonga tety ambonin' ny tany Kristy Jesosy hamonjy ny mpanota 31 Tim.1:15», ka azo vonjena amin izany fitiavany tsy misy fetra izany hianao. NK 33.2

Nanontany an' i Simona ny amin' ireo mpitrosa roa lahy Jesosy. Ny iray nananan' ny tompony vola kely ary ny iray nananany be, nefa samy navelany ny trosan' izy roa lahy. Ary

Jesosy nanontany an' i Simona izay tokony ho tia ny tompony kokoa amin' izy roa lahy. Ary hoy ny navalin' i Simona : «Ilay namoizany be 4Lio.7:43». Mpanota indrindra isika, kanefa efa maty Kristy haha-voavela heloka antsika. Ampy hampihavana antsika amin' ny Ray ny fahamendrehan' ny sorona nataony. Izay navelany tamin' ny be dia ho tia Azy bebe kokoa, ka hijoro eo anilan' ny seza fiandrianany kokoa ary hidera Azy noho ny fitiavany lehibe sy ny avotra tsy misy fetra nataony. **Arakaraky ny ahalalantsika bebe kokoa ny fitiavan' Andriamanitra, no ahafantarantsika tsara kokoa ny haratsian' ny fahotana.** NK 33.3

Raha tãhiny hitantsika ny halavan' ny gadra navela hangeja antsika raha tãhiny azontsika ao an-tsaina ny sorona tsy misy fetra nataon' i Kristy noho ny amintsika, dia ho voahetsika ny fontsika ka hangorakoraka sady ho onena noho ny ota natao. NK 33.4

TOKO IV—FIAIKEN-KELOKA

«Izay manafina ny fahotany tsy hambinina; faa izay mitsotra ka mahafoy azy no hahazo famindrampo» Oh. 28:13. NK 35.1

Tsotra sy marina sady rariny ny toetra ahazoam-pamindrampo amin' Andriamanitra. Tsy mila antsika hanao zava-mampahory mba hahazoantsika famelan-keloka ny Tompo. Tsy ilaina handeha lavitra ho any an-tany masina, toy ny fanaon' ny mpivavaka sasany isika, na hanao fampijalian-tena mba hanolorany ny fanahintsika amin' ilay Andriamanitry ny lanitra, na hanapahana ny helotsika, fa izao ihany: Izay miaiky, ka mahafoy ny fahotany no hahazo famindram-po. NK 35.2

Hoy ny Apostoly hoe : «Mifaneke heloka hianareo ary mifampivavaha mba ho sitrana hianareo 2Jak. 5:16». Ekeo amin' Andriamanitra Izay mahay mamela azy ny fahotanao ary ny fahadisoanao kosa ekeo amin' ny namanao. Raha nanao izay nampalahelo ny sakaizanao, na ny mpiara-monina aminao hianao dia tokony hiaiky ny fahadisoanao aminy, ary adidiny ny hamela anao madiodio. Ary amin' izay dia tokony hitady ny famelan' Andriamanitra hianao, satria ilay olona nampahahelovinao dia fananan' Andriamanitra, ka raha manafintohina azy hianao dia nanota tamin' ny Mpanao sady Mpanavotra azy. Koa dia entina eo anatrehan' Ilay Mpanalalana tokana sady marina izany, dia eo amin' ilay Mpisoronabentsika «izay efa

nalaim-panahy tamin' ny zavatra rehetra tahaka antsika, kanefa tsy nanota ”, sady miaramitondra ny fahalementsika 3Jak. 5:16», ka mahay manadio antsika amin' ny pentimpahotana rehetra. NK 35.3

Izay tsy mampietry ny fanahiny teo anatrehan' Andriamanitra raha niaiky ny helony, dia tsy mbola nahatanteraka ny toetra voalohany indrindra tokony handraisana azy. Raha tsy tsaroantsika tsara fa tsy misy anenenana ny nanaovana izany fibebahana izany, **raha tsy niaiky ny fahotantsika tamin' ny alahelom-panahy sy ny fangorakoraham-po isika, ka narikoriko ny faharatsiantsika. dia tsy mbola nitady marina ny famelan-keloka isika tsy akory ary raha tsy mbola nilady isika dia tsy mbola nahita ny fiadanana avy amin' Andriamanitra.** Ny anton' ny tsy nahazoantsika ny famelana ny helotsika tamin' ny lasa dia ny tsy fetezantsika nanambany ny fontsika, ka nanaiky izay lazain' ny tenin' ny fahamarinana. Toro-hevitra mazava tsara no omena ny amin' izany. Ny fiaiken-keloka, na am-pahibemaso, na amin' ny mangingina. dia tsy maintsy ho vokatry ny fo sady aseho mazava. Tsy tery hanao izany anefa ny mpanota. Tsy tokony hatao amin' ny tsy fiheverana sy ny tsy fitandremana izany, na tokony hanerena ny olona izay mbola tsy mahalala ny toetra maharikoriko ananan' ny fahotana. Ny fiaiken-keloka izay mivoaka avy ao anatin' ny fo tokoa no mety ho tonga ao amin' Ilay Andriamanitry ny famindrampo tsy voafetra, fa hoy ny mpanao Salamo hoe : NK 35.4

**«Akaikin' izay manana fo mangorakoraka Jehovah,
Ary mamonjy izay torotoro fanahy Sal.34:18».** NK 36.1

Ny tena fiaiken-keloka marina dia fiovantoetra mandrakariva sy fitsorana amin' ilay fahotana nahavao indrindra. Angamba fahotana tokony ho entina eo anatrehan' Andriamanitra irery ihany izany na angamba fanafintohinana tokony hekena amin' ilay olona nasian-dratsy; na angamba fahadisoana tamin' ny be sy ny maro, ka tokony hekena am-pahibemaso. **Nefa ny fiaiken-keloka rehetra, na toy inona, na toy inona, dia tsy tokony hatao anjoanjo, na fao-be fa tokony ho potsirina amin' ny masom-boavahiny, dia fiaikena ilay tena fahotana indrindra izay nahadiso anao.** NK 36.2

Niala tamin' Andriamanitra ny Zanak' Israely tamin' ny andron' i Samoela. Voan' ny valimpahotany izy, ka he ny nanjo azy : Very ny finoany an' Andriamanitra, very ny fahalalany ny hery sy fahendren' Andriamanitra izay manapaka ny firenena, very ny fiantcherana tamin' ny fahaizan' Andriamanitra hiaro sy hiady ho azy. Niala tamin' Ilay Mpanjakan' ny tany amandanitra izy, ka naniry mba ho tapahin' ny mpanjakan' ny tany, tahaka ny firenena hafa

manodidina azy. Koa talohan' ny nahitany fiadanana, dia nanao izao fiaiken-keloka izao izy, ka niteny hoe: «ka efa nanao izao ratsy izao izahay ho fanampin' ny fahotanay rehetra, satria nangataka mpanjaka. 2Sam.12:19» Ny fahotana izay tsaroany fa nahavoa azy indrindra no tsy maintsy niaikeny. Nampahory ny fanahiny ny tsy fahakasitrahana, ka nampisaraka azy tamin Andriamanitra. NK 36.3

Tsy eken' Andriamanitra, na oviana na oviana, ny fiaikenkeloka raha tsy arahin' ny fibebahana marina sy fihatsarantoetra. Tsy maintsy misy fiovana mazava tsara amin' ny toeipiainana ary tsy maintsy esorina izay rehetra mampalahelo an' Andriamanitra. Izany no ho vokatry ny alahelo marina noho ny ota. Ny zavatra tsy maintsy ataontsika dia aseho mazava eo anatrehantsika hoe : NK 36.4

«Misaà hianareo, diovy ny tenanareo,
Esory tsy ho eo anoloan' ny masoko ny ratsy fanaonareo

Mitsahara, fa aza manao ratsy;
Mianara hanao ny tsara,
Diniho izay rariny, anaro ny mpampahory,
Omeo rariny ny kamboty, tsarao ny adin' ny mpitondratena IIsa. 1:16,17». NK 37.1

«Raha ny ratsy fanahy mamerina ny natao tsatoka sady mampody izay nangalariny ary mandeha araka ny didy mahavelona, ka tsy manao meloka, dia ho velona tokoa izy, fa tsy ho faty 2Ezek.33:14,15». Ary raha milaza ny asan' ny fibebahana Paoly, dia hoy izy hoe : «Fa, indro, izany nampalahelovana araka an' Andriamanitra izany indrindra dia nahatonga fahazotoana manao ahoana tao aminareo ! eny, fialan-tsiny manao ahoana ! fahatezerana manao ahoana! fahatahorana manao ahoana! faniriana manao ahoana ! zotom-po manao ahoana! famaliana ny ratsy natao manao ahoana ! Tamin' izany rehetra izany dia nampiseho ny fahadiovanareo ny amin' izany raharaha izany hianareo 32 Kor. 7:11». NK 37.2

Rehefa matin' ny ota ny fahalalàna ara-panahy, dia tsy fantatry ny mpanao ratsy intsony ny kileman' ny fitondrantenany, sady tsy azony an-tsaina ny halehiben' ny ratsy nataony. Ary raha tsy mety manaiky ny herin' ny Fanahy Masina izay mahay mampibebaka azy izy, dia hiraikitra amin' ny fahotana ihany noho ny hajambam-panahiny. Ka dia tonga tsy marina sady tsy izy ny fiaikeny heloka. Izay fitsorana noho ny hadisoany dia ampiany fanamarinan-tena ho

fanalan-tsiny ny nataony, ka lazainy fa raha tsy noho izao sy izao, dia tsy ho nanao ity na io izay naniniana azy izy. NK 37.3

Menatra sady natahotra Adama sy Eva raha nihinana ilay voankazo nandrarana. Ny eritreritra tao an-tsainy tamin' ny voalohany dia ny hiala tsiny amin' ny fahotany, ka ho afaka amin' ny didim-pitsarana mahatsiravina hamono azy. Koa rehefa nanontany an' i Adama ny amin' ny fahotany Andriamanitra dia namaly sady nanolaka tamin' Andriamanitra sy ny vadiny izy, ka nanao hoe: «Ny vehivavy izay nomenao ahy ho namako, izy no nanome ahy ny voankazo, ka dia nihinana aho». Ary ravehivavy kosa indray nanolaka tamin' ny menarana, ka nanao hoe : «Ny menarana no namitaka ahy, ka dia nihinana aho»^{4Gen. 3:12,13}. Nahoana re no nanao ny menarana hianao è ? Nahoana re no navelanao hiditra an' i Edena izy è ? Izany no hevitra mifono ao anatin' ny fialan-tsiny nataony noho ny fahotany, dia ny mitana an' Andriamanitra ho manan-tsiny noho ny nahalavoany tamin' ny fakampanahy. Niandoha tao amin' ny rain' ny lainga ny fanamarinan-tena, ka dia mbola velon-tarazo amin' izay rehetra terak' i Adama, na lahy, na vavy. Tsy mba vokatry ny Fanahy Masina, ka tsy ankasitranan' Andriamanitra ny fiaikenkeloka toy izany. Ny tena fibebahana marina dia ny mitarika ny olona hivesatra ny heloky ny tenany, ka hiaiky izany marina amin'ny tsy fihatsarambelatsihy. Tahaka ilay Farantsa mahantra, tsy nety niandrandra ny lanitra akory, ka nanao hoe : «Andriamanitra ô, mamindrà fo amiko mpanota». Ary hohamarinina izay miaiky ny helony, satria ny ran' i Jeso no hifona ho an' ny fanahy mibebaka. NK 37.4

Izay lazain' ny Tenin' Andriamanitra ho tena fibebahana indrindra sy fanetren-tena marina dia ny mampiseho toepanahy miaiky heloka izay tsy misy fialan-tsiny, na fanamarinantena.

Tsy nitady hiaro tena Paoly, fa asehony amin' ny tarehy mahamainty azy indrindra ny fahotany, sady tsy heveriny akory izay hilaza ny helony ho kely. Hoy izy: «Maro ny olona masina no nohidiako tao an-tranomaizina, rehefa nahazo fahefana tamin' ny lohan' ny mpisorona aho ary raha hovanoina ireny, dia mba nandatsa-bato nanaiky izany koa aho. Ary nampijaly azy matetika tao amin' ny Synagoga rehetra aho, ka nanery azy hiteny ratsy ary satria very saina tamin' ny fahatezerako taminy aho, dia nanenjika azy hatramin' ny tanàna any ivelany koa aza 1 Asa. 26:10.11». Tsy nampisalasala azy akory ny nilaza hoe : «Tonga tety ambonin' tany Kristy Jesosy hamonjy ny mpanota, ary amin' ireny izaho no lohany 2 2Tim. 1:15.» NK 38.1

Ny fo torotoro sy mangorakoraka ary voafolaky ny tena fibebahana marina no mankasitraka ny fitiavan' Andriamanitra azy sy ny hasaro-bidin' i Kalvary ary tahaka ny zanaka miaiky ny

helony eo anatrehan' ny ray be fitiavana, dia ho toy izany koa no hitondran' ny mpibebaka marina ny fahotany eo anatrehan' Andriamanitra. Fa voasoratra hoe: «Raha miaiky ny fahotantsika isika. dia mahatoky sy marina Izy, ka mamela ny fahotantsika sy manadio antsika ho afaka amin ny tsi-fahamarinana rehetra 1Jao. 1:9». NK 38.2

TOKO V—FANOLORAN-TENA

Hoy ny teny fikasan' Andriamanitra hoe: «Ary hitady Ahy hianareo, dia ho hitanareo Aho, raha katsahinareo amin' ny fonareo rehetra. Jer.29:13 » NK 41.1

Tsy maintsy atolotra an' Andriamanitra ny fo rehetra, fa raha tsy izany dia tsy hahay hiova hitovy endrika aminy isika. Olon-ko azy amin' Andriamanitra isika, raha araka ny toetra maha-olombelona antsika. Iza no teny ilazan' ny Fanahy Masina ny toetsika : «Matin' ny fahadisoanareo sy ny fahotanareo 2Efes.2:1» — «Henika aretina avokoa ny loha rehetra, NK 41.2. Ary marary ny fo rehetra NK 41.3

Hatramin' ny faladia, ka hatramin' ny loha dia tsy misy izay tsy marary. 3Isa.1:5,6 » NK 41.4

Voatana mafy ao amin' ny fandrik' i Satana isika, ka nataony «sambo-belona hanao ny sitrapony 2Tim.2:26». Maniry hanasitrana sy hanafaka antsika Andriamanitra. Kanefa satria ilàna fiovàna tanteraka izany, dia fanavaozana ny toetra rehetra ara-tsaina amampanahy, koa dia tsy maintsy atolotsika Azy ny tenantsika manontolo. NK 41.5

Amin' ny ady rehetra efa nataon' olombelona, dia ny ady amin' ny tena no ady leliibe indrindra. Ny fanolorana ny tena, izany hoe : fanolorana izay rehetra ananana ho tapahin' ny sitrapon' Andriamanitra, dia mila fitolomana fatratra nefa tsy maintsy manaiky an' Andriamanitra aloha ny fanahy, vao azo havaozina amin' ny hamasinana. NK 41.6

Ny fanjakan' Andriamanitra dia tsy miorina amin' ny fanoavana jamba, na fanapahana tsy amim-piheverana, toy izay tian' i Satana hampisehoana azy. Zavatra mihatra amin ny saina sy ny eritreritra izany. «Avia àry hifandahatra isika 5Isa.1:18 », hoy ny fiantson' Andriamanitra ny olona izay noforonony. Tsy manery ny sitrapon' ny zava-boahariny Andriamanitra. Tsy azony atao ny handray fanajana izay atolotra Azy tsy an-tsitra-po sy tsy amim-piheverana.

Misakana ny tena fandrosoana rehetra, na ny momba ny saina, na ny toe-panahy, ny fanaovana an-tery fotsiny. Mahatonga ny olona ho toy ny milina fotsiny izany. Tsy toy izany anefa ny fikasan' Ilay Mpamorona. **Ny olombelona izay tampon-dohany amin' ny asan' ny tanany, dia iriny mba hahatratra izay fandrosoana farany ambony indrindra azo trararina.** Asehony eo anoloantsika ny hahavon' ny fitahiana izay iriny hitondrana antsika amin' ny fahasoavany. Angatahiny hanome Azy ny tenantsika isika, mba hahazany mampiasa ny sitrapony ao amintsika. Anjarantsika ny mifidy, raha tiantsika ny ho esorina amin' ny fanandevozan' ny ota, ka hiara-manana ny fahafahana be voninahitra amin' ny zanak' Andriamanitra. NK 41.7

Raha manome ny tenantsika ho an' Andriamanitra isika, dia tsy maintsy mamoy izay rehetra mampisaraka antsika aminy. Izany no nanaovan' ny Mpamonjy hoe : «Hianareo rehetra izay tsy mahafoy izay rehetra anananareo, dia tsy azo ekena ho mpianatro. Lio.14:23» Na inona na inona mampiala ny fo amin' Andriamanitra dia tsy maintsy afoy. Mamóna no sampin' ny maro. Ny fitiavam-bola sy ny fitadiavan-karena no gadra volamena mamatotra azy amin' i Satana. Laza sy voninahitra araka ny nofo no ivavahan' ny sasany. Ny fampiadanan-tena sy fahafahana amin' ny adidy no sampin' ny sasany. Tsy maintsy tapahina avokoa anefa ireny fatorana manandevo ireny. Tsy azontsika atao ny hizara roa, ka ny an-tsasany ho an' Andriamanitra, ary ny an-tsasany ho an' izao tontolo izao. Tsy zanak' Andriamanitra isika, raha tsy zanany manontolo. NK 42.1

Misy olona izay milaza ho manompo an' Andriamanitra, nefa ny herin' ny tenany ihany no ianteherany ho enti-mankatò ny lalana sy hananana toe-panahy tsara ary hahazoana famonjena. Tsy mba voahetsiky ny fieritreretana lalina ny amin' ny fitiavan' i Kristy ny fony, nefa izy mitady hanatanteraka ny adidy amin' ny toe-piainana kristiana izay ilain' Andriamanitra aminy, mba hahazoany ny lanitra. Tsinontsinona ny fivavahana toy izany. Raha mitoetra ao am-po Kristy dia ho feno ny fitiavana Azy sy ho diboky ny fifaliana noho ny firaisana aminy ny fanahy, ka hifikitra aminy ary ho hadino aza ny tena noho ny fieritreretana azy. Ny fitiavan' i Kristy no vy miaina manetsika amin' ny atao rehetra. Izay mahatsiaro ny fitiavan' Andriamanitra azy, dia tsy hanao toy ny olona sasany tamin' ny tany gasy fahiny: Mitady telo-polo hamidy andevolahy, nefa mifidy variroaenty hatao rakitra. Tsy ny fetra ambany indrindra no kendreny, fa ny hifanaraka tanteraka amin' ny sitrapon' Ilay Mpanavotra azy. Mahafoy ny zavatra rehetra izy, noho ny faniriana fatratra, ka mampiseho fitiavana sy hafanam po arakaraka ilay zavatra tadiaviny. Raha fanekena an' i Kristy, nefa tsy misy izany

fitiavana lalina izany, dia tsy inona fa bedibedy foana, fomba fotsiny mahakamo ary raharaha mandreraka tsy misy vokatra. NK 42.2

Moa ataonao va fandavan-tena be loatra ny mahafovy ny zavatra rehetra ho an' i Kristy ? Anontanio ny tenanao, ka ataovy hoe : «Inona no efa nomen' i Kristy ahy ?» Efa nanome izay azy rehetra ny Zanak' Andriamanitra— dia aina, fitiavana, ary fijaliana hanavotana antsika. Ka mety va raha isika izay tsy mendrika izany fitiavana lehibe izany no tsy hanolotra ny fonsika ho Azy ? Isaky ny indray mipy maso amin' ny andro iainantsika dia mandray ny fitahiam-pahasoavany isika, ka izany indrindra aza mantsy no tsy ahatakarantsika mazava tsara ny halalanan' ny tsy fahalalana sy ny fahoriana izay namonjena antsika. Azontsika atao ve ny hijery Ilay nolefonina noho ny fahotantsika, nefa mbola hamotsifotsy ny fitiavany sy ny fahafoizan-tenany ihany ? Koa raha ny fanetren-tenan' ny Tompon' ny voninahitra no heverina, moa himonomonona va isika, raha fahoriana sy fanambanian-tena koa no ahazoantsika miditra amin' ny fiainana ? NK 42.3

Izao no fanontaniana ataon' ny fo be avona : «Nahoana aho no tsy maintsy mibebaka sy manetry tena, vao mahazo matoky fa mandray ahy Andriamanitra ?» Indro Kristy asehoko anao : Tsy nanana ota Izy. Ary mihoatra noho izany aza : Mpanjakan' ny lanitra Izy, nefa natao ho ota hisolo ny olombelona. NK 43.1

«Ary natao ho isan' ny mpanota Izy NK 43.2

Eny, Izy no nitondra ny fahotan' ny maro, NK 43.3

Sady manao fifonana ho an' ny mpanota 1 Isa.53:12». NK 43.4

Inona anefa no atolotsika, raha mahafovy ny zavatra rehetra isika, ? — Fo voaloton' ny ota hodiovin' i Jesosy, hosasan' ny rany ary hovanjen' ny fitiavany tapitra ohatra. Nefa na izany aza, dia mbola heverin' ny olona ho mafy ny mamoy ny zavatra rehetra ! Menatra aho mandre olona milaza izany ary mangasihasy eto am-panoratana azy. NK 43.5

Tsy izay zavatra mahaso antsika raha tanana no ilain' Andriamanitra homena Azy. Izay hahaso antsika zanany no kendreny amin' izay rehetra ataony. Tiako raha izay rehetra tsy mbola nifidy an' i Kristy no mba mahalala fa manan-javatra hatolotra azy Izy, dia izay tsara lavitra noho izay tadiaviny ho an' ny tenany aza. Manao izay tsy rariny lehibe indrindra amin' ny fanahiny ny olona, raha mihevitra na manao zavatra mifanohitra amin' ny sitrapon'

Andriamanitra. Tsy misy tena fifaliana mety ho hita ao amin' izay lalana raràn' Ilay mahalala sady mandahatra izay tsara indrindra ho an'ny asan' ny tanany. Lalana' ny fahoriana sy fahafatesana ny lalan-pahotana. NK 43.6

Diso ny mihevitra fa Andriamanitra dia faly mahita ny zanany mitondra fahoriana. Maniry ny hahasambatra ny olombelona ny mponina rehetra ao an-danitra. Tsy misakana ny lalam-pifaliana ho any amin' ny asan-tanany, na iza, na iza, ny Raintsika any an-danitra. Ny ilain' Andriamanitra amintsika dia ny hialantsika amin' ireny fanaranam-po ireny izay miteraka fahoriana sy fahadisoam-panantenana ary mandrindrana ny varavaran' ny fahasambarana sy ny lanitra tsy hidirantsika. Ny Mpanavotra izao tontolo izao dia mandray ny olombelona amin' izao toetrany izao, dia amin' ny filàny sy ny tsininy ary ny fahalemeny rehetra tsy ny hanadio amin' ny fahotana sy hanome fanavolana amin' ny rany ihany no ataony, fa ny hampionona ny fanirian' ny fon' izay rehetra manaiky hitondra ny ziogany sy hivesatra ny entany. Kasainy homena fiadanana sy fialantsasatra izay rehetra manatona Ázy hila ny mofon' aina. Ny hany ilainy amintsika dia ny hanao ireo adidy izay mitarika ny diantsika ho any an-tampon' ny fahasambarana izay tsy ho tratry ny mpandà, na oviana na oviana. Ny tena aim-panahy marina sady be fifaliana dia ny manana an' i Kristy, Ilay fanantenan' ny voninahitra ao am-po. NK 43.7

Maro no manontany hoe : «Ataoko ahoana no fanolotra ny tenako ho an' Andriamanitra? Tahanolo-tena ho Azy hianao, nefa tsy ampy herin-tsaina, andevozin ny fisalasalana sady gadran' ny fahazaran-dratsy. Tahaka ny mândà fasika ny fanaikenao sy ny fikasanao. Samy tsy hainao fehezina, na ny sainao, na ny zava mitaona anao, na ny fitiavanao. Ny fahalalanao fa tsy tanteraka ny fikasanao ary tsy lavorary ny fanekenao, dia manalemy ny fahatokiana amin' ny fahamarinan' ny tenanao, ka mahatonga anao hihevitra fa tsy mahay mandray anao Andriamanitra, nefa tsy tokony hamoy fo hianao. Izay tokony ho fantatrao dia ny tena herin' ny sitra-po. **Izany no mahafehy, na ny herin' ny toetr' olombelona, na ny herin' ny fanapahan-kevitra, na ny herin' ny safidy.** NK 44.2

Miankina amin' ny herin' ny sitra-po ny zavatra rehetra. **Efa nomen' Andriamanitra ny olombelona ny herin' ny safidy, ka anjarany ny mampiasa izany.** Tsy hainao ny manova ny fonao, tsy hain' ny tenanao ny hanome ny fitiavanao ho an' Andriamanitra, nefa azonao atao ny mifidy hanompo Azy. Azonao omena Azy ny sitraponao ary amin' izay dia hiasa ao anatinao Izy amin' ny fikasana sy ny fanaovana hahatanteraka ny sitrapony. Koa dia ho tonga

ao ambany fanapahan' ny Fanahin' i Kristy ny tena amam-panahinao rehetra ary dia hiompana aminy ny fitiavanao ary hifanaraka amin' ny Azy ny hevitrao. NK 44.3

Mety ny faniriana ho tsara sy masina, nefa raha mijanona amin izany fotsiny hianao, dia tsy hisy asany na inona na inona izany. **Maro amin izay manantena sy maniry fotsiny ny ho kristiana no ho very.** Tsy mbola tapa-kevitra hanolotra ny sitrapony hoan' Andriamanitra izy. Tsy mbola nifidy ny ho tonga kristiana izy NK 44.4

Ny fampiasana ny sitra-po araka ny rariny, dia mety hampisy fiovana tanteraka ao amin' ny toe-piainanao. Raha manolotra ny sitraponao ho an' i Kristy hianao, dia manolotra ny tenanao hiandany amin' ilay hery izay ambony noho ny hery sy ny fanapahana rehetra amin' izao tontolo izao. Hahazo hery avy any ambony hanohana anao hiorina mafy hianao ary noho ny fanoloranao ny tenanao ho an' Andriamanitra lalandava dia ho hainao ny mivelona amin' ny fiainana vaovao, dia fiainana miantehitra amin' ny finoana. NK 45.1

TOKO VI—FINOANA SY FANDRAISANA

Noho ny fieritreretanao efa novelomin' ny Fanahy Masina, dia mba efa misy hitanao ny faharatsian' ny fahotana, ny heriny, ny hadisoany ary ny loza avy aminy, ka maharikoriko anao ny ny mihevitra azy. Tsaroanao fa ny fahotana no nampisaraka anao tamin' Andriamanitra, sady voafehin' ny heriny ratsy hianao. Ary arakaraky ny hamafin' ny iezahanao hiala aminy, no ahatsiarovanao bebe kokoa ny halemena. Maloto ny hevitrao; tsy madio ny fonao. Fantatrao fa efa feno fitiavan-tena sy fahotana ny fiainanao. Koa dia maniry mba havela heloka sy hodiova ary hovotsorana hianao. Ary raha izay hoe fifanarahana amin' Andriamanitra, na fitoviana aminy, inona moa no azonao atao hahazoana izany ? NK 47.1

Fiadanam-po no ilainao, izany hoe, famelan' Andriamanitra ny helokao sy fihavanana aminy ary fitiavana ao am-po. Vola aman-karena tsy mahavidy izany, fahaizana tsy mahazo azy, fahendrena tsy mahatakatra azy, tsy mahazo manantena velively ny hahazo izany hianao, raha amin' ny herin' ny tenanao fotsiny. Nefa Andriamanitra mety manome azy ho anao maimaim-poana, «tsy amim-bola, na amin-karena 1 Isa.55:1». Anao izany, raha mety manatsotra ny tanao handray azy hianao. Hoy Jehovah hoe : NK 47.2

«Na dia tahaka ny jaky aza ny fahotanao,
Dia ho fotsy tahaka ny oram-panala,
Na dia mangatrakatraka tahaky ny sily aza,
Dia ho tahaka ny volon' ondry fotsy 2 Isa.1:18». NK 47.3

«Homeko fo vaovao hianao, ary fanahy vaovao no hataoko ao anatin'areo Ezek 36:26».Efa niaiky ny fahotanao hianao, ka tena niala taminy tokoa. Efa nina hanome ny tenanao ho an' Andriamanitra hianao, ka dia manatona Azy, ary angataho Izy hanadio ny fahotanao sy hanome anao fo vaovao, ary minoa fa hanao izany Izy, satria efa nanaiky fa hanao. Izany no lesona nampianarin' i Jesosy, fony Izy tety ambonin' ny tany, fa izay fanomezana eken' Andriamanitra homena antsika, ka inoantsika, fa horaisina tokoa, dia ho azontsika. Nanasitrana ny aretin' ny olona izay nino ny heriny Jesosy. Nanampy azy tamin'ny zavatra hita maso Izy mba hahatonga ireo hatoky Azy amin' izay tsy hitany, ka hitarika azy hino ny heriny hamela heloka. Nolzainy mazava izany tamin' ny nanasitrany ilay lehilahy mararin' ny paralysisa, fa hoy Izy: «Fa mba ho fantatrareo fa ny Zanak' olona manana fahefana ety ambonin' ny tany hamela heloka, (dia hoy Izy tamin' ilay mararin' ny NK 47.5

paralysisa) : Mitsangàna, batao ny fandrianao, ka modia any an-tranona 1 Mat.9:1» Toy izany koa no nolazain' i Jaona Evanjelista, raha nanambara ny fanjakan' i Kristy, fa hoy izy hoe: «Fa voasoratra izao, mba hinoanareo fa Jesosy no Kristy Zanak' Andriamanitra, ary mba hanananareo fiainana amin ny anarany, raha mino hianao 2Jao.20:21». NK 47.5

Ny tantara tsotra ao amin' ny Baiboly milaza ny nanasitranan' i Jesosy ny marary, dia ahazoantsika manantena famelankeloka avy aminy. Aoka ange hotodihintsika ny tantaran' ilay narin' ny paralysisa tany Betesda. Tsy nahavonjy tena Rangahy mahantra io tsy afa-nampiasa ny tongony aman-tànan' izy nandritry ny valo amby telo-polo taona. Nefa Jesosy nandidy azy hoe : «Batao ny fandrianao, ka mandehàna3». Tokony ho namaly ilay lehilahy narary, ka nanao hoe : «Tompoko, raha hanasitrana ahy Hianao, dia hanaiky ny teninao aho». Nefa tsy izany no nataony, fa nino ny tenin' i Kristy izy nino izy fa sitrana, ka dia nitsangana niaraka tamin' izay. Nanao araka ny tenin' i Kristy izy, ka dia nomen' Andriamanitra hery. Dia sitrana izy. NK 48.1

Mpanota toy izany koa hianao. Tsy azon' ny tenanao atao ny hahafaka ny fahotanao tamin' ny lasa tsy hainao ny hanova ny fonao, ka hahatonga ny tenanao ho masina. Nefa manaiky hanao izany rehetra izany ho anao amin' ny alàlan' i Kristy Andriamanitra. Minoa izany teny

fikasana izany. Itsory ny fahotanao, dia manolara tena ho an' Andriamanitra. Miniava hanompo Azy. Ary araka ny anaovanao izany indrindra no hanatanterahan' Andriamanitra ny teniny aminao. Raha mino izany teny fikasana izany hianao, — raha mino fa voavela heloka sady voadio hianao, dia hanefa ny anjarany kosa Andriamanitra ka ho sitrana hianao, dia tahaka an' ilay lehilahy namarin' ny paralyisa nomen' i Kristy hery ho afa-mandeha, rehefa nino fa sitrana ny tenany.— Toy izany koa hianao raha mino. NK 48.2

Aza miandry hahatsiaro sitrana hianao, fa ataovy hoe : «Mino aho fa sitrana izany tokoa, tsy satria nahatsiaro fa sitrana, fa satria fikasan' Andriamanitra ny hanasitrana ahy». NK 48.3

Hoy Jesosy : «Na inona, na inona tononinareo amin' ny fivavahana sy angatahinareo, dia minoa fa efa nandray hianareo, dia ho azonareo izany 3Mar.11:21 .” Misy fepetra amin' izany fanekena izany, dia ny amin' ny hivavahantsika araka ny sitrapon' Andriamanitra. Fa sitrapon Andriamanitra ny hanadio antsika ho afaka amin' ny fahotana sy ny hanangana antsika ho zanany ary ny hananantsika toe-piainana masina. Ka dia mahazo mangataka ireny fitahiana ireny isika, ary minoa fa voaraintsika izy, dia misaora an' Andriamanitra fa efa voaraintsika tokoa ireny. Tombon-tsoa ho antsika ny ahazoa-manatona an' i Jesosy hodiovin'ny, ka hitsangana tsy amin-kenatra na ama-nenina eo anatrehan' ny lalàna. «Ary amin' izany dia tsy misy fanamelohana ho an' izay ao amin' i Kristy Jesosy, izay tsy mandeha araka ny nofo, fa araka ny fanahy. 1Rom.8:1.4» NK 48.4

Hatramin' izany dia tsy an' ny tenanao intsony hianao, fa olom-boavidy. Tsy zavatra mety ho simba tahaka ny volafotsy sy ny volamena no nanavotana anareo.... fa ny ra soan' i Kristy, toy ny ran' ny zanak' ondry tsy misy kilema ary tsy misy pentimpentina 1Pet.1:18-19». Amin' izany finoana tsotra an' Andriamanitra izany, no efa naharian'ny Fanahy Masina fiainambaovao ao am-ponao. Toy ny zazakely vao teraka ao amin' ny ankohonan' Andriamanitra hianao, ka tiany tahaka ny itiavany ny Zanany. NK 49.1

Koa satria efa nomenao an' i Kristy ny tenanao, dia aza mihemotra na miala aminy, fa manaova isan' andro hoe : «An' i Kristy aho efa nomeko Azy ny tenako». Ary angataho Izy mba hanome anao ny Fanahiny, sy hitahiry anao amin' ny fahasoavany. Ary satria ny fanoloranao ny tenanao ho an' Andriamanitra sy ny finoanao Azy no mahatonga anao ho zanany, dia aoka ho araka izany koa no hivelomanao ao aminy. Hoy ny Apostoly hoe: «Tahaka ny nandraisanareo an' i Kristy Jesosy Tompo, dia mandehana ao aminy araka izany koa 3Koloz.2:6». NK 49.2

Ny olona sasany mihevitra, fa tsy maintsy mihatsara aloha, sady tsy maintsy mampiseho fiovan-toetra eo anatrehan' Andriamanitra, vao mahazo mandray ny fitiavany. Nefa na dia amin' izao aza, dia mety ho azony ihany ny fitahian' Andriamanitra. Tsy maintsy manana ny fahasoavany izy, dia ny Fanahin' i Kristy mba hanampy azy amin' ny fahalemeny, fa raha tsy izany dia tsy hahatohitra ny ratsy izy. Tian' i Jesosy ny hanatonantsika Azy amin' izao toetrantsika izao, dia izao ratsy sy malemy ary tsy mahaleo tena izao. Azontsika atao ny mitondra ny fahalementsika sy ny fahadalantsika ary ny faharatsiantsika ho eo aminy, ka hiankohoka eo an-tongony amin' ny fibebahana. Voninahitra ho Azy ny misakambina amin' ny tanam-pitiavana sy ny mamehy ny ferintsika ary ny manadio antsika ho afaka amin' ny fahalotoana rehetra. Izao no mahadiso ny olona betsaka : Tsy mino izy fa tena avelan' i Jesosy ny helony. Tsy mitana an' Andriamanitra amin'ny tony nataony izy. **Tombon-tsoa ho an' izay rehetra manaiky ny fiantsoana ny mahalala fa ny famelan-keloka dia omena maimaim-poana hanafaka, na ota inona, na ota inona.** **Esory ny fisalasalana amin' ny fiheverana hoe tsy kasaina ho anao ny teny fikasan' Andriamanitra. Ho an' ny mpanota mibebaka rehetra izany.** Hery sy fahasoavana efa voaomana amin' ny alalan' i Kristy no entin' ny anjely mpanompo ho an ny fanahy mino rehetra. Tsy misy olona, na ratsy toy inona, na ratsy toy inona, ka tsy hahita hery sy fahadiovana ary fahamarinana ao amin' i Jesosy Izay efa maty nisolo azy. Miandry izy mba hanendaka ny fitafiany voapentina sy voaloton' ny ota, ka hampiakanjo azy ny akanjo fotsin' ny fahamarinana maniry ny hahavelona azy Izy, fa tsy ny hahafaty azy. Tsy tahaka ny fifampiraharahantsika samy olombelona no iraharahan' Andriamanitra amintsika. **Ny heviny dia hevi-piantrana, hevi-pitiavana, hevi-pamindrampo.** Hoy Izy : NK 50.1

«Aoka ny ratsy fanahy hahafoy ny làlany,

Ary ny tsy marina hahafoy ny heviny

Ary aoka hiverina ho amin' i Jehovah ireny,

Fa hamindra fo aminy Izy,

Eny, ho amin' Andriamanitra,

Fa hamela heloka dia hamela heloka tokoa Izy 1 Isa.55:7».

«Izaho efa nandevona ny fahadisoanao tahaka ny fandevona ny zavona,

Ary ny fahotanao tahaka ny rahona Isa.44:22». NK 50.2

«Fa tsy sitrako ny fahafatesan' izay maty, hoy Jehovah Tompo. Koa mibebàha hianareo mba ho velona 3Ezek.18:22». Vonona hanala ny toky omen' Andriamanitra anefa Satana. Tahanaisotra ny fanantenana mameloveloka sy ny fahazavana kely mangirana ao am-po izy, nefa

aza avela hanao izany. Aza henoina ny feon' ny mpaka fanahy, fa valio hoe : «Efa maty Jesosy mba hahavelona ahy. Tia ahy Izy ary tsy sitrany ny hahafatesako. Manan-dRay be indra-fo any an-danitra aho, ary na dia efa naniratsira ny fitiavany aza aho, na dia efa nandanilany foana ny fitahiana efa nomeny ahy aza aho, hitsangana aho dia hanatona ny Raiko, ka hanao hoe: «Efa nanota tamin' ny lanitra sy teo anatrehanao aho, ka tsy miendrika halao hoe zanakao intsony fa ataovy tahaka ny anankiray amin' ny olona karamainao aho Lio.15:18.19». Dia hoy ny filazan' ny fanoharana aminao ny fomba nandraisana an' ilay mpirenireny: «Fa raha mbola lavitra izy, dia tazan-drainy, ary onena azy izy ka nihazakazaka, dia namihina ny vozony sady nanoroka azy 5Lio.15:23». NK 50.3

Nefa na dia ity fanoharana feno fitiavana sady mampangorakoraka ity aza. dia tsy mbola ampy hilazana tsara ny famindram-po tsy misy fetra ananan' Ilay Ray any an-danitra. Hoy Jehovah, raha niteny tamin' ny mpaminany : NK 50.4

«Fitiavana mandrakizay no nitiavako anao,
Koa izany no nampaharetako famindrampo ho anao 1Jer. 31:3;»

Raha mbola lavitra ny tranon' ny Ray ilay mpanota, ilay nandanilany foana ny fananany tany an-tany lavitra, dia nangoraka azy kosa ny fon' ny Ray ary ny faniriana rehetra ao am-po izay voahetsika hiverina amin' Andriamanitra, dia tsy inona fa fitaoman' ny Fanahy izay manambitamby sy miangavy ary mitaona ny mpirenireny ho ao amin' ny fon' Ilay Ray feno fitiavana. NK 51.2

Moa mbola misy isalasalanao ihany va izany teny fikasana mahafatra-po avy ao amin' ny Baiboly, ka voapetraka eo anoloanao izany ? Raha ny mpanota mahantra no maniry hiverina ka ta-handao ny fahotany, moa ataonao va fa hisakana azy aminkatezerana Andriamanitra mba tsy hibebehany eo an-tongony ? Mialà amin' ny hevitra toy izany ! Tsy misy zavatra mety manimba kokoa ny fanahinao, mihoatra noho ny iheveranao an' Andriamanitra Ray ho toy izany. Halany ny fahotana, nefa tiany ny mpanota, ka nanolotra ny tenany tamin' ny alalan' i Kristy Izy, ka hovanjena izay rehetra mety mba hanana fahasambarana mandrakizay ao amin' ny fanjakan' ny voninahitra. Inona moa no teny mahery kokoa, na feno antra kokoa azo ampiasaina ho enti-manambara ny fitiavany antsika mihoatra noho ilay efa nolazainy hoe : NK 51.3

«Mety manadino ny zanany minono va ny vehivavy
Ka tsy hamindra fo amin' ny zanaka naloaky ny kibony?
Eny, mety manadino ihany izy,
Fa Izaho kosa tsy mba manadino anao Isa.49:15» NK 51.4

Akaro ambony kokoa ny fijerinareo izay misalasala sy mangovitra, fa velona hanao fifonana ho antsika Jesosy. Isaorana anie Andriamanitra, noho ny nanomezany ny Zanany malalany, ary mangataha mba tsy ho foana ny nahafatesany hisolo anao. Miantso anao ny Fanahy Masina anio. Manatona an' i Jesosy amin' ny fo rehetra dia ho azonao ny fitahiany. NK 51.5

Raha mamaky ny teny fikasana hianao dia tsarovy fa fanehoam-pitiavana sy indrafo tapitra ohatra izy ireny. Ny fon' Ilay Fitiavana tsy voafetra dia tarihin' ny famindrampo tsy" hita lany hanavotra ny mpanota: «Izy no ananantsika fanavotana amin' ny rany, dia ny famelana ny fahadisoantsika 3Efes.I:7.» Eny, minoa fotsiny, fa mpanampy anao Andriamanitra. Tiany hohavaozina indray ny endriny ara-panahy ao amin' ny olombelona. Raha manatona Azy amin' ny fitsorana sy ny fibebahana hianao, dia hanatona anao amin' ny famindrampo sy famelan-keloka Izy. NK 51.6

TOKO VII—POROFON' NY MAHA-KRISTIANA

«Koa raha misy olona ao amin' i Kristy, dia olom-baovao izy efa lasa ny zavatra taloha, indreo efa tonga vaovao ireo 1Eor.5:17.» NK 53.1

Angamba misy olona tsy mahalala ny tena fotoana, na ny fitoerana niovany ho Kristiana, na mahalaza izay nahatonga azy hiova fo nefa tsy porofo izany tsy akory fa tsy voaova fo izy. Hoy Kristy tamin' i Nikodemosy : «Ny rivotra mitsoka amin' izay tiany, ary renao ny feony, nefa tsy fantatrao izay ihaviany na izay alehany, dia tahaka izany izay rehetra ateraky ny Fanahy 2Jao.3:8 .» Tahaka ny rivotra no fiasan' ny Fanahin' Andriamanitra ao am-pon' ny olona tsy hita maso, nefa hita sady tsaroana ny asany. Miteraka aina vaovao ao am-po sady mamorona tena vaovao, araka ny endrik' Andriamanitra, izany hery manavao izany izay tsy hitan' ny mason' olombelona. Raha mbola mangina sady tsy hita akory ny asan' ny Fanahy Masina, dia miharihary kosa ny vokany. Ny toe-piainana no vavolombelona fa voaovan' ny Fanahin' Andriamanitra ny fo. Raha tsy mahay manao na inona na inona hampiova ny fontsika isika, na hampifanaraka ny toetsika amin' Andriamanitra raha tsy mahazo miantehitra kely akory amin' ny tenantsika, na amin' ny asa soa ataontsika isika, ny toe-piainantsika kosa

dia hampiseho fa monina ao anatintsika ny fahasoavan' Andriamanitra. Ary dia hisy fiovana ho hita amin' ny toe-panahy sy amin' ny fombafomba ary amin' ny raharaha atao. Hazava sady tsy hisy hisalasalana ny fahasamihafan' ny toetra taloha sy ny ankehitriny. Ny mampiseho ny toe-panahy dia tsy mba ny fanaovan-tsoa tsindraindray, na ny fahadisoana tsindraindray, fa ny fiasan' ny fiteny sy ny fanao mahazatra. NK 53.2

Marina ihany fa misy olona mahay mitondra tena, na dia tsy mbola nohavaozin' ny herin' i Kristy aza. Mahatonga ny olona hitondra tena tsara ny fitiavana ho to teny sy ny faniriana hohajain' ny olona. Ny fanajantsika tena no mitarika antsika hifady ny ratsy. Misy aza olona tia tena, nefa mety hanao asam-piantrana ihany. Ka inona ary no ahalalàntsika na voaova fo isika na tsia ? NK 53.3

An' iza ny fontsika ? Any amin' iza ny eritreritsika ? Ny amin' iza no tiansika horesahina ? An' iza ny fitiavantsika mafana indrindra sy ny herimpontsika tsara indrindra ? Raha an' i Kristy isika dia any aminy sy ny aminy no alehan' ny eritreritsika tsara indrindra. Izay rehetra ananantsika dia atolotra Azy avokoa. Irintsika ny hitovy endrika aminy, hivelona amin' ny fanahiny, hanao ny sitrapony ary hampifaly Azy amin ny zavatra rehetra. NK 53.4

Izay rehetra efa tonga olom-baovao ao amin i Kristy dia manana ny vokatry ny Fanahy, «dia fitiavana, fifaliana, fiadanana, fahari-po fahamoram-panahy. fanaovan-tsoa, fahamarinana. fahalemam-panahy, fahononam-po 1 Gal.5:22,23.» Tsy mety mampanaram ny tenany intsony amin' ny filàna taloha izy, fa noho ny finoana ny Zanak' Andriamanitra dia manaraka ny diany izy, misaintsaina ny toetrany, ary manadio ny tenany ho tahaka Azy. Ny zavatra izay halany “taloha tonga tiany izao, ary izay tiany taloha kosa dia halany izao. Ilay niavonavona sy nitompo teny fantatra dia tonga malemy fanahy sy manetry tena. Ilay olompoana sady mpianjonanjona efa tonga maotona sady bonaika. Ny mpidoro-dava tonga mahalala onony, ary ny janga tonga madio. Ilaozana ny fomba sy ny lamodin' izao tontolo izao. Tsy mitady ny firavahana eny ivelany ny Kristiana, fa ny «toetra miafina ao am-po, izay tsy mety ho lo, dia ny fanahy malemy sady miadana 1 Pet.3:4 .»

Tsy misy afa-tsy ny fahatongavana hiova ho tsaratsara kokoa no azo lazaina ho porofon' ny fibebahana marina. Raha misy mamerina ny antoka, manome indray izay norobainy, miaiky ny fahotany ary tia an' Andriamanitra sy ny olona, dia mahazo matoky ny mpanota toy izany, fa efa tafafindra tamin' ny fahafatesana ho amin' ny fiainana. NK 54.2

Raha amin' izao toetsika diso sady be fahotana izao isika no manatona an' i Kristy, ka tonga mpiombona amin' ny fahasoavany, dia hiboiboika avy ao am-pontsika ny fitiavana. Maivana avokoa ny entana rehetra, satria mora ny zioga ampitondrain' i Kristy. **Ny adidy tonga fifaliana ary ny fandavan-tena tonga fahafinaretana.** Ny lalana izay toa voasaron' ny aizina taloha dia tonga mazava azon' ny famirapiratan' ilay Masoandron' ny Fahamarinana. Ny hatsaran-tarehin' ny toe panahin' i Kristy dia ho hita amin' ny mpanaraka Azy. Fifaliana ho Azy ny nanao ny sitrapon' Andriamanitra. Fitiavana an' Andriamanitra sy hafanampo hampandroso ny voninahiny no hery nanapaka ny fiainan' ny Mpamonjy. Ny fitiavana no nahatonga ny asany rehetra ho tsara tarehy sady ambony. Ny fitiavana dia avy amin' Andriamanitra. Ny fo tsy mbola nohamasinina dia tsy mahateraka, na mahatonga fitiavana. Amin' ny fo izay anjakan' i Jesosy ihany no ahitana io. «Isika tia, satria izy efa tia antsika taloha 11Jao.4:19.» Ao amin' ny fo izay efa nohavaozin' ny fahasoavan' Andriamanitra, dia ny fitiavana no fototry ny asa. **Manova ny toe-panahy izy, manapaka ny herin-tsaina, mifehy ny faniriana, mandresy ny fandrafiana ary maha-ambony ny fitiavana.** Izany fitiavana ao am-po izany no manamamy ny fiainana sady mahatonga hery manasoa ny manodidina rehetra. NK 54.4

Misy fahadisoan-kevitra roa izay tokony hotandreman' ny zanak' Andriamanitra indrindra — indrindra fa ireo izay vao zazavao amin' ny finoana : Ny voalohany, izay efa voalaza rahateo, dia ny amin' ireo izay mijery ny asan' ny tenany, ka mitoky amin' ny zavatra ataony mba hahazoana sitraka amin' Andriamanitra. Izay mitady hohamasinin' ny asan' ny tenany amin' ny fitandremana ny lalàna dia manandrana ny zavatra tsy lio azo atao, na oviana na oviana. Izay rehetra azon' ny olona atao tsy ilàna an' i Kristy dia mety ho voaloton' ny fitiavan-tena sy ny ota. Ny fahasoavan' i Kristy, dia ny fahasoavany ihany amin' ny finoana, no mahazo manamasina antsika. NK 55.1

Ny fahadisoan-kevitra anankiray mifanohitra amin' izany, sady mampididoza tsy latsaka noho izany, dia ny fiheverana fa ny finoana an' i Kristy dia manala ny olona tsy hitandrina ny didin' Andriamanitra. Ary satria finoana ihany no mahatonga antsika ho mpanana anjara amin' ny fahasoavan' i Kristy, koa dia tsy ilaina akory amin' ny fanavotana antsika ny asantsika. NK 55.2

Nefa fantaro tsara, fa ny fankatoavana tsy fanekena fotsiny tsy akory, fa fanompoam-pitiavana. Ny lalàn' Andriamanitra dia fanehoana ny tena toetrany indrindra. **Ventin' ny**

fitsipika lehibe amin' ny fitiavana izany, ka dia fanorenana ny fanjakan' Andriamanitra any an-danitra sy ety an-tany. NK 55.3

Raha havaozina araka ny endrik' Andriamanitra ny fontsika raha aòrina ao anatin' ny fanahintsika ny fitiavana an' Andriamanitra moa tsy ho voaraka ao amin' ny toe-piainantsika va ny lalàn' Andriamanitra ? Raha ny lalàn' Andriamanitra no miorina ao am-po, raha ny olona no havaozina araka ny endrik' Ilay nahary azy, dia tanteraka ny teny fikasana amin' ny fanekena vaovao hoe : «**Hataoko ao am-pony ny lalàko, sady hosoratako ao an-tsainy Heb.10:16.**» Ary raha voasoratra ao am-po ny lalàna, moa tsy hamboatra ny toe-panahy va izany ? **Fankataovana sy fanompoam-pitiavana no tena famantarana marina ny maha mpianatr' i Kristy. Ka izany no anaovan' ny Soratra Masina hoe : «Fa izao no fitiavana an' Andriamanitra, dia ny hitandremantsika ny didiny».** «Izay manao hoe : Fantatro Izy, nefa tsy mitandrana ny didiny, dia mpandainga, ary ny marina tsy no anatin' 11 Jao.3:5,6». Ny finoana dia ny finoana ihany no mahatonga antsika ho mpiombona amin' ny fahasoavan'i Kristy izay mahay mampankatò antsika, fa tsy manala antsika amin' ny fankatoavana tsy akory. NK 55.4

Tsy ny fankatoavantsika no ahazoantsika famonjena, fa ny famonjena dia fanomezan' Andriamanitra maimaim-poana raisina amin' ny finoana. **Nefa ny fanoavana dia vokatry ny finoana.** «Ary fantatrareo fa Izy no naseho hanaivotra ny ota ary tsy mba misy ota ao aminy. Izay rehetra mitoetra ao aminy dia tsy manota : izay rehetra manota dia tsy nahita na nahalala Azy 2» Izao no tena porofo indrindra : Raha mitoetra ao amin' i Kristy isika. raha mitoetra ao amintsika ny fitiavan' Andriamanitra, ny fahatsiarovantsika. ny eritreritsika, ny fikasantsika, ny ataontsika dia samy hifanaraka amin' ny sitrapon' Andriamanitra, araka ny voalaza ao amin' ny lalàny masina hoe : «**Anaka, aza avela hisy hamitaka anareo : izay manao ny marina no marina eny, marina tahaka Azy 1 Jao.3:7 .**» Ny toetry ny hoe fahamarinana dia asehon' ny' lalàn Andriamanitra ho araka izay voalaza ao amin' ny Didy folo nomena tany Sinay. NK 56.1

Ny finoana an' i Kristy izay mampihevitra fa tsy voatery hankatò an' Andriamanitra ny olona. dia tsy finoana fa vinany. «Fa fahasoavana no namonjena anareo amin' ny finoana.» Nefa «ny finoana raha tsy misy asa. dia maty mihitsy 3Efes 2:8 ; Jak. 2: 17.» Talohan' ny nahatongavan' i Jesosy tety ambonin' ny tany, dia hoy ny filazany ny tenany hoe :

«Ny hanao ny sitraponao, Andriamanitrao ô, no sitrako; NK 56.3

Ary ny lalànao no ato anatiko 4 Sal.40:8.» Ary taloha kelin' ny niakarany tany an-danitra indray, dia nolazainy fa efa nitandrina ny didin' ny Rainy Izy. sady mitoetra ao amin' ny fitiavany araky ny teny hoe : «Tahaka ny nitandremako ny didin' ny Raiko sy ny itoerako amin' ny fitiavany Jao.15:10;.» Hoy koa ny Soratra Masina hoe: «Ary izao no ahafantaranlsika fa mahalala Azy isika, dia ny fitandremana ny didiny Izay milaza fa mitoetra ao aminy izy, dia tsy maintsy mandeha toy izay nandehanany koa 1 Jao.2:3 6.» «Fa Kristy aza efa nijaly hamonjy anareo, ka namela fianarana ho anareo, mba hanarahanareo ny diany 71 Pet.2:31. » NK 56.4

Ny toetry ny fiainana mandrakizay ankehitriny dia sahala indrindra amin' ny toetrany taloha ihany — ny toetry ny Paradisa talohan' ny nahalavoan' ny ray aman-drenintsika, izay nisy fankantoavana tanteraka ny lalan Andriamanitra sy fahamarinana feno, dia mbola toeny ihany koa ankehitriny. Ary raha toetra hafa latsaka noho izany no ahazoana ny fiainana mandrakizay, dia ho simba ny fahasambaran' izao tontolo izao. Ary hivoaha ny lalana hidiran ny ota mbamin' ny forongony rehetra, dia loza sy fahoriana izay tsy ho azo vonoina mandrakizay. NK 56.5

Talohan' ny nahalavoan' i Adama dia azony natao ny hanana toetra marina noho ny fankatoavany ny lalàn'Andriamanitra. Nefa tsy nahatanteraka izany izy, ary noho ny fahotany dia simba ny toetsika, ka tsy haintsika atao ny mahatonga ny tenantsika ho marina. Noho isika mpanota sady ratsy dia tsy azontsika atao ny hankatò tanteraka ny lalàna masina. Tsy ampy hifamatra amin' izay ilain' ny lalàna ny fahamarinana ananantsika. Nefa Kristy efa nanao lalana hahafaka antsika. Velona teto ambonin' tany Izy sady nohodidin' ny fizahan-toetra sy ny fakampanahy toy izay mihatra amintsika. Velona tsy nanana ota Izy. Maty nisolo antsika Izy, ary izao dia manaiky hitondra ny fahotantsika sy hanome antsika ny fahamarinany. Raha omenao Azy ny tenanao, raha manaiky Azy ho Mpamonjy anao hianao, dia hisaina ho marina hianao noho ny alalany, na dia efa ratsy fanahy aza. Ny toetran' i Kristy no nisolo ny toetranao, ary ankasitrahana eo anatrehan' Andriamanitra hianao, toy ilay tsy nanota iny akory. NK 57.1

Mihoatra noho izany dia manova ny fo koa Kristy. Mitoetra ao am-ponao amin' ny finoana Izy. Tsy maintsy manao izay hampaharitra izany fikambanana amin' i Kristy izany hianao amin' ny finoana sy amin' ny fanolorana ny sitraponao ho Azy. Ary arakaraka ny anaovanao izany no hiasany ao anatinao, na amin' ny fikasana, na amin' ny fanaovana hahatanteraka ny sitrapony. Ka dia azonao atao ny milaza hoe : «Izay ivelomako ankehitriny eo amin' ny nofo

dia ivelomako amin' ny finoana ny Zanak' Andriamanitra, Izay efa tia ahy, ka nanolotra ny tenany hamonjy ahy 1Gal.2;20;» Koa izany no nilazan' i Jesosy tamin' ny mpianany hoe : «Fa tsy hianareo no miteny, fa ny Fanahin' ny Rainareo no miteny ao anatinareo Mat.10:20..» Amin' izay, **noho Kristy miasa ao anatinao, dia hampiseho toe-panahy sy hanao asa mitovy amin' ny azy hianao. dia asam-pahamarinana sy fankatoavana.** NK 57.2

Koa dia tsy manana na inona na inona amin' ny tenantsika izay azo ireharehana isika. Tsy manana antony izay azo andokafan-tena isika. Ny hany anton' ny fanantenantsika, dia ny fahamarinan' i Kristy isaina ho antsika sy ny asan' ny Fanahy Masina miasa ao anatintsika. NK 57.3

Raha milaza ny amin' ny hoe finoana isika dia misy famarafarana tokony hotsarovana. Misy izay inoan' ny saina nefa samy hafa mihitsy amin' izay atao hoe finoana. Na dia Satana sy ny miaramilany aza dia tsy mahazo mandà velively akory ny fisian' Andriamanitra sy ny heriny ary ny fahamarinan' ny teniny. Lazain' ny Baiboly fa «ny demonia koa mba mino izany ka dia mangovitra Jak.2:19» nefa tsy finoana izany. **Ny tena finoana dia tsy finoana fotsiny ny tenin' Andriamanitra, fa fanoavana ny sitrapony sy fanolorana ny fo ho Azy ary fanompanana ny fitiavana aminy — dia finoana izay miasa amim-pitiavana sady manadio ny fanahy.** Amin' izany finoana izany dia havaozina ny fo ho araka ny endrik' Andriamanitra. Ary amin' izany finoana izany, ny fo izay mbola tsy voaova, ka tsy mety sady tsy mahay mankatò ny lalàn' Andriamanitra, dia manjary faly, ka miray feo amin' ny mpanao Salamo hoe : NK 57.4

«Endrey ny fitiavako ny lalànao !

Fisaintsainako mandrakariva izany2Sal.119:97 ” NK 58.1

Ary tanteraka **«ny fahamarinana ilain' ny lalàna amintsika, izay tsy mandeha araka ny nofo, fa araky ny Fanahy Rom.8:1 .»** NK 58.2

Misy olona izay efa nahalala ny fitiavan' i Kristy hamela heloka sady mba naniry marina tokoa ho tonga zanak' Andriamanitra nefa tsaroany fa tsy mendrika ny fitondrantenany, be tsiny ny toe-piainany, ka dia misalasala izy, na efa nohavaozin' ny Fanahy Masina ny fony, na tsia. Amin' ny olona toy ireny dia hoy aho hoe : Aza mihemotra amin' ny famoizam-po Tsy maintsy hihohoka sy hitomany matetika eo an-tongotry Jesosy isika noho ny tsy fahombiazana sy ny fahadisoantsika tsy tokony ho kivy. Ary na dia hoe resin' ny devoly aza isika dia tsy ariana, na afoy na lavin' Andriamanitra akory. Sanatria. Eo an-tanana ankavanan'

Andriamanitra Kristy manao fifonana ho antsika. Hoy Jaona mpianatra malalan' ny Tompo hoe : «Izany zavatra izany no soratako aminareo mba tsy hanotanareo. **Ary raha misy manota, dia manana Solovava ao amin' ny Ray isika, dia Jesosy Kristy, Ilay Marina 1 Jao. 2:1.**» Ary aza hadinoina koa ny tenin' i Kristy manao hoe : «Fa ny Ray dia tia anareo Jao.16:27.» Maniry anao ho tafaverina eo aminy Izy mba hahitany ny fahadiovana sy ny fahamasinan' ny tenany mitaratra eo aminao. Ary raha mety manolotra ny tenanao ho Azy hianao dia Izy Izay nanomboka asa tsara tao anatinao, no hampandroso izany asa tsara izany ho amin' ny andron i Jesosy Kristy. Mivavaha amin-kafanam-po bebe kokoa ary minoa amim-pahatokiana misimisy kokoa. Rehefa tonga tsy matoky ny herin' ny tenantsika isika, dia aoka hatoky ny herin ny Mpanavotra antsika ary dia hidera Azy, dia Izy izay azontsika ianteherana. NK 58.3

Arakaraka ny anakaikezanao an' i Jesosy, no mainka hisehoan' ny tenanao ho be tsiny kokoa eo anatrehanao, satria mihamazava kokoa ny fahitanao ary ny kilemanao koa ho hita mifanohitra indrindra amin' ny toetrany tsy misy tsiny. Izany no vavolombelona fa efa lany hery ny fanangolen' i Satana; ka ny hery mahavelona avy amin' ny Fanahin' Andriamanitra no manetsika anao. NK 58.4

Tsy misy fitiavana lalina an' i Jesosy mahazo monina ao am-pon'izay tsy mahatsiaro ny faharatsian' ny tenany. Hidera ny toetrany masina ny fanahy izay voaovan' ny fahasoavan' i Kristy nefa raha tsy mahita ny kileman' ny toe-panahintsika isika, dia izany no vavolombelona tsy misy diso, fa tsy mbola nahazo antsaina akory ny fahatsarana sy ny fahambonian' i Kristy isika. NK 59.1

Arakaraka ny hakelezan' izay tiansika hodokafana amin' ny tenantsika no habetsahan' izay hitantsika hodokafana amin' ny fahadiovana sy ny hatsaran' ny Mpamonjintsika. Ny fahalalantsika ny faharatsiantsika no manesika antsika ho any amin' Ilay mahavela heloka. Ary raha ny fanahy izay mahatsiaro tsy fahombiazana no mitady an' i Kristy dia hiseho amin-kery amin' izany fanahy izany Izy. Arakaraka ny fanesiky ny fahantrantsika ho any aminy sy ho amin' ny Tenin' Andriamanitra no hiderantsika ny toetrany sy hanahafantsika ny endriny kokoa. NK 59.2

TOKO VIII—FITOMBOANA AO AMIN' I KRISTY

Lazain' ny Baiboly ho toy ny fiterahana ny fiovam-po, izay mahatonga antsika ho Kristiana. Ary koa ampitahainy amin' ny voa tsara afafin' ny mpamboly izy. Toy izany indrindra ny

olona vao mino an' i Kristy, «tahaka. ny zaza vao teraka 1 1 Pet.2:2 ; Efes.415», ka tsy maintsy «hitombo 1 1 Pet.2:2 ; Efes.415» ho lehilahy sy vehivavy lehibe ao amin' i Kristy. Na tahaka ny voa tsara nafafy tany an-tsaha, ka tsy maintsy mitombo sy mamoa. Lazain' i Isaia, fa izy ireny dia hatao hoe: «Hazon' ny fahamarinana, nambolen' i Jehovah ho fampisehoamboninahitra 2Isa.61:3 ;.» Koa dia avy amin' ny zavaboahary no akana ohatra hahalalantsika tsaratsara kokoa ny fahamarinana miafina ananan' ny aina ara-panahy. NK 61.1

Tsy mahaforona aina, na dia amin' ny zavatra kely indrindra amin' ny zava-boahary aza, ny fahendrena **amam-pahaizana rehetra ananan' ny olombelona**. Avy amin' ny aina izay efa nomen' Andriamanitra ihany no iveloman' ny zava-maniry sy ny biby. Toy izany koa ny aimpanahy, avy amin' Andriamanitra ihany no miteraka aim-panahy ao am-pon' ny olona. Raha tsy «ateraka avy any ambony 3Jao. 3:3(an-tsisiny)» ny olona, dia tsy manana anjara amin' ny aina izay nomen' i Kristy izy. NK 61.2

Ary tahaka ny amin' ny aina ihany koa ny amin' ny fitomboana. Andriamanitra ihany no mahatonga ny tsimoka hivelatra, ary ny voniny hanjary voa. Ny heriny ihany no mampaniry ny voa, «voalohany misy tahony, dia teraka, ary rehefa izany dia feno voa 4 Mar.4:28.» Ary lazain' i Hosea mpaminany. fa ny Israely dia «hamóny tahaka ny lilia» — «Dia hampahavokatra vary indray, ary haniry tahaka ny voaloboka 5Hosea 14:6,8.» Hoy koa Jesosy amintsika : «Hevero ny fanirin' ny voninkazo 6Lio. 12:27». Tsy maniry, na mitombo araka ny safidim-pony, na araka ny herin' ny tenany ny zava-maniry sy ny voninkazo, fa araka ny andraisany izay zavatra efa nomen' Andriamanitra hahavelona azy. **Tsy hain' ny zaza ny hanampy ny halava sy haben' ny tenany, na toy inona na toy inona fanahiana sy hery ananany**. Toy izany koa, tsy hahazo fitomboana ara-panahy hianao, noho ny fanahiana, na noho ny fiezahan' ny tenanao. **Ny zava-maniry sy ny zaza dia mitombo noho ny fandraisany zavatra mahatonga ny ainy avy amin' ny manodidina azy, dia rivotra, hainandro, hanina**. Ary tahaka ny asan' ireny zavatra ireny amin' ny biby sy ny zava-maniry no NK 61.3

asan' i Kristy amin' izay matoky Azy. Izy no «fanazavana azy mandrakizay, ary Masoandro sy Ampinga 1Isa.60:19; Sal. 84:11;». «Ho tahaka ny ando amin' ny Israely Izy». «Hidina tahaka ny ranonorana amin' ny saha voajinja Izy». Izy no ranon' aina «mofon' Andriamanitra Izay nidina avy an-danitra, ka manome fiainana ho an' izao tonlolo izao 2 Hosou 14:5;Sal.72:6 Jao.6:33 » NK 61.3

Tamin ny nanomezan Andriamanitra ny Zanany, Ilay fanomezana tsy misy toa azy, dia efa nohodidiny aera-pahasoavana, toy ny anodidinan' ny rivotra ny tany rehetra, izao tontolo izao izay rehetra mety miaina amin' izany aera mahavelona izany, dia ho velona sy hitombo ho lehilahy lehibe sy vehivavy lehibe ao amin' i Kristy . NK 62.1

Toy ny voninkazo mitodika amin' ny masoandro mba hahazoany ny tanamasoandro, hanatanteraka ny hatsaran tarehin' sy ny bikany, dia toy izany koa no tokony hitodihantsika, amin' Ray Masoandron' ny Fahamarinana, mba hahazoantsika ny fahazavan' ny lanitra hamirapiratra amintsika, hampandroso ny toe-panahintsika amin' ny fanahafana an' i Kristy. NK 62.2

Zavatra toy izany koa no ampianarin' i Jesosy amin' ilay teniny hoe : «Tomoera amiko ary Izaho aminareo, Tahaka ny sampana tsy mahay mamoa ho azy, raha tsy miray amin' ny voaloboka izy, dia toy izany koa hianaro, raha tsy miray amiko. Fa raha misaraka amiko kosa hianareo, dia tsy mahay manao na inona na inona : 3 jao.I5:4,5.» Tahaka ny ikambanan' ny sampana amin' ny vatana, mba hitomboany sy hamoazany no tsy maintsy ikambanana amin' i Kristy mba hananana toe-piainana masina. Raha misaraka aminy hianao, dia tsy manana aina, sady tsy manan kery hanoherana ny fakam-panahy, na hitomboana amin' ny fahasoavana sy ny fahamasinana. Italia mitoera ao aminy kosa dia hahavokatra. Raha mahazo aina avy aminy hianao, dia tsy halazo, na tsy hahavanom-boa, fa ho tahaka ny hazo ambolena eo amoron' ny rano velona. NK 62.3

Maro ny olona mihovitra fa ny tenany ihany no tsy maintsy manao amin' ny raharaham-pamonjena azy, Matoky an' i Kristy izy, raha ny amin' ny famelan-keloka, nefa miantehitra amin' ny herin' ny tenany kosa mba ho tonga tsara toetra. Tsy ho foana anefa ny hery rehetra toy izany Hoy Jesosy hoe : «**Raha misaraka amiko hianareo dia tsy mahay manao na inona na inona**». Ny fitomboantsika amin' ny fahasoavana, sy ny fifaliansika, ary ny fahavitantsika soa, dia samy miankina amin' ny fikambanantsika amin' i Kristy avokoa. Ary noho ny firaisantsika aminy isan'andro sy isan' ora, — eny, **noho ny fitoerantsika ao aminy, — no itomboantsika amin' ny fahasoavana**. Tsy Tompon' ny finoantsika ihany Izy, fa Mpanefa azy koa. Kristy no voalohany sy farany ary mandrakariva. Homba antsika Izy, tsy amin' ny voalohan' ny diantsika ihany, na ny farany, fa isaky ny mandingana eny an-dàlana. Hoy Davida hoe : NK 62.4

«Ataoko eo anatrehako mandrakariva Jehovah. NK 63.1

Fa eo an-kavanako Izy, ka dia tsy hangozohozo aho 1Sal.16:8;. ” NK 63.2

Hanontany angaha hianao, ka hanao hoe : «Ataoko ahoana no fitoetra eo amin’ i Kristy ?» Ataovy toy izay nandraisanao Azy tamin’ ny voalohany ihany. «Koa tahaka ny nandraisanareo an’ i Kristy Jesosy Tompo, dia mandehana ao aminy araka izany koa». «Ny marina dia ho velon’ ny.finoana Kolos. 2:6; Heb.10:38.» Nomenao ho an’ Andriamanitra ny tenanao manontolo, hanompo sy hankatò Azy, ary nekenao ho Mpamonjy anao Kristy. Tsy hainao ny hisolo heloka ny tenanao, na hanova ny fonao nefa rehefa natolotrao ho an’ Andriamanitra ny tenanao, dia inoanao fa nanao izany rehetra izany ho anao tamin’ ny alàlan’ i Kristy Izy. NK 63.3

Noho ny finoana dia tonga an’ i Kristy hianao, ka hitombo ao aminy amin’ ny anomezanao ny tenanao ho Azy sy andraisanao ny tenany ho anao. Tsy maintsy omenao avokoa ny zavatra rehetra — dia ny fonao, ny safidinao, ny herim-ponao. Omeo Azy ny tenanao hankatò izay rehetra asainy atao. Ary koa tsy maintsy raisinao ny zavatra rehetra, dia Kristy ilay fahafenoan’ ny fitahiana rehetra, mba hitoetra ao am-ponao sy mba ho tanjakao, ho fahamarinanao, ho mpanampy anao mandrakizay, ary mba hanome anao hery ho enti-mankatò. NK 63.4

Manokàna ny tenanao ho an’ Andriamanitra amin’ ny maraina izany no ataovy voalohandraharanao indrindra. Aoka ny fivavahanao ho toy izao : «Raiso aho, Tompo ó, ho anao manontolo. Ny fikasàko rehetra apetrako eo an-tongotrao. Ampiasao amin’ ny fanompoana anao aho anio. Tomoera amiko. ary aoka ny asako rehetra hatao ao aminao.» Zavatra tokony hatao isan’ andro izany. Isa-maraina dia manokàna ny tenanao ho an’ Andriamanitra mandritra io andro io. Atolory Azy ny fikasànao rehetra, mba hotanterahina, na hajanona araka ny fandaharana ataony ho mety. Mametraka ny fiainanao isan’ andro isan’ andro ho eo am pelatànan’ Andriamanitra hianao, raha manao izany ary amin’ izay, dia ho voamboatra lalandava ho tonga tahaka ny fiainan’ i Kristy ny fiainanao. NK 63.5

Fiainana feno fiadanana ny fiainana ao amin’ i Kristy. Mety tsy hisy fahatsiarovana fiamboniana amin’ izany, nefa kosa ao ny fahatokiana sy ny fiadanam-po maharitra. Ao amin’ i Kristy NK 63.6

ny fanantenanao, fa tsy ao amin’ny tenanao. Ny fahalemenao dia akambana amin’ ny heriny ny fahadalanao amin’ ny fahendreny, ary ny fahosanao amin’ ny fahatanjahany. Noho izany,

dia tsy tokony hijery ny tenanao hianao, na hamela ny saina hiantehitra amin' ny tena, fa hijery an' i Kristy. Aoka ny saina hiantehitra amin' ny fitiavany, amin' ny hatsarana sy ny fahatanterahan' ny toetrany. Kristy tao amin' ny fandavan-tenany, Kristy tao amin' ny fanetren-tenany, Kristy tao amin' ny fahadiovany sy ny fahamasinany, Kristy tao amin' ny fitiavany tsy misy toa azy — izany no zavatra tokony hosaintsainin ny fanahy. Ny fitiavana Azy, ny fakan-tahaka Azy, ny fiankinana aminy tanteraka no mahatonga anao ho tahaka Azy. NK 63.6

Hoy Jesosy hoe : «Tomoera amiko.» Mampiseho fitsaharana sy tsy fiovaovana ary fahatokiana izany teny izany. Mangataka antsika koa Izy, ka manao hoe : «Mankanesa aty amiko fa Izaho no hanome anareo fitsaharana Mat. 11:28 ;» Toy izany koa ny tenin' ny mpanao Salamo, manao hoe : «Mitomera tsara miandry an' i Jehovah hianao, ka manantenà Azy 2Sal. 37:7 ;» Ary hoy koa ny toky omen' Isaia : «**Amin' ny fahanginana sy ny fahatokiana no hisian' ny herinao 3Isa. 30:15 ;**» Tsy hita ao amin' ny fidonaham-poana tsy akory izany fitsaharana izany, satria amin' ny fangatahan' i Kristy antsika, dia akambany amin' ny fiantsoana hiasa ny fitsaharana izay kasainy homena, fa hoy izy hoe : «Ento ny zioako.... dia hahita litsaharana ho an' ny fanahinareo hianareo Mat. 11:29..» **Ny fo izay tena mahita fitsaharana tanteraka indrindra ao amin' i Kristy no hafana sy harisika indrindra hiasa ho Azy.** NK 64.2

Miala amin' i Kristy Ilay loharanon' ny hery sy ny aina ny saina, raha miantehitra amin' ny tena. **Ka noho izany, dia mikely aina lalandava Satana, mba hampiala ny saina amin' ny Mpamonjy, ka hisakana ny fikambanana sy ny firaisan' ny fanahy amin' i Kristy.** Ny fahafinaretan' izao tontolo izao, ny fiahiana sy ny fahasahiranana, ary ny fahoriana amin' ity fiainana ity, ny fahadisoan' ny hafa, na ny fahadisoana sy ny kileman' ny tena ireny na ny sasany amin ireny no tadiaviny hamiliana ny saina. Ka aoka mba tsy ho voafitaky ny hevipepetsiny. Maro ny olona izay ta-hanao ny marina, sady maniry hanompo an' Andriamaninitra, no tafihin' ny Devoly matetika koa hitandro ny fahadisoany sy ny fahalemeny ary rehefa mahasaraka azy amin' i Kristy izy, dia manantena handresy azy. Tsy tokony hanao ny tena ho fotojavatra isika, ka hanahy sy hatahotra, na ho voavonjy, na tsia. Izany rehetra izany dia mampiala ny fanahintsika amin' Ray Loharanon ny herintsika. Apetraho amin' Andriamanitra ny fanahinao hotehiriziny, ary matokia Azy. Miresaha sy mieritrereta ny amin' i Jesosy. Aoka ny tena ho levona ao amin' i Kristy. Esory ny fisalasalana rehetra roahy ny tahotra. Miaraha miteny amin' i Paoly Apostoly hoe : «Tsy izaho intsony no velona, fa Kristy no velona ato

anatiko fa izay ivelomako ankehitriny eo amin' ny nofo, dia ivelomako amin' ny finoana ny Zanak' Andriamanitra, Izay efa tia ahy, ka nanolotra ny tenany hamonjy ahy 1 Gal. 2:20 ; .» Miantehera amin' Andriamanitra. Mahay mitahiry izay efa nankininao taminy Izy. Raha apetrakao eo am-pelatanany ny tenanao, dia hataony tonga mihoatra noho ny mpandresy hianao, amin' ny alàlan' Ilay tia anao. NK 64.3

Kofehim-pitiavana tsy azon-kery tapahina, afa-tsy ny safidim-pon' ny olona no nanakambanan' i Kristy amin' ny tenany ny toetr' olombelona, fony Izy nitafy nofo. Manangoly antsika lalandava hanapaka izany kofehy izany Satana, mba hisarahantsika amin' i Kristy. Amin' izany no tokony hitandrina sy hiezaka ary hivavaka isika, mba tsy hisy na inona inona hahatarika antsika hifidy tompo hafa, satria mahazo manao izany mandra-kariva isika, raha tiansika. Nefa aoka hibanjina an' i Kristy isika, dia hiaro antsika Izy. Tsy ho azon-doza isika, raha mijery an' i Jesosy. Tsy misy maharombaka antsika eo am-pelatanany. Amin' ny ijerentsika Azy lalandava dia «ovàna hahazo izany endrika izany indrindra avy amin' ny voninahitra ka ho amin' ny voninahitra, toy ny avy amin' ny Tompo, dia ny Fanahy 22 Kor. 3:18 ;.» NK 65.1

Toy izany no nahatonga ny mpianatra taloha ho tahaka ny Mpamonjy malala. Rehefa ren' ireny mpianatra ireny ny tenin' i Jesosy dia tsaroany ny filàny Azy. Nitady an' i Jesosy izy dia nahita ka nanaraka Azy. Niaraka taminy hatrany Izy, na tao antrano, na teo am-pisakafoana, na tao amin' ny efi-trano mangina, na tany an-tsaha. Niaraka taminy, toy ny mpianatra miaraka amin' ny mpampianatra azy izy, ka mandray leson' ny fahamarinana avy amin' ny teny aloaky ny vavany isan' andro. Nijery Azy, toy ny mpanompo mijery ny tompony izy, hahalalany izay tokony hataony. Ireny mpianatra ireny dia «olona tahaka antsika ihany 3Jak. 5:17...» Niady tamin' ny fahotana tahaka antsika izy. Nila ny fahasoavana izay ilaintsika koa izy, mba hananany toe-piainana masina. NK 65.2

Na dia Jaona, ilay mpianatra malala, sady be itoviana indrin-dra amin' ny Mpamonjy aza, dia tsy nanana izany toetra mahafinaritra izany, raha araka ny maha-olona azy fotsiny. [Io Jaona io dia olona nitompo teny fantatra, tia toerana ambony, mora misaloaka sady ta-hamaly izay nanafintohina azy.](#) Nefa rehefa niseho taminy ny toetr' Ilay Masina, dia hitany ny tsy fahombiazan' ny tenany, ka nanetry tena izy noho ny fahalalana izany. Ny tanjaka sy ny fieretana, ny hery sy ny fangoraham-po, ny halebeazana sy ny halemem-panahy, izay hitany tamin' ny toe-piainan' ny Zanak' Andriamanitra marain-tsy hariva, dia nameno fankalazana sy fitiavana tao am-pony. Voatarika ho amin' ny Mpamonjy isan' andro isan' andro ny tony,

ambarapahatongany hanadino ny tenany noho ny fitiavany ny Tompony. Natolony hamboarin' ny herin' i Kristy ilay toetrany ta-hamaly ratsy sady tia fiamboniana. Ny herin' ny Fanahy Masina no nanavao ny fony. Ny herin' ny fitiavan' i Kristy no nahatonga fiovan-toetra taminy. Izany no tsy maintsy vokatry ny firaisana amin' i Kristy. Raha mitoetra ao am-po Kristy, dia miova avokoa ny toetra rehetra. Ny fanahin' i Kristy sy ny fitiavany dia manaíemy ny fo, mamolaka ny fanahy, ary manainga ny hevitra sy ny faniriana ho any amin' Andriamanitra sy ny lanitra NK 65.3

Rehefa niakatra tany an-danitra Kristy, dia mbola noheverin' ny mpanaraka Azy ho manatrika azy ihany Izy. Fanatrehana hita maso sady feno fitiavana sy fahazavana izany. Jesosy Mpamonjy Ilay efa niara-nandeha sy niara-niresaka ary niara-nivavaka taminy. Ilay efa nilaza fampanantenana sy fampiononana tao am-pony, dia nakarina tany an-danitra, raha mbola teo am-bavany izany tenim-piadanana izany. Ary rehefa noraisin' ny anjely Izy, dia mbola reny nanakoako indray ilay teniny hoe. «Ary indro, Izaho momba anareo mandrakariva ambarapahatongan' ny fahataperan' izao tontolo izao 1 Mat.28:33..» Niakatra any an-danitra nanana ny endrik' olombelona Izy. Fantatr' izy ireo fa teo anoloan' ny seza fiandrianan' Andriamanitra Izy, nefa mbola Sakaiza sy Mpamonjy azy ihany fantany fa tsy miova ny fitiavany fantany fa mbola mitovy amin' ny zanak' olombelona zoim-pahoriana Izy. **Nanolotra ny vidin' ny ra soany teo anatrehan' Andriamanitra Izy, ka nampiseho ny tñany sy ny tongony misy holatra, mba ho fahatsiarovana ny vidin' izay efa nataony ho an' ny olona navotany.** Fantany fa efa niakatra any an-danitra Izy, hanamboatra fitoerana ho azy ary ho avy indray, ka handray azy ho any aminy. NK 66.1

Rehefa nivory izy taorian'ny niakarany, dia naniry fatratra hanolotra ny fangatahany amin' Andriamanitra amin' ny anaran' i Jesosy. Niondrika amin' ny tahotra masina izy, raha nivavaka ka nanonona ilay fanomezan-toky hoe : «Na inona na inona hangatahinareo amin ny Ray, dia homeny anareo amin' ny anarako izany. Mandraka ankehitriny dia tsy mbola nangataka na inona na inona tamin' ny anarako hianareo mangataha, dia 'hahazo hianareo, mba ho tanteraka ny fifalianareo 1Jao. 16:23,24 ;.» Natsotrany niakatra niakatra ihany ny tanam-pinoany, niaraka tamin' ilay teny tsy azo lavina hoe : «Kristy Jesosy no efa maty, eny, sady nitsangana tamin' ny maty koa, ka mitoetra eo amin' ny tñana an-kavanan' Andriamanitra, ary mifona ho antsika Rom. 8:31.» Tamin' ny andro Pentekosta no nahazoany ny Mpananatra, dia Ilay nolazain' i Kristy hoe : «ho ao anatinareo». Dia mbola nampiany indray koa hoe : Mahatsara anareo ny fialàko fa raha tsy hiala Aho, dia tsy ho avy aty

aminareo ny Mpananatra fa raha handeha Aho, dia hirahiko ho aty aminareo Izy Jao. 14:17 ;.” Koa amin’izany dia mitoetra lalandava ao am-pon’ ny zanany Kristy. Ny firaisany aminy dia lalindalina kokoa noho ny fony Izy niaraka taminy, raha mbola nitafy nofo. Ny fahazavana sy ny fitiavana ary ny herin’ i Kristy monina ao am-pony, dia mampirapiratra avy ao aminy, ka izay mijery dia «gaga....ary fantany tsara fa efa niaraka tamin’ i Jesosy izy 4Asa. 3:13 ;.” NK 66.2

Izay rehetra nataon’ i Kristy ho an’ ny mpianany fahiny, dia tiany hatao amin’ ny zanany koa ankehitriny, satria tamin’ ilay fivavahana farany niarahany nanao tamin’ ireo mpianany nanodidina Azy, dia hoy Izy hoe : «Tsy ho an’ ireto ihany no angatahiko, fa ho an’ izay mino Ahy koa noho ny teniny 5Jao. 17:20 ;.” NK 67.1

Nivavaka ho antsika Jesosy, ary nangatahiny mba ho iray aminy isika toy ny maha-iray Azy amin’ ny Ray. Firaisana manao ahoana re izany! Hoy ny Mpamonjy raha milaza ny tenany: «Ny Zanaka tsy mahazo manao na inona na inona ho Azy ny Ray mitoetra ato amiko no manao ny asa Jao.5:19.” Koa raha mitoetra ao am-pontsika Kristy, dia Izy no hiasa ao anatintsika, «na ny fikasana, na ny fanaovana hahatanteraka ny sitrapony 7Fil. 2:13.” Hiasa tahaka ny niasany isika, ary hampiseho hafanam-po tahaka ny Azy. Koa amin’ izany, noho ny fitiavana Azy sy noho ny fitoerana ao aminy, dia «hitombo amin’ ny zavatra rehetra ho amin’ Izay Loha, dia Kristy.» NK 67.

TOKO IX—NY ASA SY NY TOE PIAINANA

Andriamanitra no loharanon’ ny fiainana sy ny fahazavana ary ny fifaliana ho an’ izao tontolo izao. Mivoaka avy ao aminy ny fitahiany, ka mankany amin’ ny asan-tanany rehetra, tahaka ny fahazavana avy amin’ ny masoandro sy toy ny rano miboiboika avy amin’ ny loharano velona. Ary na aiza na aiza no misy fo itoeran’ ny ain’ Andriamanitra, ny olona izay manana izany tsy maintsy manana fitiavana sy fitahiana hitobaka amin’ ny hafa. NK 69.1

Ny hafalian’ny Mpamonjintsika dia ny manondrotra sy ny manavotra ny olombelona efa very. Izany no tsy nandalàny ny ainy, fa niaretany ny hazo fijaliana, ka tsy nitandroany henatra. Toy izany koa no ilofosan’ ny anjely, ka anaovany izay hahasambatra ny hafa. Izany no fifaliany. Izay heverin’ ny fo feno fitiavan-tena ho raharaha mahafa-baraka, dia ny fanompoana an’ izay fadiranovana sy ambany, na amin’ ny toetra na amin’ ny voninahitra, no ataon’ ny anjely tsy misy kilema ho tena raharaha. Ny toetry ny fitiavana feno fandavan-tena

nananan' i Kristy no toetra manenika ny lanitra sady tena votoatin' ny hasambarany. Izany no toetra tokony hananan'ny mpanaraka Azy sady asa tokony hataony. NK 69.2

Raha voarakitra ao am-po ny fitiavan'i Kristy dia ho tahaka ny fofomanitra tsy azo afenina izany. Ho tsaroan' izay rehetra mifanerasera amintsika ny heriny masina. Ny fanahin' i Kristy ao am-po dia tahaka ny loharano any an-efitra miboiboika hamelombelona ny manana aina rehetra ary hahatonga izay efa vononko faty mba hanandrana hisotro ny ranon' aina. NK 69.3

Ny fitiavana an' i Jesosy dia hiseho amin' ny faniriana hiasa tahaka ny nataony amin' ny hanandratana ny olombelona sy hanampiana azy amin' ny fahoriany. Izany dia hitarika antsika ho tia sy hangoraka ary hiara-miory amin' ny zava-boahary rehetra izay iadidian' ny Raintsika Izay any an-danitra. NK 69.4

Tsy dia fiainana niadana, na voatokana ho an' ny tenany samy irery ny fiainan' ny Mpamonjy tety ambonin' ny tany, fa nitozo niasa tamin-kafanampo sy tamim-pilozohana fatratra hamonjy ny olombelona. Hatreo amin' ny fihinanam-bilona, ka hatrany Kalvary dia nandeha tamin' ny lalan' ny fandavan-tena Izy, ka tsy nitady izay hialana amin' ny raharaha sarotra sy ny dia mahasasatra ary ny ahiahy sy ny asa mahareraka. Hoy Izy : «Ny Zanak' olona tsy tonga mba hotompoina, fa mba hanompo ka hanolotra ny ainy ho avotra hisolo ny maro 1Mat. 20:38..» Izany no zavadray loha voalohany indrindra nokendreny tamin' ny fiainany. Ny zavatra sisa rehetra dia faharoa avokoa. Ny manao ny sitrapon' Andriamanitra sy ny mahavita ny asany no hanin-kaniny sy rano sotroiny. Tsy mba nisy tao amin'ny raharahany ny ho antena sy ny fitiavan-tena. NK 69.5

Koa amin' izany izay isan' ny mandray ny fahasoavan' i Kristy dia tsy maintsy vonon-kiasa sy handàtena mba hahazoajonan' ireo navotany anjara amin' ny fanomezan'Andriamanitra. Hanao izay rehetra azony atao izy mba hahatonga izao tontolo izao ho tsaratsara kokoa, noho izy mitoetra eto aminy. Izany toe-panahy izany no tena vokatry ny fiovam-po marina. Raha vantany vao tonga ao amin' i Kristy ny olona dia mitranga ao am-pony ny faniriana hampahafantatra ny hafa, fa efa nahita sakaiza malala izy, dia Jesosy tsy azony hidiana ao am-po ny fahamarinana mahatonga famonjena sy fahamasinana. Tsy ho azontsika atao ny hangina, raha voatafy ny fahamarinan' ny Kristy isika ary feno fifaliana noho ny fanahiny ao am-potsika. Tsy amintsy hanan-javatra holazaina isika, rehefa nanandrana, ka nahita fa tsara Jehovah. Tahaka ny nataon' i Filipino, fony izy nahita ny Mpamonjy, no tsy maintsy hataontsika koa amin' ny olon-kafa hanatonany an' i Kristy, lrintsika haseho aminy ny

hatsaran' i Kristy sy ny hamarinan'ny fiainana ho avy. Hisy faniriana fatratra mba hizotra amin 'ny lâlana nodiavin' i Jesosy. Ilisy faniriana fatratra mba hahitan' ireo manodidina antsika an' Ilay «Zanak' Ondrin' Andriamanitra Izay manaisotra ny faholan' izao tontolo izao.» NK 70.1

Hahatonga soa ho an' ny tenantsika ny fikelezana aina hanasoa ny hafa. Izany no fikasan' Andriamanitra tamin' ny nanomezany antsika anjara mba hiasa amin' ny raharaham-panavotana. Efa nanome tombon-tsoa ny olombelona Izy mba ho tonga mpiombon-toetra aminy, ary rehefa izany dia hampiely ny fitahiana azo ho an' ny namana. Izany no voninahitra ambony indrindra sy fifaliana lehibe indrindra azon' Andriamanitra omena ny olombelona. Izay tonga mpanao asam-pitiavana toy izany dia akaikin' ny Mpanao azy indrindra. NK 70.2

Azon'Andriamanitra natao ho adidin' ny anjely masina amin' ny fanompoam-pitiavana ny iitoriana ny Filazantsara mbamin' ny asa rehetra. Azony natao ny nampiasa zavatra hafa hanatanteraka ny fikasany. Nefa noho ny fitiavany tsy voafetra, dia naleony nifidy antsika ho mpiara-miasa aminy sy Kristy ary ny anjely, mba hananantsika ny fitahiana sy ny fifaliana ary ny fison-drotana ara-panahy amin' izany fanompoana tsy mandala tena izany. NK 70.3

Ho tonga iray hevitra amin'i Kristy isika amin' ny fiarahantsika miory aminy. Ny asam-pandavan-tena rehetra amin'ny anasoavany ny hafa, dia manatanjaka ny fanahy miantra ao am-pon' ny mpanome, ka mampikambana azy mafimafy kokoa amin Ilay Mpanavotra izao tontolo izao, Izay «nanan-karena, nefa tonga nalahelo noho hianareo, mba hampanan-karena anareo ny alahelony». Ary ny anatanterahantsika toy izany ny fikasan' Andriamanitra tamin' ny namoronany antsika no mampahatonga fiainana ho fitahiana ho antsika. NK 71.1

Raha mikasa hiasa toy izay heverin' i Kristy hataon' ny mpianany hianao ary hahazo fanahin' olona ho Azy, dia ho tsaroanao fa mila fahazarana lalindalina kokoa sy fahalalana bebe kokoa ny amin' ny zava-masina hianao ary ho noana sy mangetaheta fahamarinana. Hitaraina amin' Andriamanitra hianao, dia hohatanjahina ny finoanao, ary higoka bebe kokoa amin' ny loharanom-pamonjena ny fanahinao. Ny zava-manjo sy ny fizahan-toetra dia hanesika anao hamaky ny Baiboly sy hivavaka. Dia hitombo amin' ny fahasoavana sy ny fahalalana an' i Kristy hianao ary hampiseho fandrosoana tsara. NK 71.2

Ny fanaovana raharaha amim-pandavan-tena ho an' ny hafa, dia mahatonga ny toe-panahy ho lalina sy matotra ary mitarika ny fitiavan' i Kristy hanasoa ny toetra, ka dia miteraka

fiadanana sy fahafinaretana ho an' ny olona izay manao izany. Ho tonga ambony ny faniriana, ka tsy hisy azon' ny fahalainana sy ny fitiavan-tena hidirana. Izay mampiasa ny fiainana Kristiana toy izany dia hitombo ary hihamatanjaka amin' ny asan' Andriamanitra. Hanana fahazavan-tsaina sy finoana mafy orina ary hery mitombo amin'ny fivavahana. Hetsehin' ny fanahin' Andriamanitra izy, ka tonga manana firaisana masina amin'ny fanahiny noho ny fitaomany azy. Izay manolo-tena hikely aina toy izany hanasoa ny hafa no tena miasa marina tokoa hahatanteraka ny famonjena ny tenany NK 71.3

Ny lalan-tokana itomboana amin' ny fahasoavana dia ny hanao amim-pandavan-tena ny asa napetrak' i Kristy amintsika — hiezaka araka izay azontsika atao hanampy sy hanasoa an' izay mila fanampiana amintsika. Avy amin' ny fampiasan-tena no mahatonga ny hery ary ny fihetsiketsehana no votoatin' ny aina. Izay olona miezaka hahazo fiainana kristiana, satria mandray fitahiana noho ny fahasoavana, nefa tsy mety manao na inona na inona ho an'i Kristy, dia olona velon-kihinana, fa tsy velonkiasa. Mahatonga faharatsiana sy fahasimbana mandrakariva izany, na ara-panahy. na ara-nofo. Ny olona tsy mety mampiasa ny tongotra aman-tanany, dia tsy hanan-kery ho enti-mampiasa azy intsony rehefa afaka vetivety foana. Toy izany koa ny Kristiana izay tsy mety mampiasa ny hery nomen Andriamanitra azy, dia sady tsy hitombo ao amin i Kristy izy, no ho very koa ny hery efa nananany. NK 71.4

Fiasan' Andriamanitra voatendry ho famonjena ny olombelona ny Fiangonan' i Kristy. Ary ny raharahany dia ny hitondra ny Filazantsara ho an' izao tontolo izao. Ary ny Kristiana rehetra no iankinan' ny adidy amin' izany. Isam-batan' olona tsy maintsy manatanteraka ny hafatr' i Kristy araka ny talentany avy. Mahatonga antsika ho mpitrosa amin' izay rehetra tsy mbola mahalala an' i Kristy ny fitiavany efa nampahafantariny antsika. Andriamanitra efa nanome antsika fahazavana, tsy ho an' ny tenantsika ihany, fa mba hanitaratsika amin' ny hafa koa. NK 72.1

Raha mba mahefa tsara ny adidiny ny mpanaraka an' i Kristy dia hisy arivoarivo, any amin' izay tsy misy afa-tsy iray ankehitriny, no hitory ny Filazantsara amin' ny mpanompo sampy. Ary izay rehetra tsy afaka hiasa amin' izany kosa ny tenany dia hanohana amin' ny ananany sy ny heviny ary ny fivavahany. Ary dia hisy asa be atao amin-kafanam-po ho famonjena fanahin'olona ao amin' ny tany Kristiana. NK 72.2

Tsy ilaina ny hankanesantsika any amin' ny tany maizina, na ny handao ny fonenantsika hiasa ho an' i Kristy, raha tahiny ao amin' izay itoerantsika ihany no misy ny adidintsika. Azontsika

atao izany ao amin' ny ankohonantsika, ao amin' ny fiangoantsika ary amin' izay mifanerasera sy miara-miasa amintsika. NK 72.3

Ny ankabeazan' ny andron' ny Mpamonjy antsika dia nolaniny tamin' ny asa amim-paharetana tao an-trano fandrafetana tany Nazareta. Nanjohy ny Tompon' ny aina ny anjely mpanompo, fony Izy niara-nandeha tamin' ireo tambanivohitra sy mpiasa tsy nisy mpahalala sady tsy enin-kaja. Tahaka ny nanatanterahany ny asany dia ny nanaovany ny raharahany ambany, tamin' ny toetra mahatoky no nataony tamin' ny nanasitranany ny marary, na nitsangatsanganany teny ambonin' ny alon-drano misamboaravoara amin' ny Ranomasin' i Galilia. Koa dia toy izany koa, mahazo miara mandeha sy miara-miasa amin' i Jesosy isika, na dia amin' izay raharaha sy toerana ambany indrindra aza. NK 72.4

Hoy ny Apostoly hoe : «Aoka ny olona rehetra samy hitoetra amin' Andriamanitra ao amin' izay niantsoana azy avy 11 Kor. 7:24» Ny olona mpiasa dia mahazo mampandroso ny raharahany amin' izay hahabe voninahitra ny Tompony, noho ny fananany toetra mahatoky. Izay tena mpanaraka an' i Kristy tokoa dia hitondra eny amin' izay rehetra ataony ny maha-mpivavaka azy ary haneho amin' ny olona rehetra ny fanahin' i Kristy. Mety ho tonga solontena mazoto sady mahatoky an' Ilay niasa tamim-pahantrana tany amin' ny havoanan' i Galalia ny mpiasa. Tokony hiasa izay rehetra manonona ny anaran' i Kristy, ka ny fahitan' ny olona ny asa ataony no hahatarika azy hankalaza an' Ilay Mpamorona sady Mpanavotra azy.

Maro ny olona efa niala tsiny fatratra, ka nilaza ny tsy fahampian' ny ataony, raha nanolotra ny fanomezany ho entimanompo an' i Kristy, satria tsy toy ny olona sasany manana harena sy tombon-tsoa betsaka izy. Mandroso ny fiheverana fa izay manana talenta be ihany no ilaina hanolotra ny fahaizany ho enti-manompo an' Andriamanitra. Ataon' ny maro fa ny talenta dia omena ny antokon' olona voafidy ihany, fa ny sasany kosa avahana, satria tsy voantso hanana anjara, na amin' ny asa, na amin' ny valy soa. Nefa tsy izany no aseho ao amin' ny fanoharana. Rehefa nantsoin' ny tompon-trano ny mpanompony dia samy nomeny ny anjara raharahany avy izy. NK 73.1

Na dia ny adidy ambany indrindra aza, dia ho azontsika efaina «tahaka ny ho an' ny Tompo 1Kolos.3:23.,» raha manam-pitiavana isika. Raha ao am-po ny fitiavana an' Andriamanitra, dia hiseho amin' ny toe-piainana izany. Hanodidina antsika ny hanitr' i Kristy, ka hahatonga fanandratana sy fitahiana ny herintsika. NK 73.2

Tsy tokony hiandry fotoana lehibe, na hanantena fahaizana mihoapampana hianao vao handeha hiasa ho an' Andriamanitra. Tsy tokony ho eritreretinao akory ny amin' izay hiheveran' izao tontolo izao anao. Raha ny toe-piainanao an-davan' andro no vavolombelon' ny hatsarana sy hamarinan' ny finoanao ary fantatry ny olona fa ta-hanasoa azy tokoa hianao dia tsy ho foana tsy akory ny fikelezanao aina. NK 73.3

Na dia izay ambany sy mahantra indrindra amin' ny mpianatr' i Jesosy aza, dia mety ho fitahiana amin' ny hafa. Angamba tsy fantany fa manao asa soa lehibe izy, nefa noho ny heriny tsy ampoizina dia indro izy manomboka alon-dranom-pitahiana izay mitatra sy mihalalina ary ny voka-tsoa angamba tsy ho fantany akory ambara-pahatongan' ny andro famaliana amin' ny farany. Tsy tsaroany sady tsy fantany fa manao zava-dehibe izy. Tsy ilaina akory izy ho be raharaha ny amin' ny fahalavorariana. Tsy maintsy mandroso fotsiny amim-pahanginana ary manao amim-pahamarinana ny asa voatendrin' Andriamanitra ary dia tsy ho foana ny fahavelomany eto ambonin' ny tany. Ny fanahiny mitombo lalandava ho tahaka an' i Kristy mpiara-miasa amin' Andriamanitra izy eto amin' ity fiainana ity ka noho izany dia mendrika ho amin' ny asa ambony kokoa sy ny fifaliana tsy arahin-tsento izy any amin' ny fiainana ho avy. NK 73.4

TOKO X—FAHALALANA AN' ANDRIAMANITRA

Maro ny fomba izay entin' Andriamanitra hampahalala antsika ny tenany sy hampiray antsika aminy. Mitory amin' ny saintsika tsy an-kijanona ny zava-boahary. Handairàn' ny fitiavana sy ny voninahitr' Andriamanitra araka izay asehon' ny asan' ny tàmany ny fo tsotra. Hahare sady hahafantatra ny feon' Andriamanitra amin' ny alàlan' ny zava-boahary ny sofina mihaino. Ny lohasaha maitso mavana, ny hazo mijoalajoala, ny tsimoka sy ny voninkazo, ny rahona manadio, ny orana milatsaka, ny renirano migororoana, ny voninahitry ny habakabaka. dia mitory amin'ny fontsika sady mitaona antsika mba hahalala an' Ilay nanao azy rehetra. Ny zava-boahary no namehezan' ny Mpamonjintsika ny fampianarana tsy misy toa azy nataony. Ny hazo, ny vorona, ny voninkazo eny an-dohasaha, ny havoana, ny farihy ary ny habakabaka tsara tarehy, mbamin' ny zava-miseho sy manodidina amin' ny fiampianana andavan' andro dia voaompana avokoa amin' ny tenin' ny fahamarinana mba hahatsiarovana matetika ny fampianarany, na dia ao anatin' ny fahasahiranana' ny olona be raharaha aza. NK 77.2

Tian'Andriamanitra raha ny zanany rehetra no hankasitraka ny asany, ka hifaly amin' ny hatsaran-tarehy tsotra sady milamina, izay nentiny nandravaka ity tany onenantsika ity.

Mpitia ny tsara tarehy Izy, ary tia ny tsara tarehy ara-panahy, mihoatra noho izay rehetra maderana ivelany fotsiny. Tiany raha isika no manolokolo ny fahadiovana, ny fahatsorana ary ny fahasoavana milamina ananan' ny voninkazo. NK 77.3

Raha mba mety mihaino isika, dia hampianatra antsika lesona tsy misy toa azy ny amin' ny fankatoavana sy fahatokiana ny asan-tànan' Andriamanitra. Hatramin' ny kintana izay mizotra amin' ny lalana voatendry mandritry ny taona alinalina mamakivaky ny habakabaka, ka hatramin' ny *atome**Zavatra kitika indrindra tsy azo zaraina intsony. kitika indrindra. dia samy manoa ny sitrapon' Ilay Mpamorona azy. Miahay sy mamelona ny zavatra rehetra izay noforoniny Andriamanitra. Ilay mitana izao tontolo izao amin' ny habakabaka dia mikarakara koa, na dia izay ilain' ny tsikirity Kely izay mihira tsy amin-tahotra ny hirany feno fanetren-tena aza. Raha mivoaka hiasa ny olona, na revo eo am-pivavahana raha matory amin' ny alina izy, na mifoha amin' ny maraina raha manao fanasana ao amin' ny tranobe soany ny mpanankarena, na managona ny zanany hitangorona eo amin' ny hanina kely am-bilombazana ny olo-mahantra, — **Andriamanitra Ray kosa dia samy miaro amim-pitiavana azy rehetra. Tsy misy ranomaso latsaka, ka tsy hitan' Andriamanitra. Tsy misy hehy ka tsy voadininy.** NK 77.4

Raha mba tena mino izany marina tokoa isika, dia ho levona ny fanahiam-poana rehetra. Ny fiainantsika tsy ho feno fahadisoam-panantenana, toy izao ankehitriny izao, fa ny zavatra rehetra. na lehibe na kely, dia hapetraka avokoa eo am-pelatànan' Ilay Andriamanitra Izay tsy mba sahirana noho ny habetsahan' ny ahiahy, na ho resin' ny havesaran' izany. Ka dia tokony hanana fiononam-po izay tsy fantatry ny maro hatramin'ny ela isika. NK 78.1

Raha mifaly amin' ny hatsaran-tarehy marevaka eto an-tany ny saintsika, dia mba saino ny zavatra ho avy izay tsy hahalalana velively akory ny loza vokatry ny ota sy ny fahafatesana, dia any amin' izay tsy itafian' ny zava-boahary intsony ny aloky ny ozona. **Alao sary an' eritreritra ny fonenan' ny voavonjy, ary tsarovy fa ho be voninahitra lavitra noho izay azon' ny eritreritrao saintsainina izany. Amin' ny fanomezam-pahasoavan' Andriamanitra samy hafa ao amin' ny zava-boahary, dia ny famirapiratan' ny voninahiny mameloveloko kely indrindra no hitantsika,** araka ny voasoratra hoe : **«Izay tsy mbola hitan' ny maso ary tsy mbola ren' ny sofina na niditra tao am-pon' ny olona, na inona na inona. no efa namboarin' Andriamanitra ho an' izay tia Azy 11 Kor.2:9».** NK 78.2

Manam-be holazaina ny amin' ny zava-boahary ny poete sy ny naturaliste (mpandinika ny zava-boahary), nefa ny Kristiana ihany no mifaly indrindra amin' ny hatsaran-tarehin' ny tany, satria mahatsiaro ny asan-tànan' ny Rainy, ka mahita ny fitiavany eny amin' ny voninkazo sy ny kirihitr' ala ary ny hazo. **Tsy misy olona tena hahay mifaly amin' ny hatsaran' ny havoana sy ny lohasaha ary amin' ny ony sy ny ranomasina, afa-tsy izay mihevitra azy ho vavolombelon' ny fitiavan' Andriamanitra ny olombelona.** NK 78.3

Andriamanitra dia miteny amintsika amin' ny alàlan' ny fitondrana ataony, sy amin' ny alàlan' ny Fanahy Masina ao am-po. Mety hahita lesona mahafinaritra isika amin' ny zavamiseho sy mihatra amintsika, ary amin' ny fiovaovana miseho isan' andro manodidina antsika, raha mba misokatra handray azy ny fontsika. Hoy ny mpanao Salamo raha milaza ny fitondran' Andriamanitra : NK 78.4

«Henika ny famindrampon' i Jehovah ny tany 2Sal.33:5.» NK 78.5

«Izay hendry dia aoka hahafantatra izany,

Ka hahalala ny famindrampon' i Jehovah 1Sal.107:13 ;.» NK 79.1

Miteny amintsika amin' ny Teniny Andriamanitra. Amin' izany no ananantsika fanambarana mazava kokoa ny toetrany sy ny firaharahany amin' ny olombelona ary ny asam-panavotana lehibe. Ao koa no aseho amintsika miharihary, ny tantaran' ny Patriarka, sy ny mpaminany, ary ny olo-masina fahiny. **Lazaina fa izy ireny «dia olona tahaka antsika ihany 2Jak. 5:17 ;.» Fantantsika ny nitolomany tamin' ny fahakiviana, tahaka antsika sy ny nahalavoany tamin' ny fakam-panahy, toy ny nahavao antsika, kanefa niha-matoky indray, ka nandresy tamin' ny alàlan' ny fahasoavan' Andriamanitra. Ary amin' ny fahitana izany no mamporisika antsika hiezaka hanatratra ny fahamarinana.** Raha mamaky ny tombon-tsoa nomena azy isika, dia ny amin' ny fahazavana, ny fitiavana sy ny fitahiana nifaliany ary ny asa nataony tamin' ny alàlan' **ny fahasoavana nomena azy sy ny fanahy izay nanetsika azy, dia hampirehitra faniriana masina ao am-pontsika, sy faniriana ho tahaka azy amin' ny toetra, — ho tahaka azy amin' ny fiaraha-mandeha amin' Andriamanitra.** NK 79.2

Marina ny filazan' i Jesosy ny Soratra Masina amin' ny Testamenta Taloha, ary mainka marina noho izany aza ny filazany ao amin' ny Testamenta Vaovao hoe : «Ireny no manambara Ahy 3Jao. 5:39 ;.» Ilay Mpanavotra, Izay iorenan' ny fanantenantsika ny amin' ny fiainana mandrakizay. Eny, milaza an' i Kristy ny Baiboly manontolo. Hatramin' ny tantara

voalohany milaza ny namoronana izao tontolo izao, manao hoe : «raha tsy Izy dia tsy nisy nahariana izao zavatra ary izao, na dia iray aza,» ka hatramin' ny teny fikasana farany hoe : «Indro avy faingana Aho, 4Apok. 22:12 ;» dia mamaky ny amin' ny asany sy mandre ny feony isika. Koa raha ta-hahalala ny Mpamonjy hianao dia ianaro ny Soratra Masina. NK 79.3

Fenoy ny tenin' Andriamanitra ny fo rehetra. **Rano velona mahafaka ny hetahetanao mirehitra izy. Mofon' aina avy any an-danitra izy.** Hoy Jesosy hoe : «Raha tsy mihinana ny nofon' ny Zanak' olona sy misotro ny rany hianareo, dia tsy manana fiainana ao aminareo.» Hoy koa Izy, raha nilaza ny tenany; **«Ny teny izay nolazaiko taminareo dia fanahy sy fiainana Jao. 6:53,63;»** Ny tenantsika dia velomin' ny zavatra hanintsika sy sotointsika ary mba toy izany araky ny nofo izany koa ny ara-panahy, fa izay eritreretintsika no mahatonga tanjaka sy hery, ho an' ny fanahintsika. NK 79.4

Ny foto-kevitra ny amin' ny fanavotana no zavatra tian' ny anjely hodinihina. Izany no ho science sy tonon-kiran' ny voavotra mandrakizay doria doria. Ka moa tsy mendrika ny hoheverina tsara sy hodinihina fatratra va izany izao? Ny famindram-po sy ny fitiavan' i Jesosy tsy voafetra ary ny fanalamboady nataony ho antsika, dia tokony ho eritreretina lalina dia lalina. Tokony ho ao an-tsaintsika ny toetry ny Mpanavotra sady Mpisolo malalantsika. Tokony ho eritreretintsika ny raharahan' Ilay tonga hamonjy ny olony amin' ny fahotany. Áry raha misaintsaina ny zavatra ny lanitra toy izany isika, dia hihamatanjaka ny finoantsika sy ny fitiavantsika, ary hitombo ny fankasitran' Andriamanitra ny fivavahantsika, satria mitombo ny fifangaroany amin' ny finoana sy ny fitiavana. **Ho tonga mahatsinjo ny lavitra sady ho mafana ny fivavahantsika.** Hisy fitokiana an' i Jesosy maharitra lalandava kokoa sy fahazoana am-po isan' andro ny heriny hamonjy hatramin'ny farany indrindra izay manatona an' Andriamanitra amin' ny alàlany. NK 79.5

Raha mieritreritra ny fahatanterahan' ny Mpamonjy isika, dia maniry mba hovana tanteraka ary hohavaozina araka ny endriky ny fahadiovany. Hisy hanoanana sy hetahetam-panahy, mba ho tonga tahaka Azy Izay ankalazaintsika. Arakaraka ny habetsahan' ny isaintsainantsika an' i Kristy no habetsahan' ny ilazantsika Azy amin' ny olon-kafa sy amimpisehoantsika Azy amin' izao tontolo izao. NK 80.1

Tsy nosoratana ho an' ny olo-mahay ihany ny Baiboly, fa nokasaina ho an' ny an-kabeazam-bahoaka koa. Ny zava-dehibe tsy maintsy ilaina amin' ny famonjena dia natao miharihary toy

ny mitataovovonana, ary tsy hisy ho diso afa-tsy izay manaraka ny hevitra ny tenany ihany, fa tsy ny sitrapon' Andriamanitra voambara mazava ao amin' ny teniny. NK 80.2

Tsy tokony handray ny fanambaran' olona, na iza na iza, ny amin' izay ampianarin' ny Soratra Masina isika, fa ny tenantsika no tokony handinika ny tenin' Andriamanitra. Raha ny olon-kafa no avelantsika hihevitra ho antsika, dia ho mikolepaka ny hafanampontsika, ary ho botry ny fahaizantsika. Ny herintsaina ambony dia tonga hetry, noho ny tsy fampiasana azy amin' ny zavatra mendrika hihandinany, ka very ny fahaizany handray hevi-dalina ao amin' ny tenin' Andriamanitra. Miamalalaka ny saina raha ampiasaina amin' ny fikarohana ny firaisan' ny foto-kevitra ao amin' ny Baiboly, ka mampitaha ny soratra amin' ny soratra ary ny momba ny fanahy amin' ny fanahy. NK 80.3

Tsy misy zavatra azo heverina ho manatanjaka ny saina kokoa mihoatra noho ny mandinika ny Soratra Masina. Tsy misy boky hafa manan-kery hanandratra ny eritreritra sy hanatanjaka ny toe-tsaina tahaka ny fahamarinan' ny Baiboly izay malalaka sady mahaso. Raha ny tenin' Andriamanitra no dinihina araka izay tokony handinihina azy, dia hanana saina malalaka sy toetra ambony ary faharetana izay tsy hita afa-tsy indraindray foana amin' izao andro izao. NK 80.4

Nefa raha atao an-kamehana ny famakiana ny Soratra Masina, dia kely foana ny soa amin' izany. Angamba misy olona mahavaky ny Baiboly tapitra, nefa tsy mahita ny hatsaràny, na mahalala ny heviny lalina sady mifafina. Andininy anankiray dinihina ambara-pahazo tsara ny heviny, sy ambara-pahazava ny ikambanany amin' ny plan' ny famonjena dia mahaso, noho ny mamaky toko maro tsy misy antony voafetra kendrena, na fahalalana azo ho enti-manao ny tsara. Aza avela hisaraka aminao ny Baibolinao. Mamakia azy isaky ny misy fotoana kely ahafahanao. Mahazo mamaky andininy iray hianao, na dia mandeha eny an-dalambe aza, dia eritrereto izay ho tafalentika ao an-tsainao. NK 81.1

Tsy hahazo fahendrena isika, raha tsy mikendry fatratra sy mandinika amim-pivavahana. Tsotra ny teny sasany ao amin' ny Soratra Masina, ka mora azo, fa ny sasany kosa lalina, ka tsy mety ho azo avy hatrany. Tsy maintsy ampifampitahaina ny teny ao amin' ny Soratra Masina. Tsy maintsy misy fikarohana lalina sy fiheverana fatratra arahim-bavaka amin' ny anaovana izany. Hisy voka-tsoa lehibe ny fandinihana toy izany. Toy ny mpamaky vato mahita tsoriam-batosoa raha mihady tany, no hahitan' izay mikaroka amim-paharetana ny Tenin' Andriamanitra, ho toy ny rakitra mifafina, ka hahita ny fahamarinana ambony vidy

indrindra, izay miafina eo imason' ny mpitady manao an-kambo ny tenin' ny Soratra Masina eritreretina ao am-po, dia toy ny ony mivoaka avy ao amin' ny loharanon' aina. NK 81.2

Aza mba mandinika ny Baiboly, na oviana na oviana, raha tsy mivavaka. Alohan' ny hanokafana azy dia tokony hangataka ny fanazavan' ny Fanahy Masina, ary dia ho azo izany. Rehefa tonga teo amin' i Jesosy Natanaela, dia hoy Izy : «Indro ny tena Isarelita tsy misy fitaka. Hoy Natanaela taminy : Ahoana no ahafantranao ahy ? Dia namaly Jesosy, ka nanao taminy hoe : Fony tsy mbola niantso anao Filipino. dia hitako teo ambanin' ny aviavy hianao 1Jao.1:47,48. », Tsinjon' i Jesosy koa isika eo amin' ny toerana mangina ivavahantsika, raha mangataka fahazavan-tsaina aminy, mba hahalalantsika ny marina, Homba izay mitady fitarihandàlana masina amin' ny fo feno fanetren-tena ny anjely avy any amin' ny fonenan' ny mazava. NK 81.3

Manandratra sy manome voninahitra ny Mpamonjy ny Fanahy Masina. Ny raharahany dia ny mampiseho an' i Kristy sy ny hadiovan' ny fahamarinany ary ny famonjena lehibe ananantsika amin' ny alàlany. Hoy Jesosy hoe «Handray avy amin' ny Ahy Izy, ka hanambara izany aminareo 1Jao.16:14.» Ny Fanahin' ny fahamarinana no hany Mpampianatra mahay manoro ny fahamarinan' Andriamanitra. Endrey ny fahambonian' ny fiheveran' Andriamanitra ny zanak' olombelona, fa nomeny ny Zanany ho faty hisolo azy, ary notendreny ny Fanahiny ho Mpampianatra sy ho Mpitari-dàlana azy lalandava ! NK 81.4

TOKO XI—NY TOMBON-TSOA AZO AVY AMIN' NY FIVAVAHANA

Amin' ny alalan' ny zava-boahary sy ny fanambarany tena amin' ny fitondrany ary amin' ny asan' ny Fanahiny no itenenan Andriamanitra. Tsy ampy anefa izany, tsy maintsy mandoatra ny ao am-pontsika eo anatrehany koa isika. Tsy maintsy manana firaisana tanteraka amin' ny Raintsika Izay any an-danitra isika, mba hananantsika aim-panahy sy herim-po. Mety ho voatarika any aminy ny saintsika mety ho mieritreritrana ny amin' ny asany sy ny famindrampony ary ny fitahiany isika, nefa tsy izany no firaisana aminy, raha ny tena marina no holazaina. Raha te-hhiray amin' Andriamanitra isika, dia tsy maintsy manan-javatra holazaina aminy ny amin' ny toe-piainantsika. NK 85.1

Ny fivavahana dia famborahana ny fo amin' Andriamanitra, toy ny amin' ny sakaiza. Tsy maintsy atao izany, tsy noho ny mba hampahanfantatra an' Andriamanitra ny toetsika fa ny mba hampahay antsika handray Azy. Ny fivavahana dia tsy mampidina an' Andriamanitra ho aty amintsika, fa mampakatra antsika ho any aminy kosa. NK 85.2

Nampianatra ny mpianany hivavaka Jesosy fony tety ambonin' ny tany. Nanoro azy Izy mba hampiseho amin' Andriamanitra izay ilainy isan' andro sy hametraka ny fanahiny rehetra ao aminy. Ary ny fanomezan-toky nataony taminy fa hohenoina ny fivavahany, dia fanomezan-toky ataony amintsika koa. NK 85.3

Matetika Jesosy no nivavaka, fony Izy niara-monina tamintsika olombelona. Ny Mpamonjintsika dia nanao ny tenany ho mitovy amintsika amin' ny ilaintsika sy ny fahalementsika tamin' Izy tonga mpiangavy sy mpitaraina mangataka fahatevaovao amin' ny Rainy mba hahatonga Azy ho vonona hanefa ny adidiny sy handresy ny fakam-panahy. Izy no marika alainfsika tahaka amin' ny zavatra rehetra. Rahalahy Izy amin' ny fahalementsika fa, «nalaim-panahy tahaka antsika tamin' ny zavatra rehetra,» nefa tsy lavo tamin' ny rátsy Izy, satria tsy nanana ota niaritra ny ády sy ny fijaham-panahy teto amin' izao tontolo izao feno ota Izy. Ny toetra maha-olombelona Azy nahatonga ny fivavahana ho zavatra tsy maintsy atao sady tombon-tosa taminy. Nahita fahafinaretana sy fifaliana Izy tamin' ny fidiniany tamin' ny Rainy. Ary raha Ilay Mpamonjy ny olombelona, Ilay Zanak' Andriamanitra! aza nahátsiaro fa mila fivavahana, mainka fa isika mpanota malemy, mety maty dia tokony háhatsiaro fa tsy maintsy ilaina ny fivavahana lalandava amin-kafanam-po- NK 85.4

Miandry hanome antsika ny fahafenoan'ny fitahiany ny Raintsika Izay any an-danitra. Tombon-tsoa ho antsika ny higoka amin' ny loharanon' ny fitiavana tsy hita lany. Mahagaga loatra nv hakelin' ny ivavahanlsika ! Andriamanitra dia vonona sady mankasitraka hihaino ny fivavahana marina ataon' ny zanany, na dia izay mahantra indrindra aza, nefa na izany aza, dia tsy marisika ny hilaza ny mahory antsika amin Andriamanitra isika. Mba ahoana re no hevitra ny anjely any an-danitra ny amin' ny olombelona mahantra tsy manan-kery sady alaimpanahy, raha mangoraka azy ny fon' Andriamanitra feno fitiavana tsy voafetra sady vonona hanome azy mihoatra noho izay hainy angatahina, na heverina, nefa kely fangataka sady kely finoana ? Te-hiankohoka eo anatrehan' Andriamanitra ny anjely; te-ho akaiky Azy izy. Ny fidiniana amin' Andriamanitra no heveriny ho fifaliany ambony indrindra, nefa ny olombelona teraky ny tany izay mila fanampiana fatratra izay tsy hain' iza na iza omena afa-

tsy Andriamanitra ihany dia toa afa-po mandeha mamaky ity “fiainana ity, tsy manana ny hazavan’ ny Fanahiny sady tsy miaraka aminy ? NK 86.1

Manarona an’ izay malaina hiivavaka ny fahamarinan’ ilay ratsy. Ny fakampanahy bitsihin’ ny devoly ao am-pony no mitaona azy hanota, ary tsy inona no mahatonga izany, fa noho ny tsy fampiasany ny tombon-tsoa nomen’ Andriamanitra azy amin’ ny fivavahana. Nahoana ny zanaka lahy sy zanaka vavin’ Andriamanitra no tsy mety mivavaka, **nefa ny fivavahana no fanalahidy eo an-tanan’ ny finoana hamohana ny trano fitehirizan’ ny lanitra izay iraketana ny herin’ ny Tsitoha tsy hita lany**. Raha tsy mivavaka mandrakariva sy miambina amimpahazotoana isika dia atahorana ho tonga tsy mitandrana sy miala amin’ ny lalana marina. Ny fahavalo dia mitady lalandava hisakana ny lalana mankany amin’ ny fitoeram-pamindrampo, mba tsy hahazoantsika, amin’ ny fitarainana sy finoana, fahasoavana sy hery hanoherana ny fakam-panahy. NK 86.2

Misy toetra sasany izay ahazoantsika manantena fa hihaino sy hamaly ny fivavahantsika Andriamanitra. Ny anankiray isan’ izay voalohany indrindra amin’ izany dia ny fahatsiarovantsika hila fanampiana aminy. Hoy ny fikasana nataony : NK 86.3

**«Handatsaka rano amin’ izay mangetaheta Aho,
Ary riaka ho amin’ izay tany karankaina Isa.44:3..»** NK 86.4

Izay noana sy mangetaheta fahamarinana, izay maniry an’ Andriamanitra. dia mahazo matoky fa hovokisana. NK 86.5

Tsy maintsy vohana ny fo hiasan’ ny Fanahy Masina, fa raha tsy izany dia tsy ho azo raisina ny fitahian’ Andriamanitra. NK 86.6

Ny fisian’ ny zava-dehibe ilaintsika no teny tsy azo lavina sady tsara lahatra indrindra ahazoantsika sitraka. Nefa tsy maintsy mangataka ny Tompo isika hanao izany zavatra izany. **Hoy Izy: «Mangataha, dia homena hianareo Mat.7:7 ;.»** Ary koa : «Izay tsy niaro ny Zanani-lahy, fa natolony hamonjy antsika rehetra Izy, tsy homeny antsika maimaimpoana koa va ny zavatra rehetra 2Rom. 8:32 ; ?” NK 87.1

Raha mankasitraka ota ao am-pontsika isika, raha mifikitra amin’ ny fahotana fantatra, na inona na inona isika dia tsy hihaino antsika Jehovah fa ny fivavaky ny fo torotoro sy mangorakoraka no ankasitrahana mandrakariva. Rehefa voahitsy ny diso rehetra izay fantatra

dia mahazo mino isika fa hovalian' Andriamanitra ny fitarainantsika. Ny fahamendrehan' ny tenantsika fotsiny dia tsy hahazoantsika sitraka amin' Andriamanitra, na oviana na oviana ny nataon' i Jesosy ihany no hahavonjy antsika ary ny rany no hahadio antsika nefa misy asa hataontsika dia ny hampifanaraka ny toetsika amin' ny fahasoavana. NK 87.2

Ny toetra anankiray koa ananan' ny fivavahana manan-kery dia finoana. «Izay manatona an' Andriamanitra dia tsy maintsy mino fa misy Izy sady Mpamaly soa izay mazoto mitady Azy.3Heb. 11:6 ,” Hoy Jesosy tamin' ny mpianany : «Na inona na inona tononinareo amin' ny fivavahana sy angatahinareo, dia minoa fa efa nandray hianareo, dia ho azonareo izany Mar.11:24..” Ka moa mitana Azy amin' ny teniny va isika ? NK 87.3

Malalaka sady tsy voafetra ny fanomezan-toky ary mahatoky Izy Izay nanome toky. Na dia tsy ilay zavatra angatahantsika indrindra aza no raisintsika amin' ny fotoana angatahantsika dia mbola mino ihany isika, fa mihaino Jehovah ary hamaly ny fivavahantsika. Diso hevitra sady tsy mahatazan-davitra isika, ka indraindray mangataka zavatra tsy mahaso antsika, ary ny Raintsika Izay any an-danitra, noho ny fitiavany, dia mamaly ny fivavahantsika amin' ny anomezany antsika izay hahaso antsika indrindra, dia izay tokony hirin' ny tenantsika raha mba hazavain' ny Fanahy Masina ny saintsika, ka mahazo mahita ny zavatra renetra araka izay tena toetrany. Raha toa tsy mivaly ny fivavahantsika dia ho tokony nitana ny teny fikasana ihany isika, satria tsy maintsy ho tonga ny fotoana hamaliana azy ary horaisintsika ny fitahiana izay tena ilaintsika indrindra. Fahasahiana loatra ny mihevitra fa hovaliana mandrakariva araka ny roroana sy ny tarehy aniriansika azy indrindra ny fivavahana. Hendry loatra Andriamanitra, ka tsy mety ho diso ary tsara loatra, ka tsy mety mamihina ny tsara ho an' izay mandeha mahitsy. Koa dia aza matahotra hiankina aminy, na dia tsy hitanao miaraka amin' izay aza ny valin' ny fivavahana. Miantehera amin' ny fanomezan-toky nataony hoe: «Mangataha, dia homena hianareo 1Mat 7:7 ;.” NK 87.4

Raha mandray toro-hevitra avy amin' ny fisalasalana sy ny tahotsika isika, na mitady hanazava ny zavatra rehetra izay maizimaizina amintsika vao hino, dia hitombo sy hihalalina ny fahasahiranana. Nefa raha manatona an' Andriamanitra isika, ka mahatsiaro ny tenantsika ho tsy manan-kery, sady tsy mahaleo tena, dia araka ny tena toetsika tokoa ary amin' ny finoana mietry tena sady matoky no milaza izay ilaintsika aminy Izay manam.-pahalalana tsy voafetra, ka mahita sy manapaka ny zavatra ary rehetra amin' ny teniny sy ny sitrapony, dia Izy no mahay sady mety mihaino ny fitarainantsika, ka hamela ny mazava hamirapiratra ao am-pontsika. Amin' ny fivavahana marina no maha-tafaray antsika amin' ny sain' Ilay

Tsimanampetra. Mety tsy hisy famantarana lehibe miseho amintsika amin' ny fotoana iondrehan' ny tavan' ny Mpanavotra antsika eo ambonintsika amin' ny famindrampo sy ny fitiavana nefa izany mihitsy no izy. Mety tsy hotsaroantsika ny fikasihany antsika hita maso, nefa ny tãnany dia eo ambonintsika amim-pitiavana sy amim-pangorakorahana. NK 88.1

Raha tonga mangataka famindrampo sy fitahiana amin' Andriamanitra isika, dia tokony hanana toe-panahy tia sy mamela heloka ao am-pontsika. Ahoana no ahazoantsika mivavaka hoe : «Mamelà ny helokay, tahaka ny namelanay izay meloka taminay, Mat.6:12» nefa mbola manana fanahy tsy mety mamela heloka ? Raha manantena ny fivavahantsika hovaliana isika, dia tsy maintsy mamela ny heloky ny olona, araka ny toetra sy araka ny habetsahan' ny fanantenantsika hamelana ny helotsika. NK 88.2

Ny faharetana amin' ny fivavahana koa no toetra anankiray ahazoana valiny. Tsy maintsy mivavaka mandrakariva isika, raha te-hitombo amin ny finoana sy ny fahalalana. Tsy maintsy «maharitra amin' ny fivavahana isika, ary miambina amin' izany amin' ny fisaorana Rom. 12:12;Kolos.4:2.» Nananatra ny mpino Petera ka nanao hoe : «Hendre, ka mahonóna tena ho amin' ny fivavahana I Pet. 4:7 ;» Paoly nanoro hoe : «Aoka ny fivavahana sy ny fifonana mbamin' ny fisaorana no ho entinareo manambara ny fangatahanareo amin' Andriamanitra amin' ny zavatra rehetra Fil. 4:6..» Ary hoy Joda : NK 88.3

«Fa hianareo kosa, ry malala mivavaha ao amin' ny Fanahy Masina ary tehirizo ny tenanareo ao amin' ny fitiavan' Andriamanitra 1 Joda and,20,21.» Ny fivavahana tsy an-kijanona no firaisana tsy tapaka mampikambana ny fanahy amin' Andriamanitra, dia ho tonga ao amin' ny fiainantsika ny fiainana avy amin' Andriamanitra, ary hivoaka avy amin' ny fiainantsika kosa ho an' Andriamanitra ny fahadiovana sy fahamasinana. NK 88.4

Tsy maintsy ilàna fahazotoana koa ny fivavahana aoka tsy hisy na inona na inona hisakana anao amin' izany. Ataovy izay rehetra azo atao hampaharitra ny firaisan' ny fanahinao amin' i Jesosy. Hararaoty ny fotoana rehetra azonao hankanesana any amin' ny fitoerana anaovana fotoam-pivavahana. Izay tena mitady firaisana marina tokoa amin' Andriamanitra, dia izay mazoto amin' ny fotoam-pivavahana, sy azo itokiana amin' ny fanaovana ny adidiny ary mafana fo, sady maniry mba handray ny soa mety ho azo amin' izany. Hararaotiny ny fotoana rehetra, mba hahazoany mandray ny tãnam-pahazavana avy any an-danitra. NK 89.1

Tokony hisy fotoam-pivavahana ao amin' ny ankohonantsika, ary mihoatra noho izany, **tsy tokony hanadino ny fivavahana mangina isika, fa izany no ain' ny fanahy** — Tsy hety vanona ny fanahy, raha atao an-kambo ny fivavahana. Tsy ampy ny fivavahana ao amin' ny ankohonana, na ao amin' ny fivoriana ihany. **Ao amin' ny mangingina no aoka hamborahana ny fo eo anoloan' ny mason' Andriamanitra mandinika.** Ny fivavahana mangina dia tsy ren' iza na iza, afa-tsy Ilay Andriamanitra mpihaino vavaka ihany. Tsy misy sofina liana ta-handray ny fitarainana toy izany. Amin' ny fivavahana mangingina no ahafahan' ny fanahy amin' ny fanelingelenan' ny zavatra manodidina sy amin'ny fahataitairana. **Ho tafakatra ao amin' Andriamanitra ny fivavahana mangina atao amin-kafanam-po. Ho mamy sady ho maharitra ny hery mivoaka avy ao amin' ilay mahita ao amin' ny mangingina,** sady malady mihaino ny fivavahana miloatra avy ao am-po. Amin' ny finoana tony sady tsotra no iraisan' ny fanahy amin' Andriamanitra sy anangonany tãnam-pahazavana masina amin' ny tenany, hanatanjaka sy hanohana azy amin' ny adiny amin'i Satana. **Andriamanitra no tilikambo mafy ho antsika.** NK 89.2

Mivavaha ao amin' ny efi-tranonao ary raha mandeha ho any amin' ny raharahanao hianao, aoka hakarina any amin' Andriamanitra ny fonao. Toy izany no niarahan' i Enoka nandeha tamin' Andriamanitra. Miakatra toy ny fofomanitra, eo anoloan' ny seza fiandrianan' ny fahasoavana ireny fivavahana mangina ireny. Tsy azon' i Satana resena izay manana fo tsara antoka toy izany ao amin' Andriamanitra NK 89.3

Tsy misy fotoana na fitoerana izay tsy mendrika ny hampakarana fitarainana amin' Andriamanitra. Tsy misy na inona na inona mahazo misakana antsika tsy hanandratra ny fontsika amin' ny fivavahana mafana. Eny anaty vahoaka amin' ny arabe, ao afovoan' ny raharaha mifanjevo, dia azontsika atao ny mampakatra fitarainana amin' Andriamanitra, ary mangataka fitarihan-dàlana avy aminy, toy ny nataon' i Nehemia, raha nanao fangatahana teo anatrehan' i Artaksersesy mpanjaka. **Ny fitoerana mangina hanaovam-pivavahana dia mety ho hita, na aiza na aiza misy antsika. Tokony hivoaha lalandava ny varavaran' ny fontsika, ary angatahina Jesosy mba ho tonga honina sy ho tompon-trano ao.** NK 89.4

Na dia misy *atmosphère* maloto sady lo aza manodidina antsika, dia tsy tokony hifoka ny poizina ao aminy isika, fa mahazo miaina amin' ny rivotra madion' ny lanitra ihany. Azontsika arindrana ny varavarana rehetra, mba tsy hidiran' ny fisainana maloto sy ny eritreritia tsy masina, raha asandratra amin' ny fivavahana marina ny fanahy ho eo anatrehan' Andriamanitra. **Izay manana fo mivoaha handray ny fanampiana sy ny fitahian' Andriamanitra,**

dia handeha amin ny rivotra madio noho ny an' ny tany, ary hanana firaisana maharitra amin' ny lanitra. NK 90.1

Tokony hanana hevitra mazava kokoa ny amin' i Jesosy sy fahalalana feno kokoa ny amin' ny hatsaran' ny fiainana mandrakizay isika. Ny hatsaran-tarehin' ny fahamasinana dia tokony hameno ny fon' ny zanak' Andriamanitra, ary mba hahatanteraka izany, dia tokony hotadiavintsika izay hisehoan' ny zava-masina amintsika. NK 90.2

Aoka halefa hiakatra ny fanahy mba hahazoan' Andriamanitra mampiaina antsika amin' ny *atmosphere*-n' ny lanitra. Tokony hanakaiky an' Andriamanitra isika, mba hitodihan' ny saintsika any aminy, raha mamely tampoka ny fakampanahy, dia toy ny fitodiky ny voninkazo any amin' ny masoandro. NK 90.3

Ento eo anoloan' Andriamanitra ny ilainao, ny fifalianao, ny fahorianao, ny fanahianao, ny tahotrao. Tsy hahasasatra na hahavalaka Azy ny anaovanao izany. Tsy hanao tsinontsinona izay ilain' ny zanany Ilay mahay manisa ny volon-dohanao. «Miantra indrindra ny Tompo sady be famindrampo 1 Jak.5:11..» Ny fony feno fitiavana dia mangoraka noho ny fahoriantika, eny na dia noho ny filazantsika izany ihany aza. Ento any aminy ny zavatra rehetra manahirana ny saina. Tsy misy zavatra mavesatra loatra, ka tsy ho zakany, satria Izy no mitana izao tontolo izao, Izy no manapaka ny ranaraha rehetra amin' izao tontolo izao. Tsy misy, na inona na inona izay momba ny fiadanantsika no azo atao hoe kely loatra ka tsy ho hitany. Tsy misy tokoa ao amin' ny zavamihatra amintsika azo atao hoe maizina loatra, ka tsy ho voavakiny tsy misy zava-tsarotra manahirana loatra, ka tsy ho hainy hazavaina. Tsy misy loza mahazo mihatra na dia amin' izay kely indrindra amin' ny zanany aza, tsy misy tebiteby mampijaly ny fanahy, tsy misy fifaliana mahamiramirana, tsy misy fivavahana marina navoaky ny vava izay tsy voadiniky ny Raintsika Izy any an-danitra, na tsy nampaninona Azy. NK 90.4

«Mahasitrana ny torotoro fo Izy sy mamehy ny feriny 1Sal.147:3 ;.» NK 91.1

Ny firaisan' Andriamanitra sy ny fanahy tsirairay avy dia miharihary sady tanteraka, ka mahatonga ny fanahy hiaramiahy aminy eto ambonin' ny tany, nefa tsy hafa fa ilay fanahy nomeny ny Zanany malalany ihany. NK 91.2

Hoy Jesosy hoe : «Hangataka amin' ny anarako hianareo ary tsy milaza aminareo Aho fa Izaho no hangataka amin' ny Ray ho anarec fa ny Ray dia tia anareo.» «Izaho no nifidy

anareo mba homen' ny Ray anareo izay rehetra hangatehinareo amin' ny anarako na inona na inona 2Jao. 16:26,27; 15,6.” Nefa ny hoe mivavaka amin' i Jesosy dia mihoatra noho ny manonona fotsiny ny anarany amin' ny fiandohana sy ny fiafaran' ny fivavahana. Ny tena mivavaka amin' ny anaran' i Jesosy dia izay mivavaka araka ny toe-tsaina sy toe-panahin' i Jesosy, ka mino ny teniny sy matoky ny fahasoavany ary manao ny asany. NK 91.3

Andriamanitra tsy mihevitra antsika ho tonga mpitoetra manirery na mpitoka-monina, ka hiala amin' izao tontolo izao mba hanoitra ny tenantsika ho amiu' ny raharaham-pivavahana. Tsy maintsy ho tahaka an' i Kristy ny toe-piainantsika — dia eo anelanelan' ny tendrombohitra sy ny vahoaka. Izay tsy manao na inona na inona afa-tsy ny mivavaka, vetivety foana dia hijanona tsy hivavaka intsony, na ho tonga fahazarana ara pomba fotsiny ny fivavahany. Izay miala amin' ny firaisana sy fifaneraserana amin' ny olona, dia miala amin' ny adidy Kristiana sy ny fitondrana hazo fijaliana izay mitsahatra tsy miasa aminkafanam-po ho an' ny Tompo izay niasa tamin-kafanam-po ho azy, dia hahavery ny votoatin' ny fivavahana, ary tsy hanana faniriana hivavaka intsony. Ny fivavahan' ny olona toy izany dia ataony ho an' ny tenany ihany. Tsy hainy ny mivavaka hangataka izay mahasoana ny olombelona, na ny handrosoan' ny fanjakan' i Kristy, na ny hila hery ho enti-miasa. NK 91.4

Maty antoka isika raha tsy mikambana hifanatanjaka sy hifamporisika amin' ny fanompoana an' Andriamanitra. Tonga very tsy ho ao an-tsaintsika ny hery sy ny hatsaran' ny hamamnan' ny Teniny. Manjary tsy hazavaina, na hetschin' ny heriny manamasina ny fontsika ary mihena ny hamasinantsika. Maty antoka be isika amin' ny fikambanantsika Kristiana, raha tsy mifankatia amin' ny fo. Ny miolonolona samy irery, dia tsy manatanteraka ny anton' ny nikasan' Andriamanitra azy. Ny fanamboarana tsara ny toetra tia fikambanana ao an-tsaintsika, dia mahatonga antsika ho tia fatratra ny hafa, sady fototry ny fandrosoana sy ny hery ho antsika amin' ny raharahan' Andria-manitra. NK 91.5

Raha mety mikambana ny Kristiana, ka mifampiresaka ny amin' ny fitiavan' Andriamanitra sy ny amin' ny hamarinan' ny fanavotana, dia ho velombelona ny fanahiny, sady hifamelombelona koa izy. Tokony hianatra bebe kokoa isan' andro ny amin' ny Raintsika Izay any an-danitra isika, dia habazo fahalalana vaovao ny amin' ny fahasoavany amin' izay dia haniry hilaza ny fitiavany isika ary raha manao izany isika, dia hihamafana sy hihamarisika ny fontsika. Raha mihevitra sy miresaka bebe kokoa ny amin' i Jesosy isika, ary kelikely kokoa ny amin' ny tenantsika, dia hahazo an' i Kristy mifanatrika be lavitra noho izao isika. NK 92.1

Raha isika no mba mety hihevitra an' Andriamanitra isaky ny ahatsiarovantsika ny fiahiany antsika, dia tsy ho afaka antsaintsika Izy, sady ho faly hiresaka Azy sy hidera Azy isika. Miresaka ny zavatra momba izao fiainana izao isika, satria mankamamy azy. Miresaka ny amin' ny sakaizantsika isika, satria tia azy, ka miara-miroborobo aminy raha faly, ary miaramitomany aminy, raha ory. Nefa manana antony lehibe lavitra ny itiavantsika an' Andriamanitra isika, noho ny itiavantsika ny sakaizantsika ary tokony ho zavatra mety indrindra amin' izao tontolo izao ny hanao Azy ho voalohany indrindra ao an-tsaina, ka hiresaka ny hatsarany sy hilaza ny heriny. Ny fanomezantsoa nomeny antsika, dia tsy nokasainy hitelina ny saintsika sy ny fitiavantsika, ka tsy hananantsika na inona na inona homena an' Andriamanitra — fa natao hahatsiarovantsika Azy lalandava sy hamatorana antsika amin' ny kofehin' ny fitiavana sy ny fankasitrahana hiompana amin' Ilay Mpanisy soa. Monina akaiky loatra ny lemaka eto an-tany isika. Aoka isika hanandratra ny masontsika any amin' ny varavaran' ny fitoerana masina any ambony, any amin' ilay amirapiratan' ny voninahitr' Andriamamanitra. eo amin' ny tavan' i Kristy Ilay «mahavonjy tokoa izay manatona an' Andriamanitra amin' ny alalany¹Heb.7:25..» NK 92.2

Tokony hidera an' Andriamanitra misimisy kokoa isika «noho ny famindrampony sy ny fahagagana ataony amin' ny NK 92.3

zanak' olombelona 1Sal.107:8;» Tsy tokony ho fangatahana sy fandraisana fotsiny no atao amin' ny fivavahantsika. Aoka isika tsy hihevitra mandrakariva izay ilaintsika, nefa tsy hihevitra na oviana na oviana ny soa noraisintsika. Ataontsika fa kely ny fangatahantsika, nefa ny fisaorantsika no tena kely loatra. Mandray ny famindrampon' Andriamanitra lalandava isika, nefa kely foana ny fankasitrahana ataontsika, kely foana ny fiderantsika Azy noho izay nataony tamintsika. NK 92.3

Fahiny, raha nivory hanao fanompoam-pivavahana ho an' i Jehovah ny Israely, dia nandidy azy Izy hoe : «Any no hihinananareo sy ny ankohonanareo eo anatrehan' i Jehovah Andriamanitrareo, ary hifalianareo amin' izay rehetra harin' ny tananareo. izay efa nitahian' i Jehovah Andriamanitrao anao.²Deot.12.» Izay atao ho voninahitr' Andriamanitra dia tokony hatao amin' ny fo feno fifaliana sy fiderana ary fisaorana, fa tsy amin' ny toetra ory na manjombona. NK 93.1

Andriamanitra dia Ray miantra sady mamindra fo. Tsy tokony hoheverina ho zavatra mampahory na mampalahelo ny fanompoana Azy. Tokony ho fifaliana ny mivavaka amin' i

Jehovah sy ny manao ny asany. Tsy tian' Andriamanitra raha ny zanany izay efa nomeny famonjena lehibe no hihevitra Azy ho toy ny mpampiasa lozabe sady mamoritra. Sakaizantsika tsara indrindra Izy ary raha mivavaka aminy isika, dia manantena ho ao amintsika Izy hitahy sy hampionona antsika ary hameno fifaliana sy fitiavana ny fontsika. Irin' ny T(mpo ny zanany mba hifaly amin' ny fanompoana Azy, ka hahita fahafinaretana bebe kokoa noho ny fahasahiranana amin' ny raharahany. Izay tonga hivavaka aminy dia iriny, rehefa miverina ao an-tranony, hitondra hevitra mamy ny amin' ny fiahiany sy ny fitiavany, mha ho falifaly amin' ny raharaham-pivelomana rehetra isan' andro sy mba hananany fahasoavana, ka ho marina sy mahatoky amin' ny zavatra rehetra. NK 93.2

Aoka isika hankeo am-pototry ny hazo fijaliana. Ary Kristy, dia Izy voahombo no tokony ho fototr' izay hobanjinina sy resahina ary ifaliantsika. Tokony hotadidina ao an-tsaintsika ny fitahiana rehetra noraisintsika tamin' Andriamanitra ary raha mahatsiaro ny fitiavany lehibe isika, dia tokony hety hametraka ny zavatra rehetra eo amin' ilay tana nofantsihana teo ambony hazo fijaliana ho antsika. NK 93.3

Amin' ny elatry ny fiderena no ahazoan' ny fanahy hiakatra ho eo akaikikaikin' ny lanitra kokoa Ankalazaina amin' ny tonon-kira sy ny mozika ao amin' ny lapany ao ambony Andria- NK 93.4

manitra ary amin' ny ampisehoantsika ny fisaorantsika no anatonantsika kokoa ny fotoam-pivavahana ataon' ny ankamaroan' ny ao an-danitra. «Izay manatitra fanati-pisaorana no manome voninahitra 1 Sal.50:23 ;» an' Andriamanitra. Koa dia aoka isika hankeo anoloan' ny Mpanao antsika amin' ny fifaliana feno fanajana mitondra «ny fisaorana sy ny feo fiderana 2Isa.51:3..» NK 93.4

TOKO XII—INONA NO HATAO AMIN' NY FISALASALANA?

Maro ny olona no sahiranin' ny fisalasalana indraindray, indrindra fa ireo zazavao amin' ny fiainana Kristiana. Misy zavatra ao amin ny Baiboly, izay tsy hainy hazavaina na hofantarina akory aza, ary ampiasain' i Satana izany hanozongozona ny finoany ny amin ny maha-tenin' Andriamanitra ny Soratra Masina. Hoy izy: «Ataoko ahoana no hahafantatra ny lalana marina.

Raha tenin' Andriamanitra tokoa ny Baiboly, atao ahoana no hahafaka ahy amin' ireny fisalasalana sy fahasahiranana-kevitra ireny ? ” NK 97.1

Andriamanitra tsy mampino antsika na oviana na oviana, raha tsy manome porofo ampy hiorenan' ny finoantsika. Ny fisiany, ny toetrany ary ny hamarinan' ny Teniny dia hamarinin' ny porofo izay mitory amin' ny saintsika, sady ampy hanaranampo izany porofo izany. Andriamanitra anefa tsy manaisotra ny fisalasalana, na oviana na oviana. **Tsy maintsy miankina amin' ny tena azo antoka ny finoantsika, fa tsy amin' ny fisehoana fotsiny. Izay tehisalasalana dia mahazo misalasalana, fa izay tena maniry hahalala ny marina kosa. dia hahita izay tena izy ampy hiorenan' ny finoany.** NK 97.2

Tsy azon' ny saina voafetra atao velively ny hahalala tanteraka ny toetra na ny asan' Ilay Tsivoafetra.” Na dia amin' ny saina mahiratra indrindra sady nahita fianarana ambony indrindra aza, dia mbola zava-miafina saro-pantarina Ilay Andriamanitra masina. NK 97.3

«Takatry ny sainao va ny fomban' Andriamanitra?

Ary tanteraka va ny fahitanao ny Tsitoha?

Avo tahaka ny lanitra izany ! ka inona no hainao atao?

Lalina noho ny fiainan-tsihita ! ka inona no fantatrao 1Joba.11:7.8 ;?» NK 97.4

Loa-bolana mantsy Paoly Apostoly, ka nanao hoe : «Endrey ny halalin' ny haren' Andriamanitra sy ny fahendreny ary ny fahalalany ! ny fitsarany tsy hita lany, ary ny lalany tsy azo fantarina! 2Rom. 11:33 ;» Nefa na dia «rahona sy aizim-pito» aza «no manodidina Azy; fahamarinana sy fitsarana no fanorenan' ny seza fiandrianany 3Sal.97:2..» Ny ataony amintsika sy ny anton' izay manetsika Azy no fantatsika, ka hahazantsika mamantatra ny fitiavana sy ny famindrampo tsy hita lany mifaningotra amin' ny hery tsy voafetra. Ny fikasany izay mendrika ho fantatsika ihany no fantatsika ary ao an-koatr' izany dia tsy maintsy matoky Ilay tana mahery sy Ilay fo feno fitiavana isika. NK 97.5

Ny Tenin' Andriamanitra dia tahaka ny toetry ny Tompony ihany, ka misy zava-miafina, izay tsy mety ho fantatra tanteraky ny zava-boahary manam-petra na oviana na oviana. Ny nidiran' ny fahotana tamin' izao tontolo izao, ny nahatongavan' i Kristy ho nofo, ny fiteraham-baovao, ny fitsanganana amin' ny maty ary ny zavatra maro hafa koa aseho ao amin' ny Baiboly, dia zava-miafina lalina loatra, ka tsy takatry ny sain' olombelona hohazavaina, na hoe ho fantatra tanteraka marina akory aza. Nefa tsy misy antony isalasalantsika ny amin' ny Tenin'

Andriamanitra, satria tsy mahafantatra ny zava-miafina ao amin' ny fitondrany isika. Amin' ny zavatra eto amin' izao tontolo izao, dia manodidina antsika lalandava ny zava-dalina izay tsy takatsika polopolorina. Na dia ny karazan' aina ambany indrindra aza, dia tsy hain' ny *philosophe* olon-kendry sy lalin-tsaina mahay indrindra hazavaina. Misy zava-mahagaga tsy takatry ny saintsika eny rehetra eny. Ka dia tokony ho gaga ve isika raha mahita fa amin' ny ara-panahy koa dia misy zava-miafina, izay tsy haintsika fantarina velively ? Ny fahalemena sy ny fahateran' ny sain' olombelona no tsy ahaizana izany. Andriamanitra efa nanome antsika porofo ampy ao amin' ny Baiboly ny amin' ny maha-avy amin' Andriamanitra azy, ka tsy tokony hisalasalana ny amin' ny Tenin' Andriamanitra isika, satria tsy fantatsika ny zava-miafina rehetra ao amin' ny fitondrany. NK 98.1

Lazain' i Petera Apostoly, fa ao amin' ny Soratra Masina dia «misy zavatra saro-pantarina, izay aolan' ny olona kely fahalalana sady tsy miorina tsara ka mahatonga fahaverezana ho an' ny tenany 12Pet.3:16. » NK 98.2

Ny fahasarotan' ny hevitra ny Soratra Masina no efa nampiasain' ny tsy mino ho enti-manohitra ny Baiboly nefa hafa lavitra noho izany, fa io indrindra no porofo mahery ny amin' ny maha-avy amin' Andriamanitra azy. Raha tsy milaza ny amin' Andriamanitra izy, afa tsy izay mety ho fantatsika moramora ihany raha mety ho takatry ny saina voafetra ny halehibeazany sy ny voninahiny, dia tsy tokony hinoana ho avy amin' Andriamanitra akory ny Baiboly. Ny halehibeazana sy ny mahasaropantarina ny foto-javatra indrindra izay aseho ao aminy dia tokony hiteraka finoana azy ho tenin' Andriamanitra. NK 98.3

Ny Baiboly dia milaza ny fahamarinana amin' ny fomba tsotra sy antonona indrindra ny fon' olombelona, ka sady efa nahagaga sy nahafaly ny olona ambony indrindra no nahitan' ny ambany indrindra sy ny kely fahalalana ny lalam-pamonjena. Izany fahamarinana lazaina tsotra izany no misy ny zavatra am-bony sy lalina, ka tsy mety ho takatry ny sain' olombelona ka noho izy nolazain' Andriamanitra ihany no ahazoantsika manaiky azy. Koa amin' izany ny hevitr' Andriamanitra ny amin' ny fanavotana dia aseho amintsika mba hahitan' ny olona rehetra izay tokony hataony amin' ny fibebahana amin' Andriamanitra sy ny finoana an' i Jesosy Kristy Tompontsika mba hovanjena araka ny fomba voatendrin' Andriamanitra nefa ao anatin' izany fahamarinana mora fantatra izany no misy zava-tsaro-pantarina izay mandresy ny saina fatra-pikatsaka, nefa manoro hevitra ny tena mpitady ny marina amin' ny fanajana sy ny finoana. Ara-karaka ny habetsahan' ny andinihana ny Baiboly no mainka

mampiaiky fa tenin' Andriamanitra velona izy, ary ny fiheveran' olombelona dia miondrika eo anoloan' ny fahalehibeazan' ny fahamarinan' Andriamanitra. NK 99.1

Ny miaiky fa tsy tena mahalala tanteraka ny fahamarinana lehibe ao amin' ny Baiboly isika dia tsy inona fa miaiky fa ny saina voafetra dia tsy ampy handray ny tsy voafetra ny olombelona manam-pahalalana voafetra dia tsy mahay mamantatra ny fikasan' Ilay Mahalala ny zavatra rehetra. NK 99.2

Lavin' ny mpisalasalana sy ny tsy mpino ny tenin' Andriamanitra, satria tsy takany ny zavamiafina ao aminy ary na dia izay rehetra milaza ny tenany ho mino ny Baiboly aza tsy ary afaka amin' ny fahavoazana amin' izany. Hoy ny Apostoly hoe : «Tandremo, ry rahalahy, fandrao hisy aminareo hanana fo ratsy tsy mino ka hiala amin' Andriamanitra velona 1Heb. 3:12 ;» Koa dia mety ny mandinika tsara ny fampianaran' ny Baiboly sy mikaroka ny «saina lalina izay an' Andriamanitra 21 Kor.2:10.» araka izay anambarana azy ao amin' ny Soratra Masina. Kanefa «an' i Jehovah Andriamanitsika ny zavamiafina fa antsika.kosa ny zavatra ambara Deot.29:28.» Nefa raharahan' i Satana ny mamely ny herin-tsaina mahay mandinika. Misy fireharehana mifangaro amin' ny fiheverana ny Baiboly, ka mahatsiaro tsy faharetana sy fahakiviana ny olona raha tsy hainy hazavaina mahafa-po azy tsara ny teny rehetra ao amin' ny Soratra Masina. Ataony fa mahafa-baraka azy ny tsy mahalala ny teny avy amin' Andriamanitra. Tsy mety miandry amim-paharetana izy ambara-pampisehon' Andriamanitra ny marina aminy araka izay ataony ho mety. Ataony fa ny NK 99.3

fahendreny fotsiny, araka ny maha-olombelona azy, dia ampy hampahalala azy ny hevitra ny Soratra Masina, ka rehefa tsy araka izany, dia laviny an-kitsirano izao ny mahamarina azy. Marina fa misy maro ny hevitra sy ny fampianarana izay heverin' ny olona ho avy amin' ny Baiboly no tsy araky ny fampianaran' ny Baiboly, fa mifanohitra amin' ny totalin-kevitra ny Soratra Masina aza. Izany rehetra izany no efa nahatonga fisalasalana sy fahasahiranana tao an-tsain' ny olona maro. Tsy azo atao ho tsinin' ny Tenin' Andriamanitra nefa izany, fa tsinin' ny olona izay marnpivily ny heviny. NK 100.3

Raha hain' ny zava-noharina atao ny hahalala tanteraka an' Andriamanitra sy ny asany, ka tonga amin' izany fanaperana izany izy, dia tsy hisy fahitana ny marina intsony, tsy hisy fitomboana amin' ny fahalalana intsony, tsy hisy fivelaran' ny saina na ny fo intsony. Tsy ho ambony indrindra Andriamanitra ary ny olona, noho izy efa mahatratra ny fetry ny fahalalana sy izay tokony ho tratra dia hitsahatra tsy handroso intsony. Isaorana anie Andriamanitra fa

tsy izany no izy. Andriamanitra dia tsy voafetra ao aminy no «iafenan' ny rakitry ny fahendrena sy ny fahalalana rehetra 1kolos.2:3 ;» Ary mahazo mikaroka sy mianatra hatrany amin' ny faran' ny mandrakizay ny olona, nefa tsy hahatapitra ny rakitry ny fahendreny sy ny fahatsarany ary ny heriny. NK 100.1

Na eto amin' ity fiainana ity aza dia kasain' Andriamanitra haseho amin' ny olony ny hamarinan' ny Teniny. Lalana iray monja anefa no ahazoana izany fahalalana izany. Ny fanazavan' ny Fanahy ihany izay nahazoana ny Teny no ahazoantsika fahalalana ny Tenin' Andriamanitra. «Tsy misy mahalala ny ao am-pon' Andriamanitra, afa-tsy ny Fanahin' Andriamanitra ihany — fa ny Fanahy mamantatra ny zavatra rehetra, ria dia ny saina lalina izay an' Andriamanitra aza 21 Kor.2:11.12.» Ary ny teny fikasana nataon' ny Mpamonjy tamin' ny mpanaraka Azy dia hoe : «Raha tonga ny Fanahin' ny fahamarinana. dia Izy hitari-dalana anareo ho amin' ny marina rehetra; fa handray avy amin' ny Ahy Izy, ka hanambara izany aminareo 3Jao.16:13,14..» NK 100.2

Maniry ny olona hampiasa ny herin-tsainy Andriamanitra ary ny fandinihana ny Baiboly no hanatanjaka sy hanandratra ny saina, mihoatra noho izay azon' ny fandinihana hafa atao. Nefa tokony hosorohintsika ny hanambony loatra ny fiheverana fa andairan' ny fahalemena sy ny fahosan' olombelona izy. Raha tiantsika hibaribary amin' ny fahalalantsika ny Soratra Masina, ka irintsika ho fantatra ny marina tsotra indrindra, dia tsy NK 100.3

maintsy manana ny fahatsorana sy ny finoan' ny zazakely isika, vonon-kianatra ary mangataka ny fanampian' ny Fanahy Masina. Ny fiheverana ny herin' Andriamanitra sy ny fahendreny ary ny tsy fahatakarantsika ny fahalehibeazany, dia tokony hampietry tena antsika, ka tokony hanokatra ny Teniny amin-tahotra masina, toy ny mankeo anatrehany isika. Rehefa tonga eo amin' ny Baiboly isika dia tsy maintsy miaiky fa misy fahefana ambony noho ny fahamarinantsika ary tsy maintsy mihohoka amin' Ilay Izaho Izay Izy lehibe ny fo sy ny saina. NK 100.3

Misy zavatra maro tena manahirana sady maizina, izay hohazavain' Andriamanitra sady hotsoriny amin' izay mangataka fahalalana ny amin' izany. Nefa raha tsy misy ny fitarihan' ny Fanahy Masina, dia mety hanova mandrakariva ny hevitra ny Soratra Masina isika, na ho diso fandray azy. Betsaka ny famakiana ny Baiboly no tsy wahaso akory, fa vao mainka tena manimba mihitsy aza. Raha sokafana tsy amim-panajana sy tsy amim-pivavahana ny Tenin' Andriamanitra raha tsy miorina amin' Andriamanitra ny hevitra sy ny fitiavana, na tsy

mifanaraka amin' ny sitrapony, dia maizin' ny fisalasalana ny saina, ary amin' ny fandinihina ny Baiboly indrindra aza, no vao mainka mihabe ny fiahahanana. Mifehy ny saina ny fahavalo, ka mampiseho hevi-teny tsy marina. Na rahoviana, na rahoviana ny olona no tsy mitady fifanaraka amin' Andriamanitra amin' ny teny sy ny atao, dia mety ho diso ny fahalalany ny Soratra Masina. na manao ahoana na manao ahoana lahaizany, ka tsy azo itokiana ny fanazavany azy. Izay mijery ny Baiboly hitady tsy fifanarahana ao, dia olona tsy manana tena fahalalana tanteraka. Noho ny fijeresa vilana dia hahita antony maro izy izay mahatonga fisalasalany tsy finoana amin' ny zavatra izay tena mazavasady tsotra. NK 101.1

Aoka hamily ny heviny ny olona, raha tiany izany, nefa ny tena anton' ny fisalasalana sy ny tsy finoana amin' ny ankabeazan' olona dia tsy inona fa fitiavana ota. Tsy ankasitran' ny fo tia ota sady be avona ny fampianarana sy ny fandrarana ao amin' ny Tenin' Andriamanitra, ary izay tsy ta-hankato ny asainy atao dia vonona hisalasalana ny amin' ny mahamarina azy. Raha te-ho marina isika dia tsy maintsy tena maniry tokca hahalala ny marina sady mety hankato azy. Ary izay rehetra manana izany toe-panahy izany ho enti-mianatra ny Baiboly, dia hahita porofo ampy, fa Tenin' Andriamanitra tokoa izy ary hahalala ny hamarinany izay hampahahendry azy ho amin' ny famonjena. NK 101.2

Kristy efa nanao hoe : «Raha misy olona ta-hanao ny sitrapony, dia hahalala ny amin' ny fampianarana izy 1Jao.7:17..» Raha misy NK 101.3

tsy fantatrao dia aleo milandrana r.y fahazavana izay misy ao aminao rahateo, toy izay manadinadina sy mamalivaly foana ny amin' izany, dia hahazo fahazavana bebe kokoa hianao. Noho ny fahasoavan' i Kristy, vitao ny adidy rehetra efa nampahalalaina anao, dia hahalala sy bahavita izay mampisalasalana anao izao hianao. NK 101.3

Misy porofo mety ho takatry ny olona rehetra, na izay mahay indrindra, na izay bado indrindra, dia ny porofo avy amin' ny fanaovana na ny fanandramana. Mangataka ny tenantsika Andria-manitra hanaporofa ny mahato ny Teniny sy mahamarina ny fikasany, fa hoy Izy amintsika : «Andramo. ka izahao, fa tsara Jehovah 1 sal.34:8 ;» Ny tenantsika no asai-manandrana, fa tsy hiantehitra amin' ny tenin olon-kafa. Hoy Izy : «Mangataha, dia hahazo hianareo 2Jao. 16:21 ;.» Tsy maintsy tanteraka ny fikasany. Tsy mbola diso, na oviana na oviana ireny, ary tsy hety diso koa, na oviana na oviana. Ary raha manatona an' i Jesosy isika, ka mifaly amin' ny fahafenoan' ny fitiavany. dia ho levona amin' ny bazavan' ny tavany ny fisalasalantsika sy ny fahamaizinantsika. NK 102.1

Paoly Apostoly milaza la Andriamanitra «nahafaka antsika tamin' ny fahefan' ny maizina ka namindra antsika ho amin' ny fanjakan' ny Zanany malalany 3Kol.1:13;» Ary izay rehetra efa niala tamin' ny fahafatesana ho amin' ny fiainana dia mahazo «manisy tombo-kase fa marina Andriamanitra 4Jao.3:33;» Mahazo manambara hoe izy : «Nila fanampiana aho. ka nahita tao amin' i Jesosy. Izay rehetra ilaina dia misy avokoa. ka ny fanahiko noana dia novokisana ary amiko izao ny Baiboly dia fanambarana an' i Kristy, Hanontany va hianao, nahoana moa aho no mino an' i Jesosy? — Satria Mpamonjy ahy Izy. Nahoana moa aho no mino ny Baiboly ? — Satria hitako fa feon' Andriamanitra miteny amin' ny fanahiko izy.» Mety banana vavolombelona ao amin' ny tenantsika isika la n arina ny Baiboly ary Krisly no Zanak' Andriamanitra. Fantatsika fa tsy manaraka angano tsara lahatra foana isika. NK 102.2

Petera dia nampirisika ny rahalahiny, ka nanao hoe : «Mitombo amin' ny fahasoavana sy ny fahalalana an' i Jesosy Krisly Tompon' isika sy Mpamonjy 5Pet. 3:13 ;» Raha milombo amin' ny fahasoavana ny olon' Andriamanitra, dia hahazo fahalalana mazava ny Teniny izy. Hahita fahazavana sy fahatsarana amin' ny hamarinany masina izy. Marina izany tamin' ny tantaran' ny fiangonana hatrany hatrany ary mbola haharitra ho toy izany ihany hatramin' ny farany. NK 102.3

«Fa ny lalan' ny marina dia toy ny fipoak' andro maraina, Izay mihamazava mandra-pitataovovonan' ny andro 6Oh.4:18..» NK 102.4

Amin' ny finoana no ahazoan' isika mijery ny any an-koatra sy mitana ny tena fanekena nalaon' Andriamanitra hampitombo fahalalana ary hampifamatotra amin' ny an' Andriamanitra ny herin-tsain' olombelona ary ny herim-panahy rehetra hakambana mivantana amin' Ilay Loharanom-pahazavana. Mahazo mifaly isika, fa izay rehetra nanahirana antsika tamin' ny fitondran' Andriamanitra dia hiharihary amin' izay ary ny zavatra saropantarina dia ho voazava ary amin izay tsy ahitan' izao saintsika kely voafetra izao, afa-tsy likorontanana sy fikasana diso dia hahita fifanarahana tanteraka sady tsara indrindra isika. «Fa ankehitriny isika mizaha ao amin' ny fitaratra, ka tsy mahita marina, fa rahatrizay dia mifanatrika ankehitriny sombintsombiny no fantatro : fa rahatrizay dia ho fantatro tsara toy izay nahafantarana ahy 1Kor.13:12..» NK 103.1

TOKO XIII—FIFALIANA AO AMIN' NY TOMPO

Ilaina ny zanak' Andriamanitra mba ho solon' i Kristy, hampiseho ny hatsarana sy ny famindrampon' ny Tompo. Tahaka ny nampisehoan' i Jesosy tamintsika ny tena toetry ny Ray, toy izany koa no tokony hampisehoantsika an' i Kristy eo amin' izao tontolo izao, izay tsy maintsy mahalala ny fitiavanv mora sady feno antra. Hoy Jesosy : «Tahaka ny nanirahinao Ahy ho amin' izao tontolo izao, no mba nanirahako azy kosa ho amin' izao tontolo izao. Izaho ao aminy, ary Hianao ato amiko, mba ho fantatr' izao tontolo izao fa Hianao efa naniraka Ahy 1Jao.17:18,23 ;» Hoy Paoly Apostoly tamin' ny mpianatr' i Jesosy : «Aseho ho epistilin' i Kristy hianareo, sady fantatra sy vakin' ny olona rehetra 2 Kor.3:3,2..» Isam-batan' olona tsirairay avy amin' ny zanany no ampitondran' i Jesosy taratasy ho an' izao tontolo izao. Raha mpianatr' i Kristy hianao, dia hianao no taratasy ampitondrainy ho any amin' ny fianakaviana sy tanàna ary ny arabe izay misy anao. Jesosy ao anatinao dia maniry hiteny amin' ny fon' ireo izay tsy mahalala Azy. Angamba tsy mamaky ny Baiboly izy, na mihaino ny feo miteny aminy ao amin' izany ka dia tsy mahita ny fitiavan' Andriamanitra ao amin' ny asany izy. Nefa raha tena sarin' i Jesosy marina tokoa hianao, dia angamba amin' ny alalanao no hahatonga azy hahalala ny hatsarany, ary ho voataona ho tia sy hanompo Azy. NK 105.1

Ny Kristiana dia atao mpitondra fanilo amin' ny lālana mankany an-danitra. Ny fahazavana raisiny avy amin' i Kristy, dia tsy maintsy alefany hitaratra amin' izao tontolo izao. Avy amin' ny toe-piainany sy ny toe-panahiny no tokony hahalalan' ny olona marina an' i Kristy sy ny fanompoana Azy. NK 105.2

Raha tena sarin' i Kristy isika, dia hataontsika izay hisehoan' ny raharahany ho mahafinaritra toy izay tena toetrany. Ny Kristiana izay manangona alahelo sy fahoriana ao amin' ny fanahiny, ary mimonomonina sy mitaraina, dia diso ny fampisehony ny sarin' Andriamanitra amin' ny olon-kafa sy amin' ny fiainana Kristiana. Izany ataony izany dia mahatonga ny olona hihevitra, fa Andriamanitra dia tsy faly amin' ny fahafinaretan' ny zanany, ary amin' izany dia vavolombelona mandainga manohitra ny Raintsika Izay any an-danitra izy. NK 105.3

Ravoravo Satana raha mahataona nv zanak' Andriamanitra tsy hino sy hamoy fo. Faly izy mahita antsika tsy matoky NK 105.4

an' Andriamanitra, ka misalasala ny amin' ny fetezany sy ny heriny hamonjy antsika. Tiany ny mahatonga antsika hino, fa ny Tompo hampidi-doza amintsika amin' ny fitondrany. Ny raharahan' i Satana dia ny mampiseho an' i Jehovah ho tsy manana antra sy famindrampo. Ataony diso filaza ny tena toetrany marina. Fenoiny hevitra tsy marina ny amin' Andriamanitra ao an' eritreritra, ary matetika koa isika no mino ny vohony omen' i Satana, fa tsy mifikitra amin' ny marina sy amin' ny Raintsika Izay any an-danitra, ary manala baraka an' Andriamanitra, noho ny tsy fahatokiana sy fimonomononana aminy. Tadiavin' i Satana mandrakariva ny hahatonga ny fiainan' ny mpivavaka ho zava-mampanjorettra. Iriny ny hampiseho azy ho mahakamo sady manahirana ary raha ny Kristiana no mampiseho izany toelry ny fivavahana izany amin' ny toe-piainany, dia manampy ny laingan' i Satana koa izy noho ny tsy finoany. NK 105.4

Maro ny olona izay mandeha amin' ity fiainana ity no mitoetra amin' ny fahadisoany sy ny tsy fahombiazany ary ny fahadisoam-panantenany, ka feno fahoriana sy fahakiviana ny fony. Raha mbola lany Eoropa aho, dia nisy vehivavy nanao toy izany, sady tra-pahoriana lalina koa, nanoratra tamiko nangataka teny fampirisihina. Nony alin' iny namakiako ny taratasy iny, dia nofiko, fa tao amin' ny zaridaina anankiray, hono, aho, ary nisy olona izay toa tompon' ilay zaridaina namaky ny lalana teo. Raha mbola nioty ny voninkazo sy finaritra tamin' ny fofony manitra aho, dia niteny tamiko ity vehivavy ity izay nifanindrandalana tamiko, ka nampiseho ahy angivy ratsy tarehy izay nisakan-dàlana azy. Ka dia ory sady sahirana teo izy. Tsy nandeha tamin' ny lala-masaka nanaraka ny mpitarika izy, fa nandeha tao anatin' ny angivy sy ny tsilo. «Indrisy !» hoy izy, «moa tsy mampalahelo va fa simban' ny tsilo ity zaridaina tsara tarehy ity?» Fa boy ilay mpitarika hoe : «Aza mikasika ny tsilo, sao maratra hianao. Ny raozy sy ny lisy ary ny pinka no alao.» NK 106.1

Moa tsy efa nisy zava-mahafaly va tamin' izay efa nihatra taminao ? Moa va hianao tsy efa nanana fotoana mahafinaritra, fony ny fonao nitepo tamim-pifaliana namaky ny Fanahin' Andriamanitra ? Raha nitodika nijery ny toe-piainanao tamin' ny lasa hianao, moa tsy nahita zava-mahafaly amin' ireny va hianao? Moa va ny teny fikasan' Andriamanitra tsy toy ny voninkazo manitra mamerovero maniry eo an-daniny roa amin' ny lalanao ? Moa va tsy havelanao hameno ny fonao ny hatsaranlarehiny sy ny fofony manitra ? NK 106.2

Mandratra sy mampanaintaina ihany no ataon' ny angivy sy ny tsilo; ary raha ireny zavatra ireny ihany no angoninao, ka atolotrao ny hafa, moa va tsy misakaua ireo olona manodidina NK 106.3

anao tsy handeha amin' ny lalan' ny fiainana hianao, sady manazimba ny hatsaran' Andriamanitra koa? NK 106.3

Tsy hendry ny manangona ny fahatsiarovana maharikoriko ny amin' ny toe-piainana tamin' ny lasa — ny heloka sy ny fahadisoam-panantenana tamin' izany, ka hiresaka sy hiory ny amin' izany, ambara-pahatongantsika ho latsaka amin' ny famoizam-po. Feno aizina ny fanahy kivy, fa manampina ny fahazavan' Andriamanitra tsy hiditra ao am-pony, sady manaloka amin' ny lalan' ny hafa koa. NK 107.1

Isaorana anie Andriamanitra, noho ny sary mazava izay nasehony tamintsika. Aoka hangonintsika hatao an-tokony ny fanomezan-tokim-pitiavany, mba hahazoantsika mijery azy ireo lalandava. Nandao ny seza fiandrianan' ny Rainy ny Zanak' Andriamanitra, ka nitafy nofo mba hahazoany mamonjy ny olombelona amin' ny herin' i Satana. Ny fandreseny, noho ny amintsika, no mamoha ny lanitra ho an' ny olombelona, ka hahitany ny toerana izay amborahan' Andriamanitra ny voninahiny, ka ny zanak' olombelona lavo asandratra avy amin' ny lavaky ny fahaverezana, izay nandetehan' ny ota azy, ary ampihavanina indray amin' Ilay Andriamanitra lehibe dia lehibe, ary rehefa niaritra ny fitsapana amin' ny finoana ny Mpanavotra antsika, dia nampitafina ny fahamarinan' i Kristy, ka nasandratra eo amin' ny seza fiandrianany — izany no sary tian' Andriamanitra hobanjinintsika. NK 107.2

Raha toa misalasala ny amin' ny fitiavan' Andriamanitra isika, ka tsy matoky ny teny fikasany, dia manala baraka Azy isika, sady mampalahelo ny Fanahiny Masina. Hanao ahoana re no ho toe-tsain' ny reny, raha mimonomonona aminy lalandava ny zanany, toy ilay tsy mba nihevitra ny hahatsara azy iny akory, nefa efa tany mondron-kery nanao izay hahasoa sy hahafinaritra azy. Raha ohatra ka hoe misalasala ny amin' ny fitiavany azy izy, dia hahavaky ny fony izany. Hanao ahoana no ho fahazakan' ny ray aman-dreny hataon' ny zanany toy izany ? Ary hataon' ny Raintsika Izay any an-danitra ahoana no fihevitra antsika, raha isika tsy matoky ny fitiavany, izay nanesika Azy hanome ny Zanani-lahy tokana, mba hananantsika fiainana. Hoy ny Apostoly : «Izay tsy niaro ny Zanani-lahy, fa natolony hamonjy antsika rehetra Izy, tsy homeny antsika miaraka aminy maimaimpoana koa va ny zavatra rehetra 1Rom.8:32?» Nefa maro no manao hoe, amin' ny ataony, raha tsy amin' ny teniny aza «Tsy mihevitra izany ho ahy Andriamanitra. Angamba tia ny sasany Izy, fa tsy tia ahy.» NK 107.3

Manimba ny fanahinao izany, satria ny tenim-pisalasalana rehetra aloaky ny vavanao, dia fihantsiana ny fakam-panahin' i Satana mampahery ny firaikanao ho amin' ny fisalasalana

izany, ary mampahory ny anjely manompo ao aminao. Raha maka fanahy anao Satana, aza mamoka tenim-pisalasalana na fahakiviana, na dia indraim-bava aza. Raha mety mihaino ny tsipihavitra omeny hianao, dia ho feno tsy fahatokiana sy fisalasalana ny sainao. Raha miresaka ny amin' izay hevitrao hianao, ny fisalasalana rehetra lazainao, dia tsy fanoherana anao ihany, fa voa hitsimoka sy hamoa ao amin' ny fiainan' ny hafa, ary angamba tsy ho azo atao ny hisakana ny herin' ny teninao. Mety ho afaka amin' ny fakam-panahy sy ny fandrik' i Satana angamba ny tenanao, fa ny hafa kosa, izay efa voataonan' ny herinao, dia angamba tsy ho afa-mandositra ny tsy finoana izay efa natranganao. Mety dia mety ny tsy hitenenantsika, afa-tsy izay zavatra mahatonga hery sy aina ara-panahy ihany. NK 108.1

Ny anjely dia mihaino mba handre, na rapaoro manao ahoana na manao ahoana no holazainao amin' izao tontolo izao ny amin' ny Tomponao any an-danitra. Aoka ho any amin' Ilay velona hanao fifonana ho anao eo anatrehan' ny Ray no ho fotodresakao. Raha mifandray tana amin-tsakaiza hianao, aoka ny fiderana an' Andriamanitra no ho eo am-bava sy ao amponao. Hahatarika ny sainy ho amin' i Jesosy izany. NK 108.2

Samy iharan' ny fitsapana avokoa ny olona rehetra ao ny fahoriana sarotra entina sy fakam-panahy sarotra toherina. Aza milaza ny manjo anao amin' ny olombelona mety maty tahaka anao, fa ento any amin' Andriamanitra amin' ny fivavahana ny zavatra rehetra. Ataovy lalana mihitsy ny tsy hanana tenimpisalasalana na tenim-pahakiviana, na oviana na oviana, na dia indraim-bava monja aza. Raha manao tenim-panantenana sy fampifalifaliana masina hianao, dia hahefa be amin' ny fampamirapiratana ny fiainan' ny hafa sy ny fanatanjahana ny herimpony. NK 108.3

Misy olona maro mahery fo ampahorin' ny fakam-panahy ka efa mila ho lavo, noho ny fitolomana amin' ny tena sy ny herin' ny ratsy. Aza manakivy ny toy izany amin' ny adiny. Omeo toky amin' ny teny sahy sady feno fanantenana izy, mba hampirisika azy amin' ny alehany. Ary amin' izany dia hamirapiratra avy ao aminao ny fahazavan' i Kristy. «Tsy misy velon-ko an' ny tenany isika 1Rom 14:7 .» Amin' ny herintsika tsy ampoizina, dia mety hampahazo toky sy hampahatanjaka ny olona, na hampahakivy sy hampiala azy amin' ny fahamarinana. NK 108.4

Maro ny olona no diso hevitra ny amin' ny toe-piaina sy ny toe-panahin' i Kristy. Heveriny fa tsy nanana hafanam-po sy tsy taitra tamin-javatra Izy, fa henjana, sarotiny sady nanjoni-dava. Voan' izany toetra mampalahelo izany ny toetry ny mpivavaka maro. NK 109.1

Maotina dia maotina sady nafana fo fatratra ny Mpamonjintsika, nefa tsy nimonjomonjo na sosotsosotra. Koa ny toe-piainan' izay maka tahaka Azy, dia tsy maintsy ho feno fikasana tsara, sady hanan-kevitra kanto amin' ny adidy maha-olombelona azy. Ary dia hitsahatra ny fanazimbazimbana, ho fongotra ny korana tsy mahomby sy ny voso-dratsy, fa ny fivavahana amin'i Jesosy no hanome fiadanana misononoka tahaka ny ony. Tsy hamono ny fahazavam-pifaliana, na hisakana ny firavoana, na hampanjombona ny tarehy mibaiiaka sady mitsiky ny fivavahana. Tsy tonga mba hotompoina Kristy, fa mba hanompo, ka raha manjaka ao am-pontsika ny fitiavany dia hanaraka ny diany isika. NK 109.3

Hoy	ny	mpanao	Salamo	hoe:					
«Matokia	an' i	Jehovah	hianao.	ka	manaova	soa,			
Dia	honina	amin' ny	tany	hianao,	ka	ho	faly	amin' ny	fa-
hamarinana 1 Sal. 37:3.” NK 109.5									

«Matokia an' i Jehovah.» Ny andro rehetra dia samy misy fahoriana, fanahiana ary fahasahiranana ao aminy avy, hany ka raha sendra tafahaona isika, dia vonona miaraka amin' izay hiresaka ny fahasahiranana sy ny zava manjo antsika. Ka dia tonga tafiditra ny fahoriana sy ny tahotra be, ary dia tonga velon' erilreritra sy ahiahy ny olona izay mandre antsika, ka

manjary mihevitra, fa isika dia olona tsy manana Mpamonjy be indrafo sy feno litiavana izay vonon-kihaino ny fangatahana rehetra ataontsika, ary manampy antsika lalandava amin' ny andrompahoriana rehetra. NK 110.1

Matahotra sady mihorohoro lalandava ny olona sasany. Isan' andro vaky izao izy dia hodidinin' ny zava-mampiseho ny fitiavan' Andriamanitra isan' andro vaky izuo izy dia mifaly amin' ny hatsaran' ny fitondrany nefa hamaivaniny izany fitaliiana hita maso izany. Ny sainy dia miorina lalandava amin' ny zavatra tsy mahafinaritra izay atahorany ho tonga, na fahasahiranana :zay mety hisy tokoa izay, na dia kely ihany aza, dia maha;amba ny masony amin' ny zavatra maro izay tokony hahabe fisaurana. Ny fahasahiranana izay mihatra aminy, dia tsy mba mampanatona azy an' Andriamanitra, Ilay hany loharanon' ny fanampiana azy, fa vao mainka mampisaraka azy aminy kosa, satria vao mainka mahatonga tsy fahatokiana sy fimonomononana aminy ireny. NK 110.2

Mety amintsika va ny tsy hino toy izany ? Nahoana isika no tsy hankasitraka sy tsy hatoky ? Sakaizantsika Jesosy, ary ny ao an-danitra rehetra samy maniry ny hahasambatra antsika. Tsy tokony havela hatnpahory ny saina sy hampanjombona ny endritsikany fahasahiranana sy zava-tsarotra amin' izao fiainana izao. Raha manao izany isika, dia hisy zavatra hahasosotra sy hampijaly antsika lalandava. Tsy tokony hitahiry ahiahy isika, fa hampahasosotrasy hampiferinaina antsika lotsiny izany, fa tsy hanampy antsika hitondra fahoriana. NK 110.3

Angamba very hevitra amin' ny raharaha hianao ny fanantenanao miha-maizina miha-maizina, ary matahotra ny fatiantoka hianao. Na izany aza, aza kivy apetraho amin' Andriamanitra ny fanahiana, ary mipetraka mionona sady falifaly. Mangataha fahendrena mba hanaovanao ny raharahanao araka ny mety, dia tsy hisy fatiantoka sy faharavana. Ataovy izay azon' ny tenanao atao mba hahatonga voka-tsoa. Jesosy efa nanaiky hanampy raha mety miezaka isika. Raha nahavita izay azonao natao hianao tamin' ny fitokiana Ilay Mpanampy antsika, dia raiso amim-pifaliana ny vokatra. NK 110.4

Tsy sitrak' Andriamanitra raha ny olony no ilambesaran' ahiahy. Tsy mamitaka antsika ny Tompo. Tsy teny foana ny NK 110.5

teniny amintsika hoe : «Aza matahotra tsy misy loza amin' ny alehanao.» Fantany fa misy fizahan-toetra sy loza, ary lazainy mazava aminsika izany. Tsy mihevitra ny hanaisotra ny olony amin' izao tontolo izao feno ota sy faharatsiana Izy, nefa kosa manoro azy fiarovana

azo itokiana amin' ny andro rehetra. Ny fivavahana nataony ho an' ny mpianany dia hoe : «Izaho tsy mangataka aminao mba hampiala azy amin' izao tontolo izao, fa ny mba hiaro azy amin' ny ratsy.» «Aty amin' izao tontolo izao,» hoy Izy, «no ahitanareo fahoriana nefa matokia Izaho efa naharesy izao tontolo izao 1Jao.17:15;16:33.» NK 110.5

Raha nitoriteny tamin' ny mpianany teo an-tendrombohitra Kristy, dia nampianatra ny mpianany lesona mahafinaritra ny amin' ny tsy maintsy itokiana an' Andriamanitra. Ireny lesona ireny dia notendrena hanome toky ny zanak' Andriamanitra hatramin ny taranaka farany indrindra, ary tonga amin' ny androntsika izao izany fampianarana feno toro-hevitra sy fampiononana izany. Ny voro-manidina izay manao hiram-piderana, sady tsy manana ahiahy akory no nasain' ny Mpamonjy notsinjovin' ny mpanaraka Azy, fa «tsy mamafy na mijinja ireny.» Ary ny Ray Izay any an-danitra manomana izay ilainy. Hoy ny Mpamonjy: «Tsy mihoatra. lavitra noho ireny va hianareo 2Mat.6:23?» Manokatra ny tànany Ilay Mpiantoka ny olona sy ny biby. ka manome izay ilain' ny asan' ny tànany rehetra. Ny voro-manidina dia tsy any ivelan' ny fitandremany. Tsy mandatsaka ny hanina ao am-bavany Izy, nefa manomana sakafo araka izay ilainy. Tsy maintsy mitsindroka ny voan-javatra izay nafafiny ho azy izy. Tsy maintsy mamboatra ny zavatra hanaovany ny akaniny izy. Tsy maintsy mamahana ny zanany izy. Mivoaka mifsiatsiaka ho any amin' ny raharahany izy, satria «ny Rainareo Izay any an-danitra mamahana azy.» Ary «moa tsy mihoatra lavitra noho ireny va hianareo ?» Moa va hianareo manam-pahalalana sy mpivavaka ara-panahy tsy be vidy lavitra noho ny voro-manidina? Ilay nahary antsika, Ilay Mpiaro antsika, Ilay nanao anlsika tahaka ny endriny va tsy hanome antsika izay tokony hilaintsika, raha matoky Azy isika ? Kristy nanondro tamin' ny mpianany ny voninkazo eny an-tsaha, izay mirobona sady madera amin' ny hatsaran-tarehy nomen' Andriamanitra azy ho fanambarana ny fitiavany ny olombelona. Hoy Izy : «Diniho tsara ny voninkazo any an-tsaha 3Mat.6:28» Ny hatsaran-tarehy sy ny fahatsoran ireny voninkazo vita-nanahary ireny, dia mihoatra lavitra noho ny voninahitr' i Solomona. Na dia ny haingo mamirapiratra indrindra, izay vitan' ny fahaizan' olombelona aza, dia tsy azo ampita- NK 111.1

haina velively amin' ny hatsaran-tarehin' ny voninkazo izay asan-tànan' Andriamanitra. Ary hoy koa ny fanontanian' i Jesosy hoe : «Raha ny ahitra any an-tsaha, izay any ihany anio, ka hatsipy ao am-patana rahampitso, no ampitatin' Andriamanitra toy izany, tsy mainka va hianareo ry kely finoana 1Mat.6:39?» Raha Andriamanitra, Ilay Mpanao taozavatra tsy misy toa Azy, no manome soratra samy hafa mahafinaritra ho an' izay voninkazo Lely maty indray

andro, moa tsy ho lehibe lavitra va ny hitandremany ireo izay noforoniny tamin' ny endriny ? Ity lesona nampianarin' i Kristy ity dia anatra ho an' izay be ahiahy, sy ho an' izay sahirana sy misalasala noho ny tsy finoana. NK 111.1

Tian' i Jehovah ho sambatra sy miadana ary manoa ny zanany lahy sy zanany vavy rehetra. Hoy Jesosy hoe : «Fiadanana no avelako ho anareo, ny fiadanako no omeko anareo tsy tahaka ny fanome izao tontolo izao no fanomeko anareo. Aza malahelo na matahotra ny fonareo. Izany zavatra izany dia efa nolazaiko taminareo, mba ho ao aminareo ny fifaliako, ka ho tanteraka ny fifalianareo 2jao.14:27;15:11.» NK 112.1

Ny fahafinaretana tadiavina noho ny fitiavan-tena sy aoivelan' ny lalàn' ny adidy, dia fahafinaretana mitongilana sy mitsitapitapy ary mihelina eny, fahafinaretana handalo ka hahatonga ny fanahy ho feno fanginginana sy alahelo ny toy izany, fa raha amin' ny fanompoana an' Andriamanitra kosa, dia misy fifaliana sy fahafaham-po. Tsy avela handeha amin' ny lalana tsy azo antoka ny Kristiana tsy avela hanenina na ho diso fanantenana izy. Raha tsy manana ny fahafinaretana amin' ity fiainana ity aza isika, dia mbola mety ho faly ihany, raha mijery ny fiainana any an-koatra. NK 112.2

Nefa na eto aza, dia mety hanana fifaliana amin' ny firaisana amin' i Kristy ny Kristiana. Mety hanana ny fahazavan' ny fitiavany izy, dia ilay fiononam-po lalandava ho amin' ny fanatrehany azy. Ny fihetsehana rehetra amin' izao fiainana izao, dia tokony hampanakaiky antsika kokoa an' i Kristy, tokony hahazoantsika fahalalana lalina kokoa ny amin' ny fitiavany, ary tokony hampanatona antsika kokoa an' Ilay fonenam-piadanana. Koa dia aoka tsy hanary ny fahatokiantsika isika, fa aoka hanana toky miorina mafy, eny, mafy noho ny taloha aza. «Efa novonjen' i Jehovah isika hatramin' izao 31 Sam.7:12,» ary hamonjy antsika hatramin' ny farany Izy. Aoka isika hijery ny tsangambato fampahatsiarovana ny amin' izay efa nataon' i Jehovah hampifaly antsika sy hamonjy antsika tamin' ny tànan' ny mpandringana. Aoka hotsarovantsika ny famindram-po rehetra izay efa nasehon' Andriamanitra tamintsika — ny ranomaso izay NK 112.3

efa nafaohiny, ny fahoriana izay efa nampiononiny, ny fanahiana izay efa nesoriny, ny tahotra izay efa nalàny, ny nilaina izay efa nomeny, ny fitahiana izay efa azo — dia hampahatanjaka antsika amin' izay rehetra hihatra amintsika mandritra ny andron' ny fivahiniantsika sisa izany. NK 112.3

Tsy azontsika atao ny tsy hijery ny fahasahiranana vaovao amin' ny fahoriana hiseho, nefa tokony hijery ny lnsa mbamin' ny ho avy koa isika ka hanao hoe «Efa novonjen' i Jehovah isika hatramin' izao.» ” Ary hifamatra amin' ny andronao ny fiadananao 1Deo. 33:25 ;.” Ny fizahan-toetra dia tsy hihoatr ny hery izay homena antsika hanoherana azy. Koa dia aoka isika handray ny raharahuntsika amin' izay ahitantsika azy, ary hino fa na inona na inona mihatra, dia hisy hery homena antsika arakaraky ny fizahan-toetra. NK 113.1

Ary vetivety dia hovohana ny vavahadin' ny lanitra hidiran' ny zanak' Andriamanitra, ary ho ren ny sofina tah ika ny mozika mahafinaritra indrindra avy amin' ny vavan ny Mpanjakan ny voninahitra ny tso-drano hoe : «Avia hianareo izay notahin' ny Raiko. mandovà ny fanjakana izay voavotra ho anareo hatrizay nanorenana izao tontolo izao 2Mat. 25:34;.» NK 113.2

Amin' izay dia hampandrosoina ho ao amin' ny fonenana izay namboarin' i Jesosy ho azy ny voavotra. Ary ny ho namany any dia tsy ny ratsy fanahy teto an-tanv toy ny mpandainga, ny mpanompo sampy, ny vetaveta, ny tsy mino, fa ireo izay efa nandresy an' i Satana ary nahazo toe-panahy tanteraka noho ny fahasoavan' Andriamanitra. Ny firaihana rehetra ho amin ny ota, ny tsy fahatanterahana rehetra izay nampahory azy tety dia efa afaky ny ran' i Kristy ary ny fahatsarana sy ny famirapiratan' ny voninahiny izay mihoatra lavitra noho ny famirapiratan' ny masoandro dia omena azy. Ary ny hatsaram-panahinv sy ny fahatanterahan' ny toeny dia hamirapiratra ao amin' izy ireny, mihoatra lavitra noho ny famirapiratan' izao tontolo izao. Tsy manan-kilema eo anatrehan' ny sezam-piandrianana fotsy lehibe izy ary miombom-boninahitra sy tombon-tsoa amin' ny anjely. NK 113.3

Raha ny amin' ny lova be voninahitra izay mety ho azy no heverina dia «inona no homen' ny olona ho takalon' ny ainy 3Mat. 16:26.». Angamba olo-mahantra izy, nefa manana ny harena sy ny voninahitra izay tsy azon' izao tontolo izao omena, na ovianana oviana. **Ny fanahy voavotra sady voadio tamin'ny ota mbamin' ny heriny rehetra voatolotra ho amin' ny fanompoana an' Andriamanitra dia ambony vidy indrindra ary misy fifaliana any andanitra eo anatrehan' Andriamanitra sy ny anjely masina ny amin' ny fanahy iray voavotra, dia fifaliana izay aseho amin' ny hiran' ny fihobiana masina.**